



PARLAMENTO  
DE GALICIA



## BOLETÍN OFICIAL DO PARLAMENTO DE GALICIA

---

XI lexislatura  
Número 40  
4 de novembro de 2020

Fascículo 2



## SUMARIO

---

### 1. Procedementos parlamentarios

#### 1.3. Procedementos de control e impulso

##### 1.3.6. Proposicións non de lei

##### 1.3.6.2. Proposicións non de lei en Comisión

##### 1.3.6.2.1. Proposicións presentadas

#### Admisión a trámite polo procedemento de urxencia, asignación a comisión e publicación

##### I 4398 (11/PNC-000517)

Grupo Parlamentario do Bloque Nacionalista Galego

Bará Torres, Xosé Luís e 2 máis

Sobre as demandas que debe realizar o Goberno galego ao Goberno central en relación coa autoestrada AP-9. (Procedemento de urxencia) [13367](#)

##### I 4421 (11/PNC-000521)

Grupo Parlamentario do Bloque Nacionalista Galego

Fernández Alfonso, Ramón e 2 máis

Sobre as actuacións que debe levar a cabo o Goberno galego en relación coa situación do estaleiro Factorías Vulcano, de Vigo. (Procedemento de urxencia) [13371](#)

#### Admisión a trámite, asignación a comisión e publicación

##### I 4115 (11/PNC-000482)

Grupo Parlamentario do Bloque Nacionalista Galego

Tabarés Pérez-Piñeiro, Iago e 2 máis

Sobre o incremento que debe levar a cabo o Goberno galego no orzamento destinado á prestación do servizo de xustiza gratuíta [13375](#)

##### I 4127 (11/PNC-000483)

Grupo Parlamentario do Bloque Nacionalista Galego

Pérez Fernández, Rosana e 3 máis

Sobre a actuación que debe levar a cabo o Goberno galego e a demanda que debe realizar ao Goberno central en relación coa transferencia á Xunta de Galicia das competencias para a xestión dos centros do Instituto Español de Oceanografía en Galicia [13378](#)

##### I 4133 (11/PNC-000484)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre a posta en marcha polo Goberno galego nos centros de ensino de medidas educativas e de protección sanitaria adaptadas ás necesidades especiais das persoas con deficiencia auditiva [13383](#)



**I 4137 (11/PNC-000485)****Grupo Parlamentario do Bloque Nacionalista Galego****Bará Torres, Xosé Luís e 3 máis**

Sobre as demandas que debe realizar o Goberno galego ao Goberno central en relación coa modernización e mellora da conexión ferroviaria entre Vigo e O Porto

[13387](#)**I 4154 (11/PNC-000486)****Grupo Parlamentario dos Socialistas de Galicia****Álvarez Martínez, Luis Manuel e Otero Rodríguez, Patricia**

Sobre a actuación que debe levar a cabo o Goberno galego en relación co baixo nivel de execución orzamentaria que presenta no ano 2019 o programa 451B,- Acceso á vivenda, e as súas repercusións

[13390](#)**I 4167 (11/PNC-000487)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre a publicación polo Goberno galego da avaliación do Plan LÍA 2016-2020 de bibliotecas escolares

[13392](#)**I 4176 (11/PNC-000488)****Grupo Parlamentario do Bloque Nacionalista Galego****Bará Torres, Xosé Luís e 2 máis**

Sobre as actuacións que debe levar a cabo o Goberno galego en relación coa normativa vixente en materia de seguridade na caza e cos accidentes producidos no desenvolvemento desa actividade

[13395](#)**I 4183 (11/PNC-000489)****Grupo Parlamentario do Bloque Nacionalista Galego****Pérez Fernández, Rosana e 3 máis**

Sobre as medidas que debe adoptar o Goberno galego para diminuír os puntos de verteduras contaminantes na ría de Muros e Noia

[13399](#)**I 4194 (11/PNC-000490)****Grupo Parlamentario do Bloque Nacionalista Galego****Rivas Cruz, Xosé Luís e 2 máis**

Sobre a actuación que debe levar a cabo o Goberno galego en relación coa actual composición do Consello Agrario Galego

[13404](#)**I 4208 (11/PNC-000491)****Grupo Parlamentario dos Socialistas de Galicia****Torrado Quintela, Julio e Ortega Otero, Marina**

Sobre as actuacións que debe levar a cabo o Goberno galego en relación coa decisión do Goberno central de declarar o estado de alarma para frear a segunda onda da pandemia da covid-19

[13407](#)**I 4214 - 4572 (11/PNC-000492)****Grupo Parlamentario dos Socialistas de Galicia****Rodríguez Dacosta, María del Carmen e 2 máis**

Sobre as actuacións que debe levar a cabo o Goberno galego para evitar o peche definitivo da Axencia de Extensión Agraria de Vila de Cruces e mellorar as súas condicións de accesibilidade

[13409, 13411](#)

**I 4218 (11/PNC-000493)****Grupo Parlamentario dos Socialistas de Galicia****Otero Rodríguez, Patricia e 2 máis**

Sobre a consignación polo Goberno galego nos orzamentos da Xunta de Galicia para o ano 2021 dunha partida orzamentaria para a ampliación da EDAR de Monterroso, así como sobre a execución das obras

[13412](#)**I 4219 (11/PNC-000494)****Grupo Parlamentario dos Socialistas de Galicia****Otero Rodríguez, Patricia e Torrado Quintela, Julio**

Sobre o restablecemento polo Goberno galego do servizo de gardapeiraos nos portos de titularidade autonómica da Mariña lucense co número de profesionais asignados a cada un deles

[13414](#)**I 4230 (11/PNC-000495)****Grupo Parlamentario dos Socialistas de Galicia****Álvarez Martínez, Luis Manuel e Otero Rodríguez, Patricia**

Sobre a actuación que debe levar a cabo o Goberno galego en relación co baixo nivel de execución orzamentaria que presenta no ano 2019 o Programa 451A, – Fomento da rehabilitación e da calidade da vivenda, e o seu impacto

[13416](#)**I 4239 (11/PNC-000496)****Grupo Parlamentario do Bloque Nacionalista Galego****Ríos Santomé, Paulo e 3 máis**

Sobre a elaboración polo Goberno galego dun novo plan de emprego para a mocidade

[13418](#)**I 4246 (11/PNC-000497)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre as actuacións que debe levar a cabo o Goberno galego en relación co patrimonio cultural galego existente en coleccións particulares

[13422](#)**I 4256 (11/PNC-000498)****Grupo Parlamentario dos Socialistas de Galicia****Ortega Otero, Marina e 3 máis**

Sobre a actuación que debe levar a cabo o Goberno galego en relación coas actuacións preventivas desenvolvidas e cos contaxios diarios por covid-19 detectados nos centros de atención residencial para persoas maiores, como na Residencia Nosa Señora dos Milagres, no concello de Barbadás

[13425](#)**I 4262 (11/PNC-000499)****Grupo Parlamentario do Bloque Nacionalista Galego****Lourenzo Sobral, Manuel Antonio e 2 máis**

Sobre as actuacións que debe levar a cabo o Goberno galego respecto da xestión do Sergas e da Consellería de Cultura, Educación e Universidade en relación cos contaxios por covid-19 nos centros de ensino

[13427](#)

**I 4268 (11/PNC-000500)****Grupo Parlamentario do Bloque Nacionalista Galego****Lourenzo Sobral, Manuel Antonio e 2 máis**

Sobre as actuacións que debe levar a cabo o Goberno galego en relación coa situación que están a padecer as familias nas que un dos proxenitores padece unha enfermidade grave e que teñen fillos en idade de escolarización obrigatoria

[13430](#)**I 4273 (11/PNC-000501)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre as actuacións que debe levar a cabo o Goberno galego en relación co desenvolvemento da Estratexia da cultura galega 2021

[13434](#)**I 4280 (11/PNC-000502)****Grupo Parlamentario do Bloque Nacionalista Galego****Aira Díaz, María del Carmen e 3 máis**

Sobre as actuacións que debe levar a cabo o Goberno galego en relación co funcionamento e dotación de persoal do consultorio médico de Currelos e do Centro de Saúde de Escairón, no concello do Saviñao

[13437](#)**I 4287 (11/PNC-000503)****Grupo Parlamentario dos Socialistas de Galicia****Álvarez Martínez, Luis Manuel e Díaz Varela, Noa Susana**

Sobre o ditado polo Goberno galego de instrucións aclaratorias aos centros educativos diante de posibles situacións de absentismo con orixe na covid-19

[13440](#)**I 4293 (11/PNC-000504)****Grupo Parlamentario Popular de Galicia****Fernández Prado, Martín e 8 máis**

Sobre as demandas que debe realizar o Goberno galego ao Goberno central en relación coas infraestruturas pendentes de executar na cidade da Coruña

[13443](#)**I 4298 (11/PNC-000505)****Grupo Parlamentario dos Socialistas de Galicia****Seco García, Martín e Gallego Sanromán, María Leticia**

Sobre a actuación que debe levar a cabo o Goberno galego en relación cos proxectos que vai presentar Galicia para optar aos fondos europeos de reconstrución tras a covid-19

[13446](#)**I 4300 (11/PNC-000506)****Grupo Parlamentario Popular de Galicia****Egerique Mosquera, Teresa e 8 máis**

Sobre as demandas que debe realizar o Goberno galego ao Goberno central en relación coas infraestruturas de competencia estatal de gran relevancia para a cidade de Vigo e a súa área de influencia

[13449](#)**I 4305 (11/PNC-000507)****Grupo Parlamentario dos Socialistas de Galicia****Rodríguez Dacosta, María del Carmen e 2 máis**

Sobre as actuacións que debe levar a cabo o Goberno galego en relación cos erros detectados no Nomenclátor oficial de Galicia pola Ponencia de Estudos da Comisión de Toponimia [13452](#)

**I 4325 (11/PNC-000508)**

**Grupo Parlamentario do Bloque Nacionalista Galego**

**Bará Torres, Xosé Luís e 3 máis**

Sobre as actuacións que debe levar a cabo o Goberno galego en relación coa contaminación do río Eume [13454](#)

**I 4334 (11/PNC-000509)**

**Grupo Parlamentario dos Socialistas de Galicia**

**Ortega Otero, Marina e Torrado Quintela, Julio**

Sobre as actuacións que debe levar a cabo o Goberno galego respecto dos trámites relacionados coa valoración da dependencia e da libranza de coidados no contorno familiar [13459](#)

**I 4340 (11/PNC-000510)**

**Grupo Parlamentario dos Socialistas de Galicia**

**Ortega Otero, Marina e 2 máis**

Sobre a actuación que debe levar a cabo o Goberno galego en relación cos protocolos adoptados e cos parámetros obxectivos seguidos para acordar a intervención dun centro de atención residencial para persoas maiores logo de entrar nel a covid-19 [13462](#)

**I 4347 (11/PNC-000511)**

**Grupo Parlamentario Popular de Galicia**

**Nóvoa Iglesias, Marta e 6 máis**

Sobre a demanda que debe realizar o Goberno galego ao Goberno central para posibilitar o aumento da potencia eólica instalada en Galicia e a produción de enerxías renovables [13465](#)

**I 4350 (11/PNC-000512)**

**Grupo Parlamentario do Bloque Nacionalista Galego**

**Prado Cores, María Montserrat e 2 máis**

Sobre as actuacións que debe levar a cabo o Goberno galego en relación coa situación de desabastecemento da vacina da gripe [13468](#)

**I 4363 (11/PNC-000513)**

**Grupo Parlamentario dos Socialistas de Galicia**

**Gallego Sanromán, María Leticia e 2 máis**

Sobre as actuacións que debe levar a cabo o Goberno galego en relación co impacto da crise xerada pola covid-19 no Instituto Feiral de Vigo [13471](#)

**I 4367 (11/PNC-000514)**

**Grupo Parlamentario dos Socialistas de Galicia**

**Seco García, Martín e Gallego Sanromán, María Leticia**

Sobre a actuación que debe levar a cabo o Goberno galego para acadar a homologación do Camiño dos Faros como ruta de Gran Percorrido (GR) e planificar o seu futuro [13473](#)



**I 4385 (11/PNC-000515)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre as actuacións que debe levar a cabo o Goberno galego en relación co plan de fomento da lectura previsto na Lei 17/2006, do libro e da lectura de Galicia [13476](#)

**I 4392 (11/PNC-000516)****Grupo Parlamentario do Bloque Nacionalista Galego****Prado Cores, María Montserrat e 2 máis**

Sobre as actuacións que debe levar a cabo o Goberno galego en relación coa situación asistencial nos centros sanitarios de atención primaria [13479](#)

**I 4408 (11/PNC-000518)****Grupo Parlamentario do Bloque Nacionalista Galego****Carreira Pazos, Iria e 2 máis**

Sobre as actuacións que debe levar a cabo o Goberno galego para garantir a calidade asistencial e adaptar o Servizo de Urgencias Pediátricas do Complexo Hospitalario Universitario de Santiago de Compostela á situación sanitaria da pandemia [13483](#)

**I 4416 (11/PNC-000519)****Grupo Parlamentario Popular de Galicia****Amigo Díaz, María Encarnación e 6 máis**

Sobre o desenvolvemento polo Goberno galego dun procedemento integral de mellora tecnolóxica dos equipos de diagnóstico e dos bloques cirúrxicos no sistema sanitario [13486](#)

**I 4377 (11/PNC-000520)****Grupo Parlamentario do Bloque Nacionalista Galego****Queixas Zas, Mercedes e 2 máis**

Sobre a presentación polo Goberno galego dun plan de rescate e reactivación do sector cultural para afrontar o impacto da crise económica xerada pola pandemia [13489](#)

**I 4429 (11/PNC-000522)****Grupo Parlamentario dos Socialistas de Galicia****Torrado Quintela, Julio e Ortega Otero, Marina**

Sobre as actuacións que debe levar a cabo o Goberno galego para evitar os problemas derivados da implantación da asistencia telefónica na Atención Primaria, con motivo da covid-19 [13493](#)

**I 4435 (11/PNC-000523)****Grupo Parlamentario dos Socialistas de Galicia****Torrado Quintela, Julio e Ortega Otero, Marina**

Sobre as actuacións que debe levar a cabo o Goberno galego para evitar as incertezas e a información contradictoria respecto dos protocolos que deben seguir as persoas nos caso de positivos en covid-19 ou de contactos con positivos, así como a disparidade de criterios entre as áreas sanitarias [13495](#)



**I 4441 (11/PNC-000524)****Grupo Parlamentario do Bloque Nacionalista Galego****Prado Cores, María Montserrat e 2 máis**

Sobre as actuacións que debe levar a cabo o Goberno galego para a consecución dun convenio colectivo digno para o persoal das fundacións de investigación biomédica de Galicia [13497](#)

**I 4448 (11/PNC-000525)****Grupo Parlamentario do Bloque Nacionalista Galego****Fernández Alfonso, Ramón e 2 máis**

Sobre a elaboración polo Goberno galego dun plan para o mantemento do nivel de emprego na localidade das Pontes e na comarca de Ferrol [13501](#)

**I 4455 (11/PNC-000526)****Grupo Parlamentario dos Socialistas de Galicia****Arangüena Fernández, Pablo e 2 máis**

Sobre a asunción polo Goberno galego da ampliación e renovación integral do Complexo Hospitalario Universitario da Coruña [13505](#)

**I 4456 (11/PNC-000527)****Grupo Parlamentario dos Socialistas de Galicia****Arangüena Fernández, Pablo e 2 máis**

Sobre o establecemento polo Goberno galego de mecanismos de compensación económica que permitan a subsistencia das persoas mariscadoras da ría da Coruña afectadas pola suspensión da súa actividade durante a execución dos traballos de rexeneración [13507](#)

**I 4466 (11/PNC-000528)****Grupo Parlamentario dos Socialistas de Galicia****Ortega Otero, Marina e Torrado Quintela, Julio**

Sobre as actuacións que debe levar a cabo o Goberno galego en relación coa inclusión na carteira de servizos do Sergas do dispositivo específico existente para pacientes con esclerose lateral amiotrófica, ELA, ou persoas usuarias deste servizo [13510](#)

**I 4474 (11/PNC-000529)****Grupo Parlamentario dos Socialistas de Galicia****Arangüena Fernández, Pablo e Castro Rey, Paloma**

Sobre as consideracións realizadas polo Goberno galego respecto da declaración do estado de alarma para frear a propagación da covid-19 [13513](#)

**I 4477 (11/PNC-000530)****Grupo Parlamentario do Bloque Nacionalista Galego****Rodil Fernández, Olalla e 2 máis**

Sobre as actuacións que debe levar a cabo o Goberno galego en relación coas condicións laborais do persoal da Consellería de Política Social [13516](#)





## Asignación nova comisión e publicación do acordo

### I 3886 (11/PNC-000448)

Grupo Parlamentario dos Socialistas de Galicia

Torrado Quintela, Julio e Otero Rodríguez, Patricia

Sobre as actuacións que debe levar a cabo o Goberno galego para mellorar a produtividade do banco marisqueiro dos Lombos do Ulla

[13366](#)



A Mesa do Parlamento, na súa sesión do día 3 de novembro de 2020, adoptou os seguintes acordos:

## 1. Procedementos parlamentarios

### 1.3. Procedementos de control e impulso

#### 1.3.6. Proposicións non de lei

##### 1.3.6.2. Proposicións non de lei en Comisión

###### 1.3.6.2.1. Proposicións presentadas

### Admisión a trámite polo procedemento de urxencia, asignación a comisión e publicación

- 4398 (11/PNC-000517)

Grupo Parlamentario do Bloque Nacionalista Galego

Bará Torres, Xosé Luís e 2 máis

Sobre as demandas que debe realizar o Goberno galego ao Goberno central en relación coa autoestrada AP-9. (Procedemento de urxencia)

Comisión 1ª, Institucional, de Administración Xeral, Xustiza e Interior

- 4421 (11/PNC-000521)

Grupo Parlamentario do Bloque Nacionalista Galego

Fernández Alfonzo, Ramón e 2 máis

Sobre as actuacións que debe levar a cabo o Goberno galego en relación coa situación do estaleiro Factorías Vulcano, de Vigo. (Procedemento de urxencia)

Comisión 6ª, Industria, Enerxía, Comercio e Turismo

### Admisión a trámite, asignación a comisión e publicación

- 4115 (11/PNC-000482)

Grupo Parlamentario do Bloque Nacionalista Galego

Tabarés Pérez-Piñeiro, Iago e 2 máis

Sobre o incremento que debe levar a cabo o Goberno galego no orzamento destinado á prestación do servizo de xustiza gratuíta

Comisión 1ª, Institucional, de Administración Xeral, Xustiza e Interior

- 4127 (11/PNC-000483)

Grupo Parlamentario do Bloque Nacionalista Galego

Pérez Fernández, Rosana e 3 máis

Sobre a actuación que debe levar a cabo o Goberno galego e a demanda que debe realizar ao Goberno central en relación coa transferencia á Xunta de Galicia das competencias para a xestión dos centros do Instituto Español de Oceanografía en Galicia

Comisión 8ª, Pesca e Marisqueo

- 4133 (11/PNC-000484)

Grupo Parlamentario do Bloque Nacionalista Galego

Queixas Zas, Mercedes e 2 máis



Sobre a posta en marcha polo Goberno galego nos centros de ensino de medidas educativas e de protección sanitaria adaptadas ás necesidades especiais das persoas con deficiencia auditiva  
Comisión 4ª, Educación e Cultura

- 4137 (11/PNC-000485)

Grupo Parlamentario do Bloque Nacionalista Galego

Bará Torres, Xosé Luís e 3 máis

Sobre as demandas que debe realizar o Goberno galego ao Goberno central en relación coa modernización e mellora da conexión ferroviaria entre Vigo e O Porto

Comisión 2ª, Ordenación Territorial, Obras Públicas, Medio Ambiente e Servizos

- 4154 (11/PNC-000486)

Grupo Parlamentario dos Socialistas de Galicia

Álvarez Martínez, Luis Manuel e Otero Rodríguez, Patricia

Sobre a actuación que debe levar a cabo o Goberno galego en relación co baixo nivel de execución orzamentaria que presenta no ano 2019 o programa 451B,- Acceso á vivenda, e as súas repercusións

Comisión 2ª, Ordenación Territorial, Obras Públicas, Medio Ambiente e Servizos

- 4167 (11/PNC-000487)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre a publicación polo Goberno galego da avaliación do Plan LÍA 2016-2020 de bibliotecas escolares

Comisión 4ª, Educación e Cultura

- 4176 (11/PNC-000488)

Grupo Parlamentario do Bloque Nacionalista Galego

Bará Torres, Xosé Luís e 2 máis

Sobre as actuacións que debe levar a cabo o Goberno galego en relación coa normativa vixente en materia de seguridade na caza e cos accidentes producidos no desenvolvemento desa actividade

Comisión 2ª, Ordenación Territorial, Obras Públicas, Medio Ambiente e Servizos

- 4183 (11/PNC-000489)

Grupo Parlamentario do Bloque Nacionalista Galego

Pérez Fernández, Rosana e 3 máis

Sobre as medidas que debe adoptar o Goberno galego para diminuír os puntos de verteduras contaminantes na ría de Muros e Noia

Comisión 2ª, Ordenación Territorial, Obras Públicas, Medio Ambiente e Servizos

- 4194 (11/PNC-000490)

Grupo Parlamentario do Bloque Nacionalista Galego

Rivas Cruz, Xosé Luís e 2 máis

Sobre a actuación que debe levar a cabo o Goberno galego en relación coa actual composición do Consello Agrario Galego

Comisión 7ª, Agricultura, Alimentación, Gandaría e Montes



- 4208 (11/PNC-000491)

Grupo Parlamentario dos Socialistas de Galicia

Torrado Quintela, Julio e Ortega Otero, Marina

Sobre as actuacións que debe levar a cabo o Goberno galego en relación coa decisión do Goberno central de declarar o estado de alarma para frear a segunda onda da pandemia da covid-19

Comisión 5ª, Sanidade, Política Social e Emprego

- 4214 – 4572 (11/PNC-000492)

Grupo Parlamentario dos Socialistas de Galicia

Rodríguez Dacosta, María del Carmen e 2 máis

Sobre as actuacións que debe levar a cabo o Goberno galego para evitar o peche definitivo da Axencia de Extensión Agraria de Vila de Cruces e mellorar as súas condicións de accesibilidade

Comisión 7ª, Agricultura, Alimentación, Gandaría e Montes

A Mesa admitea coa corrección de erros formulada no doc. núm. 4572.

- 4218 (11/PNC-000493)

Grupo Parlamentario dos Socialistas de Galicia

Otero Rodríguez, Patricia e 2 máis

Sobre a consignación polo Goberno galego nos orzamentos da Xunta de Galicia para o ano 2021 dunha partida orzamentaria para a ampliación da EDAR de Monterroso, así como sobre a execución das obras

Comisión 2ª, Ordenación Territorial, Obras Públicas, Medio Ambiente e Servizos

- 4219 (11/PNC-000494)

Grupo Parlamentario dos Socialistas de Galicia

Otero Rodríguez, Patricia e Torrado Quintela, Julio

Sobre o restablecemento polo Goberno galego do servizo de gardapeiraos nos portos de titularidade autonómica da Mariña lucense co número de profesionais asignados a cada un deles

Comisión 8ª, Pesca e Marisqueo

- 4230 (11/PNC-000495)

Grupo Parlamentario dos Socialistas de Galicia

Álvarez Martínez, Luis Manuel e Otero Rodríguez, Patricia

Sobre a actuación que debe levar a cabo o Goberno galego en relación co baixo nivel de execución orzamentaria que presenta no ano 2019 o Programa 451A, – Fomento da rehabilitación e da calidade da vivenda, e o seu impacto

Comisión 2ª, Ordenación Territorial, Obras Públicas, Medio Ambiente e Servizos

- 4239 (11/PNC-000496)

Grupo Parlamentario do Bloque Nacionalista Galego

Ríos Santomé, Paulo e 3 máis

Sobre a elaboración polo Goberno galego dun novo plan de emprego para a mocidade

Comisión 5ª, Sanidade, Política Social e Emprego



- 4246 (11/PNC-000497)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre as actuacións que debe levar a cabo o Goberno galego en relación co patrimonio cultural galego existente en coleccións particulares

Comisión 4ª, Educación e Cultura

- 4256 (11/PNC-000498)

Grupo Parlamentario dos Socialistas de Galicia

Ortega Otero, Marina e 3 máis

Sobre a actuación que debe levar a cabo o Goberno galego en relación coas actuacións preventivas desenvolvidas e cos contaxios diarios por covid-19 detectados nos centros de atención residencial para persoas maiores, como na Residencia Nosa Señora dos Milagres, no concello de Barbadás

Comisión 5ª, Sanidade, Política Social e Emprego

- 4262 (11/PNC-000499)

Grupo Parlamentario do Bloque Nacionalista Galego

Lourenzo Sobral, Manuel Antonio e 2 máis

Sobre as actuacións que debe levar a cabo o Goberno galego respecto da xestión do Sergas e da Consellería de Cultura, Educación e Universidade en relación cos contaxios por covid-19 nos centros de ensino

Comisión 4ª, Educación e Cultura

- 4268 (11/PNC-000500)

Grupo Parlamentario do Bloque Nacionalista Galego

Lourenzo Sobral, Manuel Antonio e 2 máis

Sobre as actuacións que debe levar a cabo o Goberno galego en relación coa situación que están a padecer as familias nas que un dos proxenitores padece unha enfermidade grave e que teñen fillos en idade de escolarización obrigatoria

Comisión 4ª, Educación e Cultura

- 4273 (11/PNC-000501)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre as actuacións que debe levar a cabo o Goberno galego en relación co desenvolvemento da Estratexia da cultura galega 2021

Comisión 4ª, Educación e Cultura

- 4280 (11/PNC-000502)

Grupo Parlamentario do Bloque Nacionalista Galego

Aira Díaz, María del Carmen e 3 máis

Sobre as actuacións que debe levar a cabo o Goberno galego en relación co funcionamento e dotación de persoal do consultorio médico de Currelos e do Centro de Saúde de Escarón, no concello do Saviñao

Comisión 5ª, Sanidade, Política Social e Emprego



- 4287 (11/PNC-000503)

Grupo Parlamentario dos Socialistas de Galicia

Álvarez Martínez, Luis Manuel e Díaz Varela, Noa Susana

Sobre o ditado polo Goberno galego de instrucións aclaratorias aos centros educativos diante de posibles situacións de absentismo con orixe na covid-19

Comisión 4ª, Educación e Cultura

- 4293 (11/PNC-000504)

Grupo Parlamentario Popular de Galicia

Fernández Prado, Martín e 8 máis

Sobre as demandas que debe realizar o Goberno galego ao Goberno central en relación coas infraestruturas pendentes de executar na cidade da Coruña

Comisión 2ª, Ordenación Territorial, Obras Públicas, Medio Ambiente e Servizos

- 4298 (11/PNC-000505)

Grupo Parlamentario dos Socialistas de Galicia

Seco García, Martín e Gallego Sanromán, María Leticia

Sobre a actuación que debe levar a cabo o Goberno galego en relación cos proxectos que vai presentar Galicia para optar aos fondos europeos de reconstrución tras a covid-19

Comisión 6ª, Industria, Enerxía, Comercio e Turismo

- 4300 (11/PNC-000506)

Grupo Parlamentario Popular de Galicia

Egerique Mosquera, Teresa e 8 máis

Sobre as demandas que debe realizar o Goberno galego ao Goberno central en relación coas infraestruturas de competencia estatal de gran relevancia para a cidade de Vigo e a súa área de influencia

Comisión 2ª, Ordenación Territorial, Obras Públicas, Medio Ambiente e Servizos

- 4305 (11/PNC-000507)

Grupo Parlamentario dos Socialistas de Galicia

Rodríguez Dacosta, María del Carmen e 2 máis

Sobre as actuacións que debe levar a cabo o Goberno galego en relación cos erros detectados no Nomenclátor oficial de Galicia pola Ponencia de Estudos da Comisión de Toponimia

Comisión 4ª, Educación e Cultura

- 4325 (11/PNC-000508)

Grupo Parlamentario do Bloque Nacionalista Galego

Bará Torres, Xosé Luís e 3 máis

Sobre as actuacións que debe levar a cabo o Goberno galego en relación coa contaminación do río Eume

Comisión 2ª, Ordenación Territorial, Obras Públicas, Medio Ambiente e Servizos

- 4334 (11/PNC-000509)

Grupo Parlamentario dos Socialistas de Galicia

Ortega Otero, Marina e Torrado Quintela, Julio



Sobre as actuacións que debe levar a cabo o Goberno galego respecto dos trámites relacionados coa valoración da dependencia e da libranza de coidados no contorno familiar

Comisión 5ª, Sanidade, Política Social e Emprego

- 4340 (11/PNC-000510)

Grupo Parlamentario dos Socialistas de Galicia

Ortega Otero, Marina e 2 máis

Sobre a actuación que debe levar a cabo o Goberno galego en relación cos protocolos adoptados e cos parámetros obxectivos seguidos para acordar a intervención dun centro de atención residencial para persoas maiores logo de entrar nel a covid-19

Comisión 5ª, Sanidade, Política Social e Emprego

- 4347 (11/PNC-000511)

Grupo Parlamentario Popular de Galicia

Nóvoa Iglesias, Marta e 6 máis

Sobre a demanda que debe realizar o Goberno galego ao Goberno central para posibilitar o aumento da potencia eólica instalada en Galicia e a produción de enerxías renovables

Comisión 6ª, Industria, Enerxía, Comercio e Turismo

- 4350 (11/PNC-000512)

Grupo Parlamentario do Bloque Nacionalista Galego

Prado Cores, María Montserrat e 2 máis

Sobre as actuacións que debe levar a cabo o Goberno galego en relación coa situación de desabastecemento da vacina da gripe

Comisión 5ª, Sanidade, Política Social e Emprego

- 4363 (11/PNC-000513)

Grupo Parlamentario dos Socialistas de Galicia

Gallego Sanromán, María Leticia e 2 máis

Sobre as actuacións que debe levar a cabo o Goberno galego en relación co impacto da crise xerada pola covid-19 no Instituto Feiral de Vigo

Comisión 6ª, Industria, Enerxía, Comercio e Turismo

- 4367 (11/PNC-000514)

Grupo Parlamentario dos Socialistas de Galicia

Seco García, Martín e Gallego Sanromán, María Leticia

Sobre a actuación que debe levar a cabo o Goberno galego para acadar a homologación do Camiño dos Faros como ruta de Gran Percorrido (GR) e planificar o seu futuro

Comisión 6ª, Industria, Enerxía, Comercio e Turismo

- 4385 (11/PNC-000515)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre as actuacións que debe levar a cabo o Goberno galego en relación co plan de fomento da lectura previsto na Lei 17/2006, do libro e da lectura de Galicia

Comisión 4ª, Educación e Cultura



- 4392 (11/PNC-000516)

Grupo Parlamentario do Bloque Nacionalista Galego

Prado Cores, María Montserrat e 2 máis

Sobre as actuacións que debe levar a cabo o Goberno galego en relación coa situación asistencial nos centros sanitarios de atención primaria

Comisión 5ª, Sanidade, Política Social e Emprego

- 4408 (11/PNC-000518)

Grupo Parlamentario do Bloque Nacionalista Galego

Carreira Pazos, Iria e 2 máis

Sobre as actuacións que debe levar a cabo o Goberno galego para garantir a calidade asistencial e adaptar o Servizo de Urgencias Pediátricas do Complexo Hospitalario Universitario de Santiago de Compostela á situación sanitaria da pandemia

Comisión 5ª, Sanidade, Política Social e Emprego

- 4416 (11/PNC-000519)

Grupo Parlamentario Popular de Galicia

Amigo Díaz, María Encarnación e 6 máis

Sobre o desenvolvemento polo Goberno galego dun procedemento integral de mellora tecnolóxica dos equipos de diagnóstico e dos bloques cirúrxicos no sistema sanitario

Comisión 5ª, Sanidade, Política Social e Emprego

- 4377 (11/PNC-000520)

Grupo Parlamentario do Bloque Nacionalista Galego

Queixas Zas, Mercedes e 2 máis

Sobre a presentación polo Goberno galego dun plan de rescate e reactivación do sector cultural para afrontar o impacto da crise económica xerada pola pandemia

Comisión 4ª, Educación e Cultura

- 4429 (11/PNC-000522)

Grupo Parlamentario dos Socialistas de Galicia

Torrado Quintela, Julio e Ortega Otero, Marina

Sobre as actuacións que debe levar a cabo o Goberno galego para evitar os problemas derivados da implantación da asistencia telefónica na Atención Primaria, con motivo da covid-19

Comisión 5ª, Sanidade, Política Social e Emprego

- 4435 (11/PNC-000523)

Grupo Parlamentario dos Socialistas de Galicia

Torrado Quintela, Julio e Ortega Otero, Marina

Sobre as actuacións que debe levar a cabo o Goberno galego para evitar as incertezas e a información contradictoria respecto dos protocolos que deben seguir as persoas nos caso de positivos en covid-19 ou de contactos con positivos, así como a disparidade de criterios entre as áreas sanitarias

Comisión 5ª, Sanidade, Política Social e Emprego

- 4441 (11/PNC-000524)

Grupo Parlamentario do Bloque Nacionalista Galego

Prado Cores, María Montserrat e 2 máis





Sobre as actuacións que debe levar a cabo o Goberno galego para a consecución dun convenio colectivo digno para o persoal das fundacións de investigación biomédica de Galicia  
Comisión 5ª, Sanidade, Política Social e Emprego

- 4448 (11/PNC-000525)

Grupo Parlamentario do Bloque Nacionalista Galego  
Fernández Alfonso, Ramón e 2 máis  
Sobre a elaboración polo Goberno galego dun plan para o mantemento do nivel de emprego na localidade das Pontes e na comarca de Ferrol  
Comisión 6ª, Industria, Enerxía, Comercio e Turismo

- 4455 (11/PNC-000526)

Grupo Parlamentario dos Socialistas de Galicia  
Arangüena Fernández, Pablo e 2 máis  
Sobre a asunción polo Goberno galego da ampliación e renovación integral do Complexo Hospitalario Universitario da Coruña  
Comisión 5ª, Sanidade, Política Social e Emprego

- 4456 (11/PNC-000527)

Grupo Parlamentario dos Socialistas de Galicia  
Arangüena Fernández, Pablo e 2 máis  
Sobre o establecemento polo Goberno galego de mecanismos de compensación económica que permitan a subsistencia das persoas mariscadoras da ría da Coruña afectadas pola suspensión da súa actividade durante a execución dos traballos de rexeneración  
Comisión 8ª, Pesca e Marisqueo

- 4466 (11/PNC-000528)

Grupo Parlamentario dos Socialistas de Galicia  
Ortega Otero, Marina e Torrado Quintela, Julio  
Sobre as actuacións que debe levar a cabo o Goberno galego en relación coa inclusión na carteira de servizos do Sergas do dispositivo específico existente para pacientes con esclerose lateral amiotrófica, ELA, ou persoas usuarias deste servizo  
Comisión 5ª, Sanidade, Política Social e Emprego

- 4474 (11/PNC-000529)

Grupo Parlamentario dos Socialistas de Galicia  
Arangüena Fernández, Pablo e Castro Rey, Paloma  
Sobre as consideracións realizadas polo Goberno galego respecto da declaración do estado de alarma para frear a propagación da covid-19  
Comisión 1ª, Institucional, de Administración Xeral, Xustiza e Interior

- 4477 (11/PNC-000530)

Grupo Parlamentario do Bloque Nacionalista Galego  
Rodil Fernández, Olalla e 2 máis  
Sobre as actuacións que debe levar a cabo o Goberno galego en relación coas condicións laborais do persoal da Consellería de Política Social  
Comisión 5ª, Sanidade, Política Social e Emprego



## Asignación nova comisión e publicación do acordo

- 3886 (11/PNC-000448)

Grupo Parlamentario dos Socialistas de Galicia

Torrado Quintela, Julio e Otero Rodríguez, Patricia

Sobre as actuacións que debe levar a cabo o Goberno galego para mellorar a produtividade do banco marisqueiro dos Lombos do Ulla

BOPG nº 36, do 28.10.2020

A Mesa acorda a reasignación, solicitada no doc. núm. 4627 á Comisión 8ª, Pesca e Marisqueo e a publicación do acordo.

Santiago de Compostela, 3 de novembro de 2020

Diego Calvo Pouso

Vicepresidente 1º





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputados **Luis Bará Torres, Iria Carreira Pazos e Iago Tabarés Pérez-Piñeiro**, ao abeiro do disposto no artigo 98 no Regulamento da Cámara, presenta a seguinte **Proposición non de lei para debate na Comisión 1ª polo trámite de urxencia**.

### XUSTIFICACIÓN DA URXENCIA

A urxencia vén motivada pola necesidade de transmitirlle ao goberno central as demandas de Galiza en relación coa AP-9 tendo en conta a tramitación do proxecto de orzamentos do Estado.

### EXPOSICIÓN DE MOTIVOS

O goberno central incluíu no proxecto de orzamentos unha partida de 50 millóns de euros para bonificacións na autoestrada AP9 para usuarios habituais. Trátase sen lugar a dúbidas dun paso adiante, que se ten que concretar coa aplicación, no prazo de tempo máis curto posíbel, dun sistema que supoña o abaratamento dunha infraestrutura que artella o país de norte a sur e cuxo uso supón un elevado custo para as persoas usuarias.

Para o BNG, a xestión da AP 9, o veto do PP á transferencia, as peaxes abusivas, as escasas medidas de bonificación para profesionais e persoas traballadoras





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

que son usuarias habituais, as compensacións a AUDASA polas obras de ampliación da capacidade en Rande e Compostela, a ampliación da concesión a 75 anos (mentres outras autoestradas da mesma época son liberadas de peaxes) son expresións dunha discriminación e dun agravio que non pode manterse máis no tempo. Por iso, tanto a transferencia da autoestrada, como a redución das peaxes, a asunción das subas anuais extraordinarias nos orzamentos do Estado ou a eliminación da peaxe entre Redondela e Vigo foron demandas reiteradas do BNG e puntos clave da negociación co PSOE para o acordo de investidura.

Ademais de non renunciar a ningunha destas demandas, incluíndo a transferencia da autoestrada a Galiza, vemos con preocupación como a concesionaria reclama ao Estado cantidades millonarias por obras de ampliación da capacidade en Rande e Compostela, gastos de amortización do investimento e compensacións pola baixada de ingresos no caso dos convenios de gratuidade da viaxe de volta entre Pontevedra e Vigo; novas obras de adaptación de túneles á nova normativa de seguridade; cumprimento das sentenzas xudiciais que anulan o sistema implantado para computar a peaxe na sombra en Rande e A Barcala; e cumprimento da sentenza polo cobro abusivo das peaxes como consecuencia das obras de Rande.

Tanto a Xunta de Galiza como sobre todo o goberno central deben velar polos intereses xerais e discutir estas reclamacións excesivas e abusivas da concesionaria, así como denunciar ou renegociar convenios abusivos como o da suba do 1% acumulativa durante 20 anos, que supón un claro exemplo de enriquecemento ilícito para a concesionaria. En todo caso, consideramos que se debe evitar o procedemento das subas extraordinarias de peaxes, que virían a aumentar o agravio e a discriminación que sofren as persoas usuarias da AP 9.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Polo anteriormente exposto, o Grupo Parlamentar do BNG presenta a seguinte proposición non de lei para o debate na Comisión 1ª:

“O Parlamento insta á Xunta a demandar do goberno do Estado

1. A transferencia da AP9 a Galiza, de acordo coa lei aprobada por unanimidade polo Parlamento galego.

2. A realización dunha auditoría sobre o funcionamento dos servizos que presta a concesionaria e o custo das obras de ampliación da ponte de Rande, así como o seu financiamento.

3. A negociación do sistema de bonificacións e descontos que se aplicarán na AP 9 a usuarias habituais.

4. Que no prazo de tres meses elaborar un estudo sobre a viabilidade do rescate da AP9 para o público, tendo en conta o custo económico da operación e as alternativas para o seu financiamento.

5. Que en ningún caso repercuta en subas extraordinarias de peaxes o custo das obras de ampliación e mellora da AP9, tanto pasadas como futuras, e que revise e negocie coa concesionaria aplicación do incremento extraordinario acumulativo durante 20 anos derivado do convenio para ampliación da capacidade da autoestrada na Ponte de Rande e en Santiago de Compostela.”

Santiago de Compostela, 29 de outubro de 2020





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**Asdo.: Iria Carreira Pazos**  
**Iago Tabarés Pérez-Piñeiro**  
Deputado e deputada do G.P. do BNG  
**Luis Bará Torres**  
Portavoz s. do G.P. do BNG

**Asinado dixitalmente por:**

**Iria Carreira Pazos na data 29/10/2020 10:28:34**

**Xosé Luis Bará Torres na data 29/10/2020 10:28:38**

**Iago Tabarés Pérez-Piñeiro na data 29/10/2020 10:28:47**





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa do deputado **Ramón Fernández Alfonzo** e **Daniel Pérez López** e da deputada **Carme González Iglesias**, ao abeiro do disposto no artigo 98 no Regulamento da Cámara, presenta a seguinte **Proposición non de lei para debate na Comisión 6ª polo trámite de urxencia**, sobre a situación de **FACTORÍAS VULCANO**.

### XUSTIFICACIÓN DA URXENCIA

A irrupción dunha oposición frontal por parte da **AUTORIDADE PORTUARIA DE VIGO** aos plans de liquidación concursal poñen en grave risco a posibilidade do mantemento da actividade industrial, e a prolongación dos prazos moito máis aló do previsto ven de provocar o esgotamento das prestacións contributivas do persoal afectado

### EXPOSICIÓN DE MOTIVOS

Xusto cando **FACTORÍAS VULCANO** debía facer 100 anos de vida parece condenado á súa desaparición definitiva.

Unha inexplicable oposición por parte da **AUTORIDADE PORTUARIA DE VIGO** aos plans de liquidación concursal, que contemplan a posibilidade do mantemento da actividade produtiva como estaleiro dedicado á construción naval, pode defenestrar unha posibilidade demandada pola sociedade comarcal de Vigo dun xeito





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

inusitadamente unánime e merecente de mellor sorte, mais sobre todo merecente de maiores e mellores esforzos por parte da Xunta de Galiza.

Esta discusión artificiosa sobre a continuidade ou non da concesión administrativa, cando xa foi resolta pola Audiencia Provincial a favor da pervivencia da concesión, significa non acatar, por parte da AUTORIDADE PORTUARIA DE VIGO, unha resolución xudicial que representa unha oportunidade do punto de vista económico e laboral que ninguén con responsabilidades de goberno e competencias na materia debía deixar de atender. Oportunidade que cobra un valor exponencial no actual marco da pandemia sanitaria e a crise que trae con ela.

Neste sentido téñense manifestado todos os sindicatos comarcais, a patronal ASIME, ou o Clúster do Naval, que reclaman a realización de calquera esforzo posible na liña de manter a actividade de Vulcano como estaleiro. Mais a actuación da XUNTA DE GALIZA a este respecto non pasa das boas palabras.

Por todo o anteriormente exposto, o Grupo Parlamentar do BNG presenta a seguinte proposición non de lei para o seu debate na Comisión 6ª polo trámite de urxencia:

“O Parlamento galego insta a Xunta de Galiza a:

1. Convocar de urxencia unha reunión entre o Liquidador, os representantes legais do persoal, e a propia Xunta de Galiza, coa representación da sociedade que ten presentada a única oferta para facerse con **FACTORÍAS VULCANO**
2. Poñer en marcha todas as actuacións para que chegue a realizarse o proxecto de continuar coa actividade produtiva, como por exemplo:







OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

a) Actuación administrativas e xudiciais solicitando da AUTORIDADE PORTUARIA DE VIGO o acatamento da sentenza da AUDIENCIA PROVINCIAL, retirando ou desistindo do procedemento instado no TRIBUNAL DE CONFLICTOS

Despregar os mecanismos legais que permitan a intervención pública da Xunta de Galiza, a través da participación directa no proxecto industrial a desenvolver, ou a través da axuda financeira que se precise co obxectivo de garantir a continuidade do emprego e da actividade de construción e/ou reparación naval no estaleiro.”

Santiago de Compostela, 29 de outubro de 2020

Asdo.: **Ramón Fernández Alfonso**

**Daniel Pérez López**

**Carme González Iglesias**

Deputados e deputada do G.P. do B.N.G.

**Ana Pontón Mondelo**

Portavoz do G.P. do BNG

**Asinado dixitalmente por:**

**Ramón Fernández Alfonso na data 29/10/2020 14:08:38**

**Daniel Pérez López na data 29/10/2020 14:08:52**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**María do Carme González Iglesias na data 29/10/2020 14:09:01**

**Ana Pontón Mondelo na data 29/10/2020 14:09:12**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputados e deputada **Iago Tabarés Pérez-Piñeiro, Luis Bará Torres e Iria Carreira Pazos**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 1ª**, sobre o destino das achegas ofrecidas ás avogadas da quenda de oficio

### EXPOSICIÓN DE MOTIVOS

Ante a reiterada solicitude de, entre outros, o Consello da Avogacía Galega de que se auxiliase as traballadoras autónomas, entre os que se atopan a meirande parte da avogacía galega, a Xunta de Galiza ofreceu “a doazón” dunha cantidade a cada unhas das persoas inscritas na quenda de oficio.

A quenda de oficio é un sistema de provisión de avogado ou avogada para aquelas persoas que non o designaren, malia ser preceptivo. Servizo que, organizado dende os colexios profesionais, inclúe ás profesionais que, cumprindo determinados requirimentos e baixo concretas condicións, voluntariamente desexen integrarse no mesmo. Xa que logo non todas as profesionais que o desexen poderían formar parte da quenda de oficio.

O devandito ofrecemento foi rexeitado polo Consello da Avogacía Galega ao considerar que, o meritado ofrecemento (realizado en época electoral) non viña a dar resposta á solicitude realizada, non resolvía as urxentes necesidades do colectivo representado, nin tan sequera viña a mellorar a prestación do servizo público de xustiza gratuíta. Así, dende o propio Consello da Avogacía Galega instouse á Xunta de Galiza a





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

que, alén da adoptar medidas para axudas ás traballadoras autónomas, incremente ás achegas destinadas ao funcionamento e xestión da quenda de oficio, atención á detida, e do servizo de asistencia xurídica gratuíta; sen que, a día de hoxe, conste resposta algunha.

Resulta dificilmente comprensible o ofrecemento realizado e as persoas destinatarias do mesmo, só explicable pola época na que se fixeron, mais que en nada contribúen a paliar as consecuencias da pandemia nas autónomas, da avogacía en particular, nin á mellora do servizo de xustiza gratuíta.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 1ª:

“O Parlamento de Galiza insta ao Goberno galego a incrementar o orzamento destinado á prestación do servizo de xustiza gratuíta homologándoa as cantidades per cápita do resto do estado.”

Santiago de Compostela, 22 de outubro de 2020

Asdo.: **Iago Tabarés Pérez-Piñeiro**

**Iria Carreira Pazos**

Deputado e deputada do G.P. do BNG

**Luis Bará Torres**

Viceportavoz do G.P. do BNG





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**Asinado dixitalmente por:**

**Iago Tabarés Pérez-Piñeiro na data 23/10/2020 11:13:55**

**Iria Carreira Pazos na data 23/10/2020 11:14:12**

**Xosé Luis Bará Torres na data 23/10/2020 11:14:34**





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas e deputado **Rosana Pérez Fernández, Mercedes Queixas Zas, María do Carme González Iglesias e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 8ª**, sobre a transferencia a Galiza do Instituto Español de Oceanografía.

### EXPOSICIÓN DE MOTIVOS

A investigación mariña é un elemento chave para promover e impulsar o sector da pesca galega e da industria que depende del. Aporta coñecemento en materia de especies pesqueiras e competitividade á actividade marítimo-pesqueira.

No mes de xullo deste ano, o Ministerio de Ciencia e Innovación confirmaba a súa decisión de “reformar e reestruturar” o Instituto Español de Oceanografía, co obxectivo principal de “solventar os graves problemas de xestión que vén arrastrando dende hai anos” e que acabaron afogándoo financeiramente. E anunciaba que “estamos dando os pasos necesarios para que se converta en Centro Nacional dentro da estrutura da Axencia Estatal Consello Superior de Investigacións Científicas”.

Esta decisión foi tomada sen informar ao Consello Rector do IEO, sen que se escoitasen as súas opinións e as súas propostas, a pesar de que entre as súas funcións figura “aprobar os obxectivos e plans anuais e plurianuais e velar polo cumprimento dos mesmos” e a pesar, tamén, de que nel está representado o propio Ministerio de Ciencia e Innovación, ademais do de Transición Ecolóxica e o de Pesca, as comunidades autónomas e o sector pesqueiro e acuicultor.





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

O traballo do IEO nos seus centros de Vigo e A Coruña leva sendo absolutamente fundamental nos últimos 50 anos para o sector pesqueiro galego, para a defensa internacional da nosa frota, para respaldar o estado dos recursos e para a toma de decisións sobre a ordenación pesqueira. De feito, moitas das melloras rexistradas na xestión pesqueira en todo o mundo son o resultado do traballo investigador desenvolvido polos científicos e científicas do IEO.

Dende o anuncio do Ministerio de Ciencia e Innovación, sucedéronse as peticións de reconsideración da súa decisión, dende os propios traballadores e traballadoras do IEO ata o sector pesqueiro galego. A propia conselleira do Mar ofreceu súa colaboración para “encauzar o rumbo do organismo”.

E chama moito a atención este ofrecemento, sobre todo se temos en conta que no propio parlamento galego xa se aprobara por unanimidade, en marzo de 2016, unha proposta do BNG moito máis ambiciosa: “Demandar do goberno español a transferencia das funcións, medios e persoal dos centros costeiros do Instituto Español de Oceanografía en Vigo e A Coruña, así como do Instituto de Investigacións Mariñas de Vigo”.

O goberno galego non traballou sobre a base dese acordo unánime para conseguir a transferencia dos centros do IEO no país e, co tempo e co réxime de control económico financeiro aplicábel pola Intervención Xeral da Administración do Estado a determinados organismos públicos, a situación agravouse considerabelmente.

Foron estas as razóns polas que o grupo parlamentar do BNG presentou de novo unha iniciativa no parlamento galego en maio de 2018, que tamén foi aprobada coa unanimidade de todos os grupos da cámara, e que volvía a “demandar do Estado español o traspaso de competencias para a total xestión económico administrativa dos





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

centros do Instituto Oceanográfico Español en Galiza co obxecto de que pasen a formar parte da estrutura propia da Xunta”.

A día de hoxe, a pesar de estar en xogo os intereses pesqueiros de Galiza, nada se ten avanzado e a prevista integración no CSIC vai seguir mantendo os principais problemas da centralización, tanto no económico como na dotación de persoal, nas súas taxas de reposición e na administración do traballo día a día.

De feito, por clara disconformidade coa decisión do Ministerio xa se teñen producido numerosas dimisións de persoas á fronte do Instituto, deixando clara a súa opinión de que a integración no CSIC non soluciona os problemas existentes. E así é que, mentres o Ministerio continúa coa súa decisión unilateral, o colapso financeiro segue sen solución, seguen as débedas pendentes de pago do ano 2019 e deste 2020 e os directores actuais dos centros seguen sen poder realizar labores de mantemento nin comprar material.

Esta nova decisión tomada dende Madrid sen contar coas necesidades específicas da cada un dos centros non vai traer a solución. Manter a independencia do Instituto e transferir as competencias de xestión á Xunta si serviría como base para poñer novamente en pleno funcionamento os centros do IEO no noso país.

A día de hoxe, o propio sector pesqueiro avoga por esta solución, e mesmo lle ten solicitado ao Ministerio que se efectivicen os acordos do parlamento galego.

Por todas estas razóns, o Grupo Parlamentar do BNG presenta a seguinte proposición non de lei para debate na Comisión 8ª:

“O Parlamento galego insta ao goberno da Xunta de Galiza a:







OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

1. Solicitar a convocatoria da comisión bilateral entre Estado e Xunta de Galiza co obxecto de iniciar o procedemento para o traspaso de competencias da totalidade da xestión económico administrativa dos centros do Instituto Español de Oceanografía en Galiza para que pasen a formar parte da estrutura da propia Xunta.

2. Instar ao Ministerio de Asuntos Económicos a que, mentres non se dea traslado ás competencias en xestión económico administrativa, se inicie un proceso de descentralización dos centros e das infraestruturas do IEO, nomeadamente para os centros e infraestruturas con sede en Galiza, na cidade da Coruña e na cidade de Vigo, para seren xestionados segundo as súas propias necesidades.”

Santiago de Compostela, 23 de outubro de 2020

Asdo.: **Rosana Pérez Fernández**

**Mercedes Queixas Zas**

**María do Carme González Iglesias**

**Daniel Castro García**

Deputadas e deputado do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**Rosana Pérez Fernández na data 23/10/2020 13:21:27**

**Mercedes Queixas Zas na data 23/10/2020 13:21:42**

**María do Carme González Iglesias na data 23/10/2020 13:21:55**

**Daniel Castro García na data 23/10/2020 13:22:03**

**Ana Pontón Mondelo na data 23/10/2020 13:22:15**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada e deputados **Mercedes Queixas Zas, Manuel Lourenzo Sobral e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, sobre a adecuación do contexto educativo para o profesorado e alumnado con deficiencias auditivas.

### EXPOSICIÓN DE MOTIVOS

O protocolo de adaptación ao contexto da covid-19 nos centros de ensino non universitario para o curso 2020-2021 obrigou ao uso da máscara a partir dos 6 anos tanto para o alumnado como para o profesorado e o restante persoal laboral, durante toda a xornada lectiva, mesmo en caso de se cumprir coa distancia de seguridade.

Asemade, o protocolo de prevención da transmisión da covid-19 no alumnado con necesidades educativas especiais obriga, para alén das outras medidas de seguridade común, ao uso da máscara de protección en maiores de 6 anos sempre que a toleren.

Ambas as dúas normativas recollen algunhas excepcións para esta obriga do uso da máscara como son ter algún tipo de doenza ou dificultade respiratoria ou que, pola súa situación de discapacidade ou dependencia, non dispoñan de autonomía para quitar a máscara, ou ben presenten alteracións de conduta que fagan inviable a súa utilización.

No entanto, para facilitar a comunicación deste alumnado con necesidades educativas especiais, o devandito protocolo enuncia, como garantía de accesibilidade comunicativa e cognitiva da información relevante para o alumnado, a utilización dos





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Sistemas Aumentativos e Alternativos de Comunicación, así como a adaptación da información a modalidades accesibles como, por exemplo, a lectura fácil.

Opcións excepcionais de atendimento educativo que non parecen atender a realidade da comunidade educativa con discapacidade auditiva, nin do profesorado nin do alumnado nin do persoal da administración e servizos.

A obrigatoriedade do uso da máscara para as persoas xordas no marco escolar está a provocar un impacto moito maior xa que, para alén de anular a comunicación verbal a través fundamentalmente da lectura labial, mingua moi considerabelmente a tan importante capacidade comunicativa que ofrece a linguaxe xestual facial e impide socializar coa normalidade necesaria este colectivo no seu centro educativo.

As persoas xordas fan un sobreesforzo por se integraren na sociedade e superaren a que é recoñecida como a discapacidade máis cruel polo feito de ser invisíbel.

O seu coidado precisaría do uso de máscaras transparentes, nesta altura aínda en proceso de homologación, inexplicabelmente demorada, e cun subrecusto inasumíbel (8 euros unidade). Unha proposta de protección sanitaria que si recolle o protocolo para as sesións de Audición e Linguaxe.

No entanto, atendendo ás reclamacións que nos achega este colectivo, o protocolo da Consellaría de Educación non os está a atender debidamente, pois non regula a necesidade dunha atención educativa específica para as persoas xordas dentro das identificadas como necesidades educativas especiais.





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Por todo isto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a pór en marcha medidas educativas e de protección sanitaria adecuadas ás necesidades especiais das persoas con deficiencia auditiva que garantan con equidade a continuidade do seu proceso de ensino-aprendizaxe e eviten a súa discriminación social no centro educativo.”

Santiago de Compostela, 23 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 23/10/2020 13:53:33**

**Daniel Castro García na data 23/10/2020 13:53:46**





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Manuel Antonio Lourenzo Sobral na data 23/10/2020 13:54:00**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputados **Luis Bará Torres** e **Paulo Ríos Santomé** e das deputadas **Carme González Iglesias** e **Alexandra Fernández Gómez**, ao abeiro do disposto no Regulamento da Cámara, presenta a seguinte **Proposición non de lei para debate en na Comisión 2ª**.

### EXPOSICIÓN DE MOTIVOS

O goberno portugués vén de facer público o Programa Nacional de Investimentos 2030. O Plan prevé investimentos por valor de 43.000 millóns de euros, dos que o 50% teñen que ver con transportes e mobilidade; e deste 50% a súa vez o 50% vai destinado a infraestruturas ferroviarias.

No que ten que ver co transporte ferroviario, o goberno portugués concede interese estratéxico ás conexións entre Lisboa e Porto e entre Porto e o Miño. No caso do treito Lisboa Porto prevé un investimento de 4.500 millóns de euros mentres que na liña Porto-Vigo o Plan prevé unha primeira fase entre Braga e Valença con un investimento de 900 millóns de euros para reducir a duración da viaxe en 45 minutos.

O proxecto do goberno portugués estima que unha vez desenvolvido este plan, que ten como horizonte temporal o ano 2030, a duración da viaxe entre Vigo e Porto reducirase de 2 horas 23 minutos a 55 minutos. E a viaxe entre Vigo e Lisboa quedaría reducida a 2 horas e media.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

O proxecto de modernización da conexión ferroviaria entre Vigo e Porto é unha antiga demanda que leva 20 anos de anuncios e proxectos por parte do goberno central e da Xunta de Galiza, sen que haxa ningunha concreción real máis alá da electrificación do treito entre o Guillarei e a fronteira portuguesa. Para que se faga realidade, é necesario impulsar o proxecto da saída sur de Vigo e estudar alternativas ao trazado da vía férrea que actualmente atravesa a vila do Porriño.

Logo de décadas de retrasos e de incumprimentos, é o momento de apostar decididamente por un proxecto estratéxico vertebrar as comunicacións entre Galiza e Portugal e potenciar o Eixo Atlántico entre Ferrol/Coruña e Lisboa como un grande eixo de comunicacións para a mobilidade de persoas e mercadorías.

Un proxecto desta natureza debe contar cun apoio decidido por parte da Xunta de Galiza e do goberno central. E tendo en conta o retraso que leva acumulado, débese traballar para que se faga realidade no menos prazo posíbel.

Polo anteriormente exposto, o Grupo Parlamentar do BNG presenta a seguinte proposición non de lei para o debate na Comisión 2ª:

“O Parlamento insta á Xunta a demandar do goberno central:

1. O impulso da modernización e mellora da conexión ferroviaria entre Vigo Porto para que se faga realidade no menor prazo de tempo posíbel a redución dos tempos de viaxe desde as 2 horas e 23 minutos actuais e unha duración de menos de 1 hora.







OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

2. A axilización do proxecto da saída sur de Vigo e dunha alternativa que evite o paso do tren polo medio da vila do Porriño, ofrecendo desde o goberno galego a máxima colaboración institucional e técnica.”

Santiago de Compostela, 23 de outubro de 2020

Asdo.: **Alexandra Fernández Gómez**

**Carme González Iglesias**

**Paulo Ríos Santomé**

Deputadas e deputado do G.P. do BNG

**Luis Bará Torres**

Viceportavoz do G.P. do BNG

**Asinado dixitalmente por:**

**Xosé Luis Bará Torres na data 23/10/2020 14:04:25**

**Paulo Ríos Santomé na data 23/10/2020 14:04:29**

**María do Carme González Iglesias na data 23/10/2020 14:04:35**

**Alexandra Fernández Gómez na data 23/10/2020 14:04:42**



## Á Mesa do Parlamento

O Grupo Parlamentario dos Socialistas de Galicia por iniciativa do seu deputado e da súa deputada, Luís Manuel Álvarez Martínez e Patricia Otero Rodríguez, a través do portavoz e ao abeiro do disposto no artigo 160 do Regulamento da Cámara, presentan ante esa mesa a seguinte proposición non de lei para o seu debate na Comisión 2ª.

A Constitución española de 1978 consagra o dereito á vivenda no seu artigo 47 entre os principios reitores da política social e económica, dentro dos dereitos e deberes fundamentais ao establecer que todos os españois teñen dereito a gozar dunha vivenda digna e adecuada e que os poderes públicos promoverán as condicións necesarias e establecerán as normas pertinentes para facer efectivo este dereito, regulando a utilización do chan de acordo co interese xeral para impedir a especulación.

A Constitución, como é evidente, non se limita a regular o contido deste dereito –gozar dunha vivenda digna e adecuada– senón que require unha actividade positiva para a súa efectividade real, cun verdadeiro mandato aos poderes públicos para que garantan a súa eficacia.

No artigo 27.3. do Estatuto de autonomía de Galicia establécese a competencia exclusiva da Comunidade Autónoma de Galicia en materia de vivenda. En cumprimento do desenvolvemento desa competencia, a Xunta de Galicia establece políticas activas para dar cumprimento ao mandato constitucional.

Con respecto a esas políticas activas, o Goberno galego aprobou o *Plan galego de rehabilitación, aluguer e mellora de acceso á vivenda 2015-2020*, coñecido como Plan RehaVita. Este plan desenvolve unha planificación baseada en catro eixos: o acceso á vivenda, a rehabilitación de vivendas e renovación urbana, a prevención da exclusión residencial e outras medidas en materia de vivenda.

Cabe entender que para acadar os obxectivos previstas no plan RehaVita os orzamentos da Consellería de Medio ambiente, territorio e vivenda inclúen, entre outros, o programa 451B - Acceso á vivenda que ten como obxectivo facilitar o acceso á vivenda, en propiedade ou en réxime de aluguer, especialmente aos colectivos máis desfavorecidos, atendendo a aqueles sectores da sociedade que se atopan en condicións máis desfavorecidas, seguindo as directrices establecidas no Plan RehaVita e no Plan estatal de vivenda 2018-2021.

No orzamento do ano 2019, último dos que temos datos de execución orzamentaria, este programa estaba dotado con 28.820.000 €, que serían rebaixados, logo das modificacións orzamentarias realizadas, a 14.280.000 €.

Por si a falla de compromiso co desenvolvemento deste programa non fose evidente á vista redución experimentada no crédito inicial, os datos de execución en canto ás



obrigas recoñecidas despexan toda dúbida, xa que son 4.005.000 €. é dicir, unha execución orzamentaria de tan só un 13,9 % con respecto a o crédito inicial e un exíguo 28 % con respecto a crédito rebaixado.

Para a avaliación deste programa o propio orzamento prevé cinco indicadores e os valores que se espera acadar para cada un deles. Aos efectos que interesan nesta iniciativa, son dous os que nos preocupan:

- Vivendas de promoción pública licitadas, cun valor previsto de 3.
- Axudas concedidas para o acceso á vivenda, cun valor previsto de 3.858.

Por iso o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta o Goberno galego a presentar no Parlamento de Galicia un informe, antes do remate deste período de sesións, das razóns que xustifican o baixo nivel de execución do programa 451B - Acceso á vivenda durante o ano 2019-, así como as repercusións desa rebaixa sobre os colectivos potencialmente beneficiados.

Pazo do Parlamento, 23 de outubro de 2020

**Asinado dixitalmente por:**

**Luis Manuel Álvarez Martínez na data 23/10/2020 13:29:00**

**Patricia Otero Rodríguez na data 23/10/2020 13:30:19**

**Gonzalo Caballero Míguez na data 23/10/2020 13:30:34**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada e deputados **Mercedes Queixas Zas, Manuel Lourenzo Sobral e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, sobre a avaliación do Plan Lía 2016-2020 de Bibliotecas Escolares.

### EXPOSICIÓN DE MOTIVOS

O Plan Lía 2016/2020 de Bibliotecas Escolares foi presentado como un proxecto de desenvolvemento e dinamización das bibliotecas escolares para o fomento da lectura desde o ámbito educativo.

O Plan LÍA buscaba, no seu deseño, a integración de todas as actuacións da consellería a prol das bibliotecas escolares para a mellora das competencias de lectura, escritura e habilidades investigadoras e de uso da información do alumnado galego.

Un ambicioso plan de actuación que contaba entre os seus obxectivos principais os seguintes: dotar os centros educativos de bibliotecas activas e dinámicas acordes ao século XXI, reforzar a adquisición de competencias clave do alumnado, avanzar na consecución dunha biblioteca escolar inclusiva e contribuír á construción dunha sociedade lectora.

Importantes retos e desafíos acompañaban a presentación do Plan Lía 2016/2020 co obxectivo de crear unha comunidade de centros interconectados desde as bibliotecas estábais como corazón de cada centro educativo, auténticos laboratorios creativos de





OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

aprendizaxe, con vontade inclusiva, abertos ás aprendizaxes múltiples e transversais, implicando as familias nas comunidades lectoras.

Superado o cuatrienio da aplicación do Plan Lía de bibliotecas escolares para a Lectura, a Información e a Aprendizaxe, cómpre coñecer o resultado da avaliación deste importante proxecto educativo a respecto da mellora das competencias de lectura, escritura e habilidades investigadoras e de uso da información do alumnado galego.

Anualmente, desde a Asesoría de Bibliotecas veuse emitindo un informe público de avaliación dalgúns aspectos vinculados a este plan, a partir das memorias de peche de cada curso escolar de cada centro participante.

Con todo, chegado o tempo do remate do plan no período 2016/2020, e en cumprimento do establecido no punto 6 do propio plan, cómpre dar a coñecer unha valoración de obxectivos acadados, de forma semellante a como se fixo coa primeira fase do plan correspondente aos anos 2010-2015.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a facer pública a avaliación do Plan Lía 2016-2020 de bibliotecas escolares para a Lectura, a Información e a Aprendizaxe co obxectivo de valorar a consecución dos obxectivos xerais, a implantación e desenvolvemento das liñas de acción e das medidas concretas previstas no plan, como base para o deseño da estratexia necesaria para continuar nunha nova fase formativa.”





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Santiago de Compostela, 26 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 26/10/2020 09:35:51**

**Manuel Antonio Lourenzo Sobral na data 26/10/2020 09:36:00**

**Daniel Castro García na data 26/10/2020 09:36:08**





OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputados e deputada **Luis Bará Torres, Paulo Ríos Santomé e Alexandra Fernández Gómez**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 2ª**, sobre as medidas de seguridade na caza.

### EXPOSICIÓN DE MOTIVOS

A recente publicación dos datos de persoas feridas e falecidas como consecuencia de disparos de caza no estado español entre o 1 de xaneiro e o 6 de setembro de 2020 sitúan a Galiza como a cuarta comunidade con máis vítimas, con 47 persoas feridas e 9 falecidas. Trátase de datos moi preocupantes, máis se temos en conta que durante unha parte deste período a actividade cinexética estivo suspendida debido ao estado de alarma.

Esta situación dáse malia que a Xunta de Galiza, por medio da Secretaría Xeral para o Deporte e a Consellaría de Medio Ambiente financiaron con 269.000 euros a Federación Galega de Caza entre 2016 e 2020, mediante convenios que tiñan como finalidade, entre outras, a organización de actividades formativas e campañas sobre seguridade.

Por outra parte, a Lei Galega de Caza de 2013 carece de desenvolvemento normativo, de maneira que segue en vigor o regulamento do ano 2001, claramente desfasado xa que permite a actividade da caza a unha distancia superior a 100 m de vivendas, recintos deportivos e zonas recreativas e de acampada; de 250 m con respecto





BLOQUE  
NACIONALISTA  
GALLEGO

OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

a lugares onde se produzan concentración de persoas ou de gando. O citado regulamento tamén indica que “nos carreiros e camiños rurais pouco transitados, destinados ó paso a pé e ó uso agrícola ou forestal, poderase cazar, sempre que as condicións de seguridade o permitan “, unha redacción excesivamente ambigua e permisiva.

Desde que entrou en vigor a Lei de caza no ano 2013, a Valedoría do Pobo instou ao goberno galego a modificar a norma para garantir a seguridade da veciñanza, especialmente no caso dos camiños rurais e de acceso ás vivendas. Pola súa parte, no ano 2015 a Consellaría de Medio Ambiente anunciou a entrada en vigor de xeito inminente do novo regulamento, que segundo a Xunta ía regular de maneira máis detallada o referente ás zonas de seguridade.

Por parte de diferentes entidades e colectivos profesionais tamén se fai fincapé na importancia de facer controis de alcoholemia e de substancias estupefacientes nas actividades cinexéticas, debido ao risco derivado de usar unha arma coas capacidades físicas e mentais alteradas.

Co inicio da tempada de caza prodúcese unha especie de privatización de moitos montes e espazos públicos, de maneira que se ven restrinxidas as actividades recreativas e de lecer. Isto é particularmente evidente no caso de rotas de sendeirismo e de actividade deportiva, que se ven restrinxidas ou limitadas pola concorrencia coas zonas de seguridade das actividades cinexéticas.

Recentemente producíronse incidentes no concello de Arteixo, con disparos a escasos metros de vivendas e nunha rota de sendeirismo e de BBT sinalizada, así como o abandono de cartuchos sen detonar, sen que a administración tome medidas para evitar estes desmáns.







BLOQUE  
NACIONALISTA  
GALLEGO

OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Por todo o exposto, o Grupo Parlamentar do BNG presenta a seguinte proposición non de lei para debate na Comisión 2ª:

“O Parlamento de Galiza insta ao Goberno galego a:

1. Aprobar un novo regulamento de caza que estableza maiores restricións nas áreas de actividade cinexética, especialmente nas zonas habitadas, nos lugares de concentración de persoas e en todo tipo de vías públicas, aumentando as zonas de seguridade e garantindo o desenvolvemento de actividades recreativas, deportivas e de lecer en roteiros e sendeiros homologados para estes usos.

2. Realizar as modificacións legais axeitadas para prohibir o consumo de alcol e outras substancias estupefacientes antes e durante as cacerías, con independencia da súa modalidade, facultando aos axentes medioambientais para realizar controis.

3. Instar á Consellaría de Medio Ambiente a realizar, de xeito anual, unha estatística pública ao respecto dos accidentes de caza, co número de persoas feridas e falecidas no territorio galego.”

Santiago de Compostela, 26 de outubro de 2020

Asdo.: **Alexandra Fernández Gómez**

**Paulo Ríos Santomé**

Deputada e deputado do G.P. do BNG

**Luis Bará Torres**

Viceportavoz do G.P. do BNG





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Asinado dixitalmente por:**

**Alexandra Fernández Gómez na data 26/10/2020 10:48:04**

**Paulo Ríos Santomé na data 26/10/2020 10:48:15**

**Xosé Luis Bará Torres na data 26/10/2020 10:48:20**





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Rosana Pérez Fernández** e **Alexandra Fernández Gómez** e dos deputados **Luis Bará Torres** e **Paulo Ríos Santomé**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 2ª**.

### EXPOSICIÓN DE MOTIVOS

A calidade das augas de determinadas zonas da ría de Muros e Noia leva anos tendo consecuencias. Moito máis alá d seren cualificadas como non aptas para o baño, están as causas que provocan este dano e que se fan extensivas á riqueza marisqueira da ría.

Áreas que non cumpren cos parámetros establecidos sobre o nivel de bacterias fecais que fixa a normativa vixente e que evidencian que, a pesar dos moitos anuncios nos últimos anos por parte da Xunta de Galiza, non se teñen implementado os medios necesarios para conseguir unha mellor calidade da auga nunha zona altamente dependente da produción marisqueira.

É este un asunto tratado no parlamento galego en moitas ocasións e que, por exemplo no ano 2010, dou lugar a un acordo da cámara dunha proposición non de lei do grupo parlamentar do BNG urxindo a necesidade de desenvolver un proxecto de mellora integral do saneamento da ría de Muros e Noia.





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Non entanto, o saneamento integral dista moito de estar rematado e as verteduras de augas sucias sobre a ría continúan a ocorrer con frecuencia. Tan só no pasado ano, Augas de Galiza identificou 163 focos de verteduras na ría de Muros e Noia, arredor de 50 deles contaminantes.

Reiteradamente, o grupo parlamentario do BNG vén chamando a atención sobre a necesidade de incrementar os investimentos en infraestruturas e depuración de augas residuais, non só dos concellos situados ao pé da ría, senón tamén en cada un dos 22 concellos que realizan verteduras á bacía do Tambre, co obxectivo de seguir mellorando a calidade da auga e preservar a produción marisqueira.

A ría de Noia recolle toda a contaminación producida nos núcleos de poboación e nas explotacións gandeiras situadas ao longo de toda a bacía do Tambre: 22 concellos que equivalen ao 20% da superficie total da provincia da Coruña e na que viven máis de 230.000 persoas.

A maioría deses concellos da bacía son moi deficitarios en canto a rede de saneamento e mesmo a Xunta de Galiza ten estudos propios que amosan que as depuradoras dos concellos de Ordes Oroso, Santiago de Compostela, Ames, Noia e Serra de Outes, todas elas con influencia directa sobre a ría, teñen un mal funcionamento. Ademais, moitos dos ríos e acuíferos desa extensa zona, que tamén rematan desembocando na ría, teñen un saneamento moi insuficiente.

E aínda hai, a maiores, outras ameazas sobre as augas da ría como a escorrentía de augas que veñen de extensións afectadas por incendios forestais e a espada de Damocles que supón a contaminación por metais pesados que xa varios estudos vinculan directamente coas drenaxes das minas de San Finx.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

A falla de avance no cumprimento da Directiva Marco da Auga e, sobre todo, na afectación que ten na ría ese incumprimento, require da confluencia da vontade política e do traballo de todas as administracións. E así, a Consellería de Infraestruturas anunciou en xullo de 2019 o inicio da redacción do plan director de saneamento de Noia, cun prazo de execución de 10 meses, e do que ata o de agora non se volveu ter noticia.

Tamén o plan de control de vertidos da Xunta de Galiza, implantado no 2009, foi obxecto de numerosas novas de prensa para publicitar actuacións ata o 2023. E, moito máis recentemente, a mesma Consellería avanzou que dou traslado á Dirección Xeral de Medio Ambiente da Comisión Europea de proxectos sen concretar por preto de 700 millóns de euros cos que, en parte, pretende estender os servizos de depuración e de saneamento das augas das rías.

En definitiva, plans e proxectos que non se concretan nin en áreas determinadas nin en calendarios de actuación sobre elas e que, mentres, permiten que a ría de Muros e Noia continúe a deteriorarse e que a riqueza marisqueira da zona, e xunto a ela miles de postos de traballo, se poña en perigo.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 2ª:

“O Parlamento de Galiza insta á Xunta de Galiza a levar a cabo as accións necesarias para reducir os puntos de verteduras contaminantes na ría de Muros e Noia adoptando medidas como:

-Eliminación dos puntos de verteduras identificados pola Xunta de Galiza na bacía do Tambre e na ría de Muros-Noia.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

- Rematar e poñer en marcha o plan director do saneamento de Noia.
- Rematar as instalación de tratamento e depuración de augas residuais nos concellos que realizan verteduras á bacía do Tambre, así como mellorar as existentes.
- Poñer en práctica as conclusións dos estudos existentes sobre o impacto que a contaminación mineira está a ter sobre a ría adoptando as decisións que podan impedir as afectacións aos bancos marisqueiros.”

Santiago de Compostela, 26 de outubro de 2020

Asdo.: **Rosana Pérez Fernández**

**Alexandra Fernández Gómez**

**Paulo Ríos Santomé**

Deputadas e deputado do G.P. do BNG

**Luis Bará Torres**

Portavoz s. do G.P. do BNG

**Asinado dixitalmente por:**

**Rosana Pérez Fernández na data 26/10/2020 10:51:43**

**Alexandra Fernández Gómez na data 26/10/2020 10:51:57**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**Paulo Ríos Santomé na data 26/10/2020 10:52:06**

**Xosé Luis Bará Torres na data 26/10/2020 10:52:11**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa do deputado **Xosé Luis Rivas Cruz** e das deputadas **María González Albert** e **Carmen Aira Díaz**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 7ª**, sobre o Consello Agrario Galego.

### EXPOSICIÓN DE MOTIVOS

O desleixo con que o Goberno galego trata todo o referente ao mundo rural e a súa articulación laboral ponse de manifesto na de facto ilegalidade en que se encontra o Consello Agrario Galego que na súa composición non reflicte a realidade actual, 18 anos despois das últimas eleccións sindicais.

Coa Lei 1/2006 de 5 de xuño créase o Consello Agrario Galego coma órgano que asume e articula as relacións entre a Administración Galega e as organizacións profesionais agrarias, recoñecéndolles tamén o papel de vertebración democrática do mundo rural segundo explica a exposición de motivos da mesma.

O artigo 1º desta Lei define ao Consello Agrario Galego como un órgano permanente de participación, asesoramento, diálogo e consulta da Administración galega en materia agraria e máis en desenvolvemento rural.

O artigo 4º, que versa sobre a composición do mesmo, establece que estará integrado por vintecatros membros, dos que doce correspóndenlle ás “organizacións agrarias máis representativas de Galiza”.







OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Seguindo pois a Lei convocáronse as primeiras eleccións democráticas no agro galego que se celebraron o 26 de maio de 2002 e determinaron como as máis representativas das organizacións profesionais agrarias constituídas en Galiza as de Xóvenes Agricultores (XXAA), Unións Agrarias (UUAA) e Sindicato Labrego Galego (SLG).

Mais desde a constitución do Consello Agrario Galego (CAG), no 2006, a realidade do agro galego ten mudado, e ten mudado moito, tanto o mundo rural coma as organizacións agrarias. De feito unha das que facía parte do mesmo desapareceu, en concreto Xóvenes Agricultores.

Vemos pois que no que respecta ás organizacións que formaban parte inicialmente o CAG, téñense producido grandes variacións polo que a situación actual do mesmo non ten nada que ver coa situación de partida, encontrándose, nestes momentos nunha situación anómala, deixando de cumprir o que dispón o artigo 4º da propia lei en canto á composición do mesmo na representación das organizacións profesionais agrarias.

Por outra parte o artigo 5º determina que o pleno do CAG terá de se reunir, como mínimo, en sesión ordinaria catro veces por ano.

Por todo o anteriormente exposto, o Grupo Parlamentar do BNG presenta a seguinte proposición non de lei para o seu debate na Comisión 7ª:

“O Parlamento galego insta á Xunta de Galiza a convocar eleccións profesionais no campo galego para corrixir a situación anómala actual do Consello Agrario Galego no que respecta á representatividade das mesmas no mesmo.”





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Santiago de Compostela, 26 de outubro de 2020

**Asdo.: Xosé Luis Rivas Cruz**

**María González Albert**

**Carmen Aira Díaz**

Deputado e deputadas do G.P. do B.N.G.

**Ana Pontón Mondelo**

Portavoz do G.P. do BNG

**Asinado dixitalmente por:**

**Xosé Luis Rivas Cruz na data 26/10/2020 12:50:08**

**María González Albert na data 26/10/2020 12:50:17**

**María del Carmen Aira Díaz na data 26/10/2020 12:50:27**

**Ana Pontón Mondelo na data 26/10/2020 12:50:38**



## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado e da súa deputada **Julio Torrado Quintela e Marina Ortega Otero**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 5.ª, Sanidade, Política Social e Emprego**.

### Exposición de motivos

O Goberno do Estado vén de declarar o Estado de Alarma no domingo 25 de outubro, como medida para frear a segunda onda da pandemia. Esta decisión está na liña do que outros estados europeos están a realizar, con medidas similares para as zonas máis afectadas, as grandes cidades ou o conxunto do país en función do caso.

En España a situación grave que se está a producir necesita de medidas excepcionais, como xa estaban tomando algunhas comunidades autónomas para atallar na medida do posible a onda expansiva da pandemia. De feito, moitas comunidades autónomas compartiron abertamente a decisión do Goberno do Estado desta declaración, e durante as horas previas sumáronse as peticións para que así se realizase. As únicas comunidades autónomas que non sumaron os seus apoios a esta decisión son aquelas con presidentes do Partido Popular, fronte ás que si o fixeron con presidentes/as de varios partidos políticos distintos. Esta dicotomía semella unha actitude partidista nunha decisión de Estado. Un intento de bloqueo, ou dificultade, nunha situación como a actual, non parece ter sentido dada a necesaria colaboración institucional e a gravidade do escenario que vivimos.

Nestes días previos ao debate público sobre a necesidade do Estado de Alarma, ou medidas como o chamado “toque de queda”, foron valoradas polo presidente da Xunta de Galicia en termos lingüísticos e de imaxe, máis non sanitarios. Existiron numerosas reticencias públicas a apoiar unha posible decisión do Goberno de Estado, concretada neste domingo, por razóns menos relevantes que a garantía de saúde para a poboación.

As dúbidas amosadas poden contribuír, segundo apuntan moitos expertos, a diminuír a percepción do problema e a rebaixar a gravidade da situación. Estas consecuencias poderían facer que os efectos das medidas de restrición, necesarias, fosen relativizados por unha parte da poboación ao comprobar como o



propio presidente da Xunta de Galicia diminúe a súa importancia entrando en debates paralelos.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a apoiar con claridade a decisión de declarar o Estado de Alarma por parte do Goberno do Estado, na mesma liña que a maioría das comunidades autónomas de España, e a clarexar as decisións sobre restricións que lle corresponden no marco definido para combater contra a expansión da pandemia en Galicia.

Pazo do Parlamento, 26 de outubro do 2020

Asdo.: Julio Torrado Quintela  
Marina Ortega Otero  
Deputada e deputado do G.P. dos Socialistas de Galicia

Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**Julio Torrado Quintela na data 26/10/2020 14:05:12**

**Marina Ortega Otero na data 26/10/2020 14:05:22**

**Gonzalo Caballero Míguez na data 26/10/2020 14:05:31**



## Á Mesa do Parlamento

O **Grupo Parlamentario dos Socialistas de Galicia**, por iniciativa da súa deputada e dos seus deputados **Carmen Rodríguez Dacosta**, **Martín Seco García** e **Julio Torrado Quintela**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 7.ª, Agricultura, Alimentación, Gandaría e Montes**.

### Exposición de motivos

Como consecuencia da xubilación dunha funcionaria no ano 2012 e da xubilación de dous contratados laborais nos anos 2014 e 2015 que atendían a oficina agraria comarcal de Vila de Cruces, o servizo que se presta na actualidade é moi deficiente, con continuos peches nos últimos anos e o con horarios que non se parecen en nada aos dunha oficina de servizo público ó uso.

As baixas por incapacidade temporal ou vacacións do único funcionario que atende o servizo dous días a semana non son cubertos por outro persoal sendo habituais os carteis na porta da oficina anunciando un horario ridículo de atención ó público ou de oficina pechada.

A tenor da merma na atención nesta oficina os gandeiros e gandeiras vense obrigados a desprazarse a outras oficinas da comarca como Silleda ou Lalín ou volver outro día para ser atendidos.

Todo isto ocasiona prexuízos aos/ás agricultores/as e gandeiros/as do concello e que os mesmos asuman como algo normal os desprazamentos a outras oficinas comarcais para facer os seus trámites.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a que en aras de evitar o peche definitivo da Axencia da Extensión Agraria de Vila de Cruces, a dotación de persoal cualificado para manter en funcionamento dita oficina, así como se corrixan as barreiras arquitectónicas existentes na actualidade.

Pazo do Parlamento, 26 de outubro do 2020





**Asinado dixitalmente por:**

**María del Carmen Rodríguez Dacosta na data 26/10/2020 14:20:49**

**Martín Seco García na data 26/10/2020 14:20:59**

**Julio Torrado Quintela na data 26/10/2020 14:21:10**

**Gonzalo Caballero Míguez na data 26/10/2020 14:21:16**



## Á Mesa do Parlamento

O **Grupo Parlamentario dos Socialistas de Galicia**, por iniciativa da súa deputada e dos seus deputados **Carmen Rodríguez Dacosta, Martín Seco García e Julio Torrado Quintela**, a través do seu portavoz solicita a esa Mesa unha corrección de erros nos documentos con número de rexistro **4213 e 4214**, advertido un erro en ditos documentos.

### Corrección de erros

Na parte resolutiva da proposición non de lei:

Onde di: “...da Axencia da Extensión Agraria de Vila de Cruces...”, debe dicir: “...da Oficina Agraria Comarcal de Vila de Cruces...”.

Pazo do Parlamento, 1 de novembro do 2020

Asdo.: Carmen Rodríguez Dacosta  
Martín Seco García  
Julio Torrado Quintela  
Deputada e deputados do G.P. dos Socialistas de Galicia

Asdo.: Gonzalo Caballero Miguez  
Portavoz do G.P. dos Socialistas de Galicia

### Asinado dixitalmente por:

**María del Carmen Rodríguez Dacosta na data 02/11/2020 11:32:28**

**Martín Seco García na data 02/11/2020 11:32:44**

**Julio Torrado Quintela na data 02/11/2020 11:32:56**

**Gonzalo Caballero Míguez na data 02/11/2020 11:33:02**



## Á Mesa do Parlamento

O Grupo Parlamentario dos Socialistas de Galicia, por iniciativa das súas deputadas e dos seus deputados, Patricia Otero Rodríguez, Luís Manuel Álvarez Martínez, Pablo Arangüena Fernández e Paloma Castro Rey, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 2ª.

Un dos problemas que vén padecendo o Concello de Monterroso en cuestión de tratamento de augas residuais é a incapacidade da estación depuradora para asumir a cantidade de augas que lle chegan, e isto agrávase en época estival.

A dita estación depuradora non é capaz de asumir a cantidade de augas residuais que recibe, o que supón un problema especialmente grave durante a época do verán onde as tormentas e as choivas torrenciais son máis frecuentes despois dunha época de seca.

Ao longo destes últimos anos vimos na prensa esa imaxe na que miles de troitas do río Ulla, ao paso por Monterroso, aparecían mortas.

A estación depuradora foi construída hai 25 anos aproximadamente para dar servizo a unha vila que experimentou un crecemento urbanístico moi grande, incorporando tamén á rede de augas residuais as do centro penitenciario, o parque empresarial e tamén a conexión dalgunha parroquia próxima á capitalidade municipal, quedando, polo tanto, obsoleta e sen capacidade suficiente para tratar a cantidade de residuos que chegan á planta co conseguinte risco medioambiental que isto supón.

O que coñecemos é que o Concello adquiriu os terreos necesarios para a ampliación da EDAR poñéndoo a disposición do Organismo Autónomo Augas de Galicia e que a Xunta de Galicia iniciou a redacción do correspondente proxecto en 2015, obtendo un informe ambiental favorable. Pero dende aquela ata a data de hoxe nada máis se soubo.





O Grupo Parlamentario Socialista presentou nos últimos anos emendas, aos orzamentos da Xunta para que se establecese unha partida orzamentaria que recollese esta vella demanda dos veciños e veciñas de Monterroso, que non foron atendidas.

A ampliación da EDAR de Monterroso é unha demanda básica en cuestión medioambiental e moi necesaria en aras a conservar tamén o medio natural, en definitiva, para protexer a flora e a fauna do río Ulla.

Por iso, o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta a Xunta de Galicia a que recolla nos Orzamentos da Xunta para 2021 unha partida orzamentaria para a ampliación da EDAR de Monterroso e que se execute a súa ampliación á maior brevidade posible.

Pazo do Parlamento, 26 de outubro de 2020

**Asinado dixitalmente por:**

**Patricia Otero Rodríguez na data 26/10/2020 11:30:53**

**Luis Manuel Álvarez Martínez na data 26/10/2020 11:31:08**

**Pablo Arangüena Fernández na data 26/10/2020 11:31:26**

**Paloma Castro Rey na data 26/10/2020 11:31:51**

**Gonzalo Caballero Míguez na data 26/10/2020 11:32:02**



## Á Mesa do Parlamento

O Grupo Parlamentario dos Socialistas de Galicia, por iniciativa da súa deputada e do seu deputado, Patricia Otero Rodríguez e Julio Torrado Quintela, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 8ª.

Os portos de Burela e de Celeiro combinan actividade pesqueira, tráfico de mercadorías e náutica de recreo. Ademais ambos sitúanse entre os tres portos máis relevantes no organismo que os xestiona e do que dependen que é Portos de Galicia.

Os usuarios destes portos contan que cada un tiña asignados 5 gardamuelles, pero que agora están activos 3 ou 4. Estas vacantes nos ditos cadros de persoal de gardamuelles están a provocar protestas nos portos mariñáns, protestas que foron realizadas tanto ante a Consellería do Mar como ante Portos de Galicia, emprazando a Portos de Galicia á cobertura das praza de gardamuelles agora vacantes.

Sen videovixilancia nestes portos estes traballadores teñen encomendado o control das instalacións portuarias. Ademais de funcións como ordenación dos atraques pesqueiros, dos mercantes e das embarcacións recreativas, así como o establecemento de vehículos.

Por iso o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta a Xunta de Galicia a que restituía o servizo de gardamuelles con todos os profesionais que sobre o papel teñen asignados os portos da Mariña lucense de competencia autonómica.

Pazo do Parlamento, 26 de outubro de 2020

**Asinado dixitalmente por:**





**Patricia Otero Rodríguez na data 26/10/2020 14:04:10**

**Julio Torrado Quintela na data 26/10/2020 14:04:29**

**Gonzalo Caballero Míguez na data 26/10/2020 14:04:45**



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada, Luís Manuel Álvarez Martínez e Patricia Otero Rodríguez, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 2ª.

A rehabilitación de vivendas na Comunidade Autónoma de Galicia forma parte das actuacións previstas no Plan galego de rehabilitación, aluguer e mellora de acceso á vivenda 2015-2020 (*Plan Rehavita*).

Aínda que este plan pode considerarse temporal e politicamente rematado, visto o anuncio realizado pola Conselleira de Medio Ambiente, Territorio e Vivenda no Parlamento de Galicia ao anunciar un novo pacto social pola vivenda para os vindeiros cinco anos, parece que xunto co resto das actuacións previstas non se pode cualificar, nin de lonxe, como un éxito.

Sintetizando o que a propia literatura do plan expón, a necesidade permanente de rehabilitación cumpre, entre outros, cos obxectivos de manter a poboación en conxuntos históricos, núcleos rurais e barrios de vilas e cidades necesitados de mellora, conservar o patrimonio residencial construído, mellorar as condicións de vida, reducir a demanda de novos desenvolvementos urbanísticos e facer máis eficientes dende o punto de vista do consumo enerxético as vivendas rehabilitadas.

Como sabemos, a concordancia entre as declaracións que se poden facer sobre as intencións de desenvolver determinadas políticas e o que se fai atópase nos orzamentos públicos e no seu grao de execución; non se trata só de consignar cantidades concretas, máis ou menos elevadas, se non da xestión que se leve a cabo desas cantidades.

Os orzamentos da Consellería de Medio Ambiente, Territorio e Vivenda inclúen o denominado programa 451A - Fomento da rehabilitación e da calidade da vivenda que ten como obxectivo fomentar a rehabilitación da vivenda e a renovación urbana, recuperando o patrimonio residencial construído e minorando os impactos no medio, para satisfacer as necesidades de vivenda da poboación, a calidade de vida da cidadanía e dinamizar o sector da construción.



No ano 2019, último do que coñecemos a execución orzamentaria, este programa tiña un orzamento inicial de 49.005.000 € que posteriormente serían incrementados ata os 54.803.000 €. As obrigas recoñecidas foron 32.617.000 €, do que se conclúe que se deixaron sen executar 22.186.000 € ou, o que é o mesmo, practicamente o 40,5 % do orzamentado non foi executado.

Por outro lado, os indicadores asociados para avaliar o cumprimento deste programa prevén os seguintes valores:

- Vivendas de promoción pública licitadas para rehabilitación: 52
- Axudas concedidas para a rehabilitación de vivenda: 2.445

A deficitaria execución de calquera programa orzamentario pode ter distintas causas, entre outras, unha incorrecta consignación inicial ou unha xestión inadecuada del; en todo caso, esa deficiencia debe ser analizada dentro do propio Goberno e explicada en sede parlamentaria, posto que estamos a falar dunha elevada cantidade de recursos públicos que deberían ter sido aplicados a unha política de vivenda esencial.

Por iso o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego a presentar no Parlamento de Galicia un informe, antes do remate deste período de sesións, das razóns que xustifican o baixo nivel de execución do programa 451A - Fomento da rehabilitación e da calidade da vivenda durante o ano 2019, así como do impacto que tivo deixar sen executar 22.186.000 € nese mesmo ano dentro deste programa.

Pazo do Parlamento, 26 de outubro de 2020

**Asinado dixitalmente por:**

**Luis Manuel Álvarez Martínez na data 26/10/2020 12:46:32**

**Patricia Otero Rodríguez na data 26/10/2020 12:46:46**

**Gonzalo Caballero Míguez na data 26/10/2020 12:47:01**





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa do deputado **Paulo Ríos Santomé** e das deputadas **Montserrat Prado Cores, Olalla Rodil Fernández e Iria Carreira Pazos**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 5ª**, relativa á necesidade de adoptar medidas para revertir a situación de precariedade laboral imposta á mocidade galega.

### Exposición de motivos

A mocidade galega vive actualmente unha situación de emerxencia en canto ao emprego xuvenil, cunhas taxas de desemprego moi elevadas, grandes dificultades para acceder ao seu primeiro emprego, nomeadamente para mozas e mozos con titulacións en Formación Profesional ou Universitaria e cunhas condicións laborais totalmente precarias para as mozas empregadas.

Este contexto tan desfavorable para o futuro, e presente das mozas galegas tradúcese na imposibilidade de acadar unha independencia económica de facto, coa que ser quen de por en marcha os proxectos vitais das persoas e construír un futuro propio . Tradúcese tamén na quase obriga de escoller o camiño da emigración, na última década emigraron de Galiza 216.413 persoas con idades comprendidas entre os 16 e 54 anos, das que 79.529 eran mozos e mozas de 16 a 29 anos, por falta de oportunidades laborais no noso país (segundo datos oficiais do INE). Unha emigración forzada para tentar optar a un traballo nunhas condicións menos precarias que nos permitan acadar a emancipación económica.





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

A condición periférica e subordinada da economía galega, a destrución de parte importante da base produtiva, a precariedade no emprego e a ausencia de políticas ambiciosas de igualdade e fomento da conciliación están na base do devalo demográfico do país e do aumento da emigración.

Os últimos datos da EPA (2º trimestre de 2020) amosan uns datos preocupantes para a nosa mocidade, cunha taxa de desemprego do 26,1% nas mozas entre os 16 a 29 anos, que vai en aumento nos últimos anos e que se acentúa no contexto da crise sanitaria. A EPA recolle tamén o alcance da destrución de emprego xuvenil nos últimos anos, pasando de 371.500 ocupadas e ocupados de entre 16-34 anos a finais de 2009 a apenas 199.800 no II trimestre deste ano. Unha destrución por volta do 46% dos postos de traballo ocupados pola mocidade.

A isto hai que sumarlle a problemática crónica da emigración xuvenil no noso país, que virían a engrosar esa porcentaxe de desemprego até situalo en valores de extrema emerxencia, ademais do aumento dos contratos por horas que deturpan as estatísticas tanto do total dos contratos asinados como as afiliacións á Seguridade Social. A emigración xuvenil, que na práctica é unha expulsión forzosa pola falla de oportunidades laborais na propia terra, é un dos factores que en maior medida explican que no período 2009-2019 a poboación activa de entre 16 e 34 anos retrocedese en Galiza por volta de 191.600 persoas (datos da EPA).

As mozas que si teñen traballo fano, nunha amplísima porcentaxe, con tipoloxías de contratos temporais tanto a xornada completa como en xornada parcial, sendo esta última a que está a medrar dun xeito dramático.

Neste ano 2020 a mocidade galega asinou preto de 118.000 contratos de traballo, dos cales só o 7,2% foron contratos indefinidos totais ou parciais, mentres que





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

os contratos de traballo temporal constitúen o 90,6% do total dos contratos asinados, segundo datos extraídos do Instituto Galego de Cualificacións.

A chegada da crise da COVID-19 non fixo máis que agravar o estado no que, a mocidade galega, nos atopábamos a nivel laboral. A pandemia viu a precarizar aínda máis os traballos das mozas deste país, afondando na temporalidade e parcialidade dos contratos laborais, a aceleración das novas formas de explotación, como as falsas autónomas ou a normalización do teletraballo, o cal xera aínda máis precariedade nas condicións de traballo da mocidade galega alén de xerar consecuencias nocivas para a saúde mental e física das traballadoras, como empezamos a coñecer.

A destrución de emprego xerada pola pandemia vai ter unha importancia capital para a mocidade galega, xa que son moitas as mozas deste país que traballan de forma temporal e precaria no sector servizos, moitas delas en situación de ERTE na actualidade.

Esta situación de precariedade laboral e temporalidade xeneralizada é totalmente inasumíbel para un país que pretenda darlle un presente e un futuro digno á súa mocidade, única vía para ter un país próspero e afondar na mellora material da vida do seu pobo.

Estas son as razón que levan ao BNG a formular a seguinte proposición non de lei para o seu tratamento na Comisión 5ª:

“O Parlamento de Galiza insta o Goberno galego a elaborar un novo Plan de Emprego para a Mocidade Galega, dotado coas partidas orzamentarias que foren precisas para o desenvolvemento de programas e accións que favorezan a creación de







OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

emprego xuvenil estábel, en condicións laborais dignas e salarios que permitan a emancipación”

Santiago de Compostela, 26 de outubro de 2020

**Asdo.: Paulo Ríos Santomé**

**Iria Carreira Pazos**

**Montserrat Prado Cores**

Deputado e deputadas do G.P. do BNG

**Olalla Rodil Fernández**

Portavoz s. do G.P. do BNG

**Asinado dixitalmente por:**

**Iria Carreira Pazos na data 26/10/2020 20:49:43**

**María Montserrat Prado Cores na data 26/10/2020 20:49:46**

**Olalla Rodil Fernández na data 26/10/2020 20:49:54**

**Paulo Ríos Santomé na data 26/10/2020 20:50:09**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada e deputados **Mercedes Queixas Zas, Manuel Lourenzo Sobral e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, sobre a protección do patrimonio cultural galego existente en coleccións particulares.

### EXPOSICIÓN DE MOTIVOS

A Lei 5/2016 do patrimonio cultural de Galiza é a base normativa fundamental en que se asenta o compromiso irrenunciábel co noso patrimonio cultural, desde unha vontade política que debe velar pola conservación do máis alto valor cultural colectivo que é o patrimonio material e inmaterial, alicerce da identidade galega.

Unha responsabilidade determinada polo Estatuto de Autonomía ao afirmar no artigo 32 que lle corresponden á Xunta de Galiza as competencias plenas referidas á defensa e promoción dos valores culturais do pobo galego.

O patrimonio cultural é un valor en si propio e o seu estudo, conservación, catalogación, difusión, fomento e acrecentamento representa un exercicio de dignidade colectiva. É por iso que o patrimonio cultural é un pilar fundamental na construción da necesaria cohesión social e o desenvolvemento sustentábel.

O artigo 5 da Lei 5/2016 fixa o dereito da cidadanía ao acceso, coñecemento e disfrute, así como á transmisión e á divulgación social do patrimonio cultural galego.





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Mais tamén a obriga de cumprir os deberes establecidos nesta lei para a protección do patrimonio cultural, así como a actuar coa dilixencia debida no seu uso.

O artigo 32 da devandita lei apela ao deber de conservación do patrimonio por parte das persoas propietarias, posuidoras, arrendatarias ou titulares de dereitos sobre bens protexidos integrantes do patrimonio cultural de Galiza.

Con todo, contamos no noso país con pequenas coleccións, con vontade museística, en mans de particulares, sen protección xurídica, que están expostas ao devir vital dunha persoa ou familia en concreto, ao seu deterioro e consecuente risco de desaparición para o repertorio cultural patrimonial galego.

O coñecemento destes arquivos e coleccións privadas non deben permanecer á marxe da necesaria atención e coñecemento que permita valorar o seu nivel de protección e inclusión, de ser o caso, no rexistro do catálogo patrimonial galego recoñecido e protexido.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a elaborar un rexistro do material patrimonial cultural existente en pequenas coleccións particulares co obxectivo de elaborar un catálogo, protexelo para evitar a súa desaparición e procurar alternativas para que estea ao dispor do pobo galego.”

Santiago de Compostela, 27 de outubro de 2020





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 27/10/2020 09:38:26**

**Daniel Castro García na data 27/10/2020 09:38:49**

**Manuel Antonio Lourenzo Sobral na data 27/10/2020 09:38:59**



## Á Mesa do Parlamento

**O Grupo Parlamentario dos Socialistas de Galicia**, por iniciativa da súa deputadas e do seu deputados, **Marina Ortega Otero, Carmen Rodríguez Dacosta, Juan Carlos Francisco Rivera e Julio Torrado Quintela**, a través do seu portavoz, e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei en Comisión 5.<sup>a</sup>, Sanidade, Política Social e Emprego**.

### Exposición de motivos

En Galicia, dende o inicio da pandemia 374 persoas maiores perderon a vida a consecuencia da Covid-19 en centros residenciais de maiores. Achegámonos a metade do total de falecementos por coronavirus desta pandemia no contexto residencial.

Nas últimas 24 horas Galicia rexistrou **613 contaxios novos e suben os casos activos a 6.766**, o que supón o peor dato dende o inicio da pandemia. A provincia de Ourense atópase inmersa nun proceso de alerta máxima (nivel 3) motivada pola pandemia da Covid-19. Neste momento parte da provincia atópase con medidas moi restritivas e confinamento perimetral.

Os centros de atención residencial configuran o núcleo máis vulnerable neste contexto, polo que se precisan parámetros claros e obxectivos na forma de actuar.

Na segunda onda da pandemia en Ourense tres residencias están a sufrir contaxios masivos e de xeito abrupto, en concreto a residencia de Pereiro, o de Val de Monterrei e Nosa Señora do Viso en Lobeira. A primeira foi intervida pola Xunta tralo contaxio de practicamente a totalidade de usuarios do centro.

Onte coñeceuse un novo centro residencial foco dun contaxio masivo, en concreto máis de 60 positivos nun só día, pero é realmente significativo que dito centro residencial é de xestión pública directa, dependente da Consellería de Política Social, na residencia Nosa Señora dos Milagres en Barbadás.

É urxente coñecer os antecedentes de actuación da consellería no propio centro antes de aparecer os contaxios. Coñecer se houbo medidas preventivas, e sobre todo medidas no incremento do persoal. Este centro residencial evidencia que a



actuación da Consellería de Política Social está a fallar na forma de proceder neste contexto, polo que é urxente que se aporte toda a información en sede parlamentaria para dar conta a cidadanía. E como non, esa información debe ser pública e incluír os datos de contaxios por cada centro de atención residencial.

Polo exposto, o Grupo Parlamentario dos Socialistas de Galicia presenta a seguinte Proposición non de le.

“O Parlamento de Galicia insta a Xunta de Galicia a que aporte a información en canto ás accións preventivas nos centros de atención residencial de maiores, coma no Centro de Nosa Señora dos Milagres en Barbadás. Información que conste dos recursos, protocolos e actuacións levadas a cabo así coma dos datos diarios de contaxios por Covid-19 por cada centro residencial.”

Pazo do Parlamento, 27 de outubro de 2020

Asdo.: Marina Ortega Otero  
Carmen Rodríguez Dacosta  
Juan Carlos Francisco Rivera  
Julio Torrado Quintela  
Deputadas e deputados do G.P. dos Socialistas de Galicia  
Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**Marina Ortega Otero na data 27/10/2020 10:10:38**

**María del Carmen Rodríguez Dacosta na data 27/10/2020 10:10:53**

**Juan Carlos Francisco Rivera na data 27/10/2020 10:11:13**

**Julio Torrado Quintela na data 27/10/2020 10:11:29**

**Gonzalo Caballero Míguez na data 27/10/2020 10:11:41**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputadaos e deputada **Manuel Lourenzo Sobral, Daniel Castro García e Mercedes Queixas Zas**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, sobre a xestión dos contaxios nos centros de ensino por parte do SERGAS e da Consellaría de Educación.

### EXPOSICIÓN DE MOTIVOS

A día de hoxe, temos detectado no sistema educativo galego case 800 positivos sobre un total de 6500 casos activos no noso país o país. Isto supón entre un 12 e un 15 % do total de casos activos. Son varios os centros de ensino que están a denunciar problemas tras a detección de positivo nas aulas.

Estes problemas danse cando os centros de ensino cargan os datos dos positivos na aplicación Educovid pero por parte da Consellaría de Sanidade tardan en ocasións máis de 5 días en notificar aos contactos directos destes positivos que deben realizar unha corentena.

O feito de que por parte das autoridades sanitarias non se notifiquen as corentenas ao alumnado motiva en moitos casos que os contactos directos continúen asistindo a clase por non ter ningún tipo de notificación sanitaria. En moitos outros, que o descoñecemento destes alumnos de teren que facer corentena, comporta que continúen coa súa vida normal e poñan en risco en tanto aos seus compañeiros/as como a familiares que son en moitos casos persoas de risco.





BLOQUE  
NACIONALISTA  
GALIEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Outra das consecuencias destes retrasos nas notificacións é que as familias non teñen ningún tipo de comunicación oficial por parte das autoridades sanitarias, polo que tampouco teñen a posibilidade de negociar coas empresas as opcións ás que acollerse para conciliar o coidado dos seus fillos en corentena co seu traballo.

Outros dos problemas que están a ser denunciados por parte da comunidade educativa é a falta de coordinación entre os centros médicos de referencia para cada centro e ensino e os centros médicos do alumnado. É habitual nos centros de ensino do país que o seu alumnado reciba atención nun centro médico diferente ao que está asociado no protocolo COVID do seu centro de ensino. Estamos polo tanto ante centros educativos nos que hai alumnado adscrito a varios centros médicos diferentes ao asociado no Protocolo COVID. Esta disfunción produce graves problemas á hora de comunicar os positivos e adoptar as medidas necesarias para conter a propagación do virus.

Dende o BNG entendemos que non son admisíbeis estes retrasos e disfuncións nas notificación das medidas a adoptar tras as deteccións dos contaxios, xa que supoñen un risco evidente para o alumando e as familias.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a:

1. Dotar o sistema educativo e sanitario das medidas, recursos e persoal necesarios para solucionar de xeito inmediato os retrasos nas comunicacións do SERGAS ao alumnado que ten que adoptar medidas como as corentenas.







OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

2. Resolver de xeito inmediato os problemas que se están a dar coas notificacións de positivos daqueles alumnos que teñen un centro médico diferente ao centro Covid de adscrición do seu centro de ensino.”

Santiago de Compostela, 27 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 27/10/2020 10:44:34**

**Daniel Castro García na data 27/10/2020 10:44:39**

**Manuel Antonio Lourenzo Sobral na data 27/10/2020 10:44:50**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputadaos e deputada **Manuel Lourenzo Sobral, Daniel Castro García e Mercedes Queixas Zas**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, sobre a situación na que se atopan as familias con enfermidades graves coa incorporación dos seus fillos ás aulas.

### EXPOSICIÓN DE MOTIVOS

Nestas semanas estamos a recibir denuncias de familias que se atopan nunha situación límite. Trátase de familias nas que un dos proxenitores ten unha enfermidade grave e avanzada (normalmente pacientes oncolóxicos en estadio graves da enfermidade) e teñen aos seus fillos e fillas en idade de escolarización obrigatoria.

A situación de saúde destes pais fai que un posíbel contaxio por COVID-19 teña moitas posibilidades de ser letal para as súas vidas. O feito de que os seus fillos e fillas se expoñan ao virus nas escolas e poidan contaxiar a estas persoas na casa, pode implicar consecuencias dramáticas para as súas vidas tal e como se establece en informes médicos destes pacientes.

Seguindo estas indicacións dos profesionais sanitarios, e ante a falta de alternativas por parte da Xunta de Galiza, moitos pais decidiron seguir estes consellos médicos e non enviar aos seus fillos a escola.





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Esta decisión provocou diferentes respostas por parte da administración; dende “ver para outro lado” ata mesmo chegar á apertura de expedientes de absentismo escolar a familias que tan só están protexendo a súa saúde e a súa vida nunha circunstancia extrema.

Estamos ante casos nos que se chega ao esperpento de que pais e nais que, ademais de ter que pelexar cunha enfermidade gravísima poidan ter que lidar coas ameazas de intervención da fiscalía pola apertura de expedientes de absentismo. Pais e nais que mesmo en ocasións poden estar ante os últimos momentos das súas vidas e que teñen que escoller entre a súa vida e unha escolarización de risco dos seus fillos e fillas, baixo ameaza velada mesmo de perda da custodia.

A día de hoxe o ensino supón entre o 12-15% dos contaxios do total dos casos activos (case 800 casos activos no ensino sobre un total de 6500). Estamos ante pais e nais que coa situación que padecen se ven forzados a levar aos seus fillos a centros de ensino nos que se están a producir contaxios por COVID-19 nestas mesmas semanas. Esta situación afecta a centos de familias en todo o país. (Un mínimo de 60 só na provincia de Pontevedra)

A falta de concreción na lexislación vixente e as diferentes interpretacións están a provocar diferentes respostas por parte da administración, o que sitúa a estas familias nun limbo legal e nunha desprotección que pon en perigo as súas propias vidas.

No PROTOCOLO EDUCATIVO PARA A PREVENCIÓN E O CONTROL DO ABSENTISMO ESCOLAR EN GALICIA establécese no artigo 2.4 apartado b que terán a consideración de faltas xustificable a *Morte ou enfermidade grave dun familiar de primeiro ou segundo grao.*





BLOQUE  
NACIONALISTA  
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Así mesmo no artigo 2.4.2 establécese “*No caso de faltas de asistencia a clase do alumnado non contempladas no apartado anterior, quedará a criterio da dirección do centro educativo a consideración das excepcionais circunstancias que concorran para a súa xustificación ou non. En todo caso, deberá garantirse o dereito á escolarización da alumna ou do alumno*”

A pesar do disposto nestes artigos, dende as xefaturas de inspección interpretan que hai colisións con lexislación de rango superior, nomeadamente coa Lei Orgánica 8/1985, de 3 de Xullo, reguladora do Dereito á Educación; polo que están a abrir expedientes de absentismo a estas familias.

Dende o grupo parlamentar do BNG entendemos que é un contrasentido que a Xunta obrigue a estas familias a escoller entre o dereito á educación dos seus e o dereito á vida destes pacientes polo elevado risco ao que se expoñen.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a:

1. Poñer solución inmediata aos problemas destas familias garantindo o dereito a educación dos nenos e nenas sen poñer en risco a vida dos pais.
2. Adoptar as medidas necesarias para solucionar de xeito inmediato os problemas creados polos expedientes de absentismo abertos por estas causas.”

Santiago de Compostela, 27 de outubro de 2020





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 27/10/2020 11:19:55**

**Daniel Castro García na data 27/10/2020 11:19:58**

**Manuel Antonio Lourenzo Sobral na data 27/10/2020 11:20:10**





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada **Mercedes Queixas Zas** e dos deputados **Manuel Lourenzo Sobral** e **Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 4ª**, relativa á Estratexia da Cultura Galega 21.

### EXPOSICIÓN DE MOTIVOS

O 20 de xuño de 2019 comparecía no Parlamento galego o Director xeral de Políticas Culturais para informar sobre a Estratexia da Cultura Galega 21.

Un documento que afirmaba recoller as liñas de actuación e as prioridades nas políticas culturais de Galiza e no investimento cultural público.

A multiplicidade de obxectivos que rexían a Estratexia da Cultura Galega 21 articulábanse conforme seis liñas estratéxicas:

1. Estabelecemento dun pacto social pola cultura galega.
2. Consolidación das industrias culturais e creativas de Galiza.
3. Impulso da creación, difusión e innovación da cultura.
4. Fortalecemento da función social das institucións e entidades da cultura.
5. Valoración do patrimonio cultural de Galiza como un recurso vivo e accesíbel.
6. Posicionamento internacional da cultura galega.





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Todo un catálogo de obxectivos estratéxicos que prometían grandes mudanzas nos ámbitos creativos do país e que encamiñarían a dirección da acción do Goberno galego neste campo ao longo dos vindeiros anos.

Mudanzas no ámbito normativo de base legal; desenvolvemento de novos plans e normativas; creación de novos órganos como foros culturais periódicos, consellos sectoriais, mesas permanentes de cooperación cultural, comisións interadministrativas de coordinación e impulso da acción cultural; reforzo das unidades de produción xa existentes como o CDG, CGAC ou o CCG ou da rede de Bibliotecas Públicas; impulso do sector da música e do libro con novas actuacións de apoio á creación e difusión; difusión da produción cultural galega en centros de ensino e entre o público en xeral; promoción de avances na proxección exterior e a internacionalización da produción cultural de Galiza, son algúns dos obxectivos estratéxicos definidos.

Unha estratexia descritiva que, no entanto, esqueceu sectores importantes, como o da ilustración e a banda deseñada vinculada á industria editorial, ou toda a cultura que nace e medra ao redor do asociacionismo de base, e que en ningún momento contou cun cronograma de aplicación nin compromiso de dotación económica para as diferentes medidas rexistradas sobre o papel.

Transcorrido máis dun ano do anuncio da Estratexia da Cultura Galega 21 e após sete meses do comezo da pandemia por COVID-19, que xa ten colocado a cultura galega nun contexto de máxima preocupación provocada pola agudización dunha realidade profesional marcada pola vulnerabilidade e precariedade previa, tal e como confirmou o Consello da Cultura Galega no seu estudo intitulado Barómetro da cultura galega I, a Consellaría de Cultura, Educación e Ordenación Universitaria non ten presentado ningún informe de avaliación da Estratexia da Cultura galega 21 deste tempo nin avanzada a liña de implementación do documento xenérico anunciado.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a dar conta das actuacións desenvolvidas no marco do documento identificado como Estratexia da Cultura galega 21 e concretar a calendarización das posíbeis accións e as medidas reais deseñadas, así como o marco orzamentario comprometido.”

Santiago de Compostela, 27 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Manuel Antonio Lourenzo Sobral na data 27/10/2020 11:03:22**

**Mercedes Queixas Zas na data 27/10/2020 11:03:26**

**Daniel Castro García na data 27/10/2020 11:03:39**







OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Carmen Aira Díaz, Iria Carreira Pazos, Montserrat Prado Cores e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 5ª**, sobre o consultorio de Currelos no concello do Saviñao.

### EXPOSICIÓN DE MOTIVOS

No Concello de O Saviñao, que conta con algo menos de 4000 habitantes, existe un Centro de Saúde na capitalía, Escairón, e un consultorio en Currelos que se encontra a uns 13km de distancia e atende a unha poboación de 700 habitantes aproximadamente.

O consultorio de Escairón sempre tivo a eiva de non contar con persoal administrativo nin celador, causando isto distorsións na asistencia á poboación, de modo que o resto de persoal tiña que facerse cargo de máis tarefas administrativas das que lles correspondería como persoal sanitario.

No Centro de Saúde de Escairón hai un médico próximo á xubilación, e dado que quen ostenta responsabilidades no SERGAS alude sempre á falta de profesionais, a poboación ten o temor de que non se cubra esta ausencia, e si se faga desaparecer esta praza. É público, tamén, que en Escairón se está a construír un novo Centro de Saúde, e que non é descartable, xunto co resto de reseñas mencionadas, que isto todo signifique o peche do consultorio de Currelos para que se manteñan 3 profesionais en Escairón a conta de afastar a asistencia sanitaria da poboación.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

O Concello de O Saviñao ten unha importante extensión e localidades a moita máis distancia de Escairón que eses 13 km que separan o centros de ambos pobos, podendo estar as poboacións do norte do Concello ata a 16 ou 17 km, isto xunto cunha media de idade elevada da poboación, fai que teñan dificultades evidentes para desprazarse.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento galego insta a Xunta de Galiza a manter aberto o consultorio de Currelos e a dotalo do persoal necesario para manter os servizos sanitarios achegados á poboación para dar por cumpridos os principios de accesibilidade, igualdade e equidade na asistencia necesaria.

Así mesmo, manterá o Centro de Saúde do que depende este consultorio coa dotación de persoal precisa máis alá do número de TIS, senón tamén terá en conta a dispersión xeográfica e o rango etario da poboación.”

Santiago de Compostela, 27 de outubro de 2020

Asdo.: **Carmen Aira Díaz**

**Iria Carreira Pazos**

**Montserrat Prado Cores**

Deputadas do G.P. do BNG

**Olalla Rodil Fernández**

Viceportavoz do G.P. do BNG





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

**Asinado dixitalmente por:**

**María del Carmen Aira Díaz na data 27/10/2020 12:00:43**

**Iria Carreira Pazos na data 27/10/2020 12:00:54**

**María Montserrat Prado Cores na data 27/10/2020 12:01:06**

**Olalla Rodil Fernández na data 27/10/2020 12:01:14**



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada, Luís Manuel Álvarez Martínez e Noa Díaz Varela, a través do portavoz e ao abeiro do disposto no artigo 160 do Regulamento da Cámara presenta ante esa mesa a seguinte proposición non de lei para o seu debate na Comisión 4<sup>a</sup>.

A Consellería de Cultura, Educación e Universidade creou o denominado Comité Educativo, como máximo órgano asesor do Goberno galego en materia educativa no contexto da pandemia da covid-19.

O dito Comité Educativo, segundo a propia consellaría, está traballando nunha proposta para crear comisións provinciais de seguimento ante posibles situacións de absentismo con orixe na covid-19.

A dita decisión tómase logo da constatación da existencia dun número elevado de casos na Comunidade Autónoma de Galicia de nais e pais de alumnos que demandan unha ensinanza non presencial pola existencia nos propios alumnos ou en persoas convivintes de patoloxías previas nas que o contaxio da covid-19 puidera representar un risco severo de agravamento ou mesmo ter consecuencias letais.

Segundo se traslada a través da propia páxina *web* da consellaría, estase a traballar en liña coas recomendacións da Avogacía do Estado e tamén atendendo as demandas dos propios centros.

O informe da Avogacía do Estado ao que se fai referencia realizado a petición da Subsecretaría de Educación e Formación Profesional sobre o movemento de pais que se negaban a levar aos seus fillos en idade escolar obrigatoria ao comezo do curso, como consecuencia da pandemia provocada pola covid-19, conclúe que:

1. A actual situación de pandemia non ampara, *per se*, a conduta dos pais e nais que decidan que os seus fillos non asistan a clase por temor ao contaxio. A obrigaón de asistencia a clase ten carácter xeral, tendo en conta de que o lexislador estableceu a escolarización obrigatoria no ensino básico como forma de facer efectivo o dereito fundamental de todos ao ensino, de conformidade co artigo 27 da Constitución.



2. Sen prexuízo do anterior, só cabe apreciar absentismo escolar cando a inasistencia a clase non estea xustificada. Por iso, deberá valorarse, tanto polos centros docentes como polas autoridades competentes, a situación particular de cada menor, por razóns de saúde, tanto do menor como dos seus familiares convivintes, así como a situación de evolución epidemiolóxica no momento que se trate. Estas circunstancias poden constituír unha causa de xustificación do absentismo.

Por razóns que nos son alleas, parece obviar deliberadamente a nova publicada pola consellaría na súa páxina *web* o día 20 de outubro de 2020 que a Valedora do Pobo lle remitiu unha recomendación o día 6 de outubro de 2020, que se fixo sobre a existencia de 64 expedientes de queixa que formulaban a petición de docencia *en liña* por situacións como as que nos estamos a referir, é dicir, pola existencia nos propios alumnos ou en persoas convivintes de patoloxías previas nas que o contaxio da covid-19 puidese representar un risco severo de agravamento ou mesmo ter consecuencias letais.

Esa recomendación propón que cando se acredite nos correspondentes informes médicos a existencia dunha patoloxía de risco no alumno ou nos familiares cos que conviva, e así se solicite polos representantes legais do alumnado afectado, a Consellería de Cultura, Educación e Universidade adopte as medidas de educación a distancia previstas con carácter xeral mediante as aulas virtuais, así como respecto do alumnado que parcialmente estea en situación de corentena cando non exista suspensión de actividade presencial no conxunto da aula.

En resumo, parecen existir elementos suficientes para que a Consellería de Cultura, Educación e Universidade dite instrucións aclaratorias para a aplicación nestes supostos do establecido no Protocolo educativo para a prevención e o control do absentismo escolar en Galicia, que lembremos que define o absentismo como a ausencia ao centro escolar sen causa debidamente xustificada do alumnado en idade de escolarización obrigatoria, pero que á súa vez, no seu apartado 2.4.1 establece que teñen a consideración de faltas xustificables unha serie de tipoloxías, engadindo no punto 2 dese mesmo apartado que quedará a criterio da dirección do centro educativo a consideración das excepcionais circunstancias que concorran para a súa xustificación ou non, para outras causas distintas das enunciadas no punto 1.

Entendemos que o protocolo ten flexibilidade suficiente para a súa aplicación nos supostos que nos ocupan e que non é necesario dilatar a adopción de solucións encargando ao Comité Educativo a creación de comités provinciais para analizar



unha situación que require unha resposta inmediata e que se pode dar cunhas instrucións claras aos centros que garantan un tratamento uniforme dos casos.

Por iso o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta o Goberno galego a ditar, de xeito inmediato, instrucións aclaratorias aos centros educativos para a aplicación, por parte das direccións dos centros, da existencia de circunstancias excepcionais para a consideración de faltas xustificadas naqueles casos nos que os propios alumnos ou en persoas convivintes estean afectados por patoloxías previas nas que o contaxio da Covid-19 puidese representar un risco severo de agravamento ou mesmo ter consecuencias letais.

Pazo do Parlamento, 27 de outubro de 2020

**Asinado dixitalmente por:**

**Luis Manuel Álvarez Martínez na data 27/10/2020 11:53:29**

**Noa Susana Díaz Varela na data 27/10/2020 11:53:47**

**Gonzalo Caballero Míguez na data 27/10/2020 11:54:04**



## Á Mesa do Parlamento

O Grupo Parlamentario Popular de Galicia a través do seu Portavoz e por iniciativa dos deputados e deputadas **Martin Fernández Prado, Diego Calvo Pouso, Ovidio Rodeiro Tato, Ramón Carballo Páez, Marisol Díaz Mouteira, Ruben Lorenzo Gómez, José Manuel Balseiro Orol, Jesús Vázquez Almuíña e Daniel Vega Pérez** ao abeiro do disposto no artigo 160 e concordantes do Regulamento da Cámara, presenta ante esta Mesa a seguinte **proposición non de lei para o seu debate en Comisión 2ª Ordenación Territorial, Obras Públicas, Medio Ambiente e Servicios.**

### Exposición de motivos:

Dende o Grupo Parlamentario Popular constatamos con preocupación como proxectos dependentes do Estado, de gran relevancia para o crecemento e desenvolvemento económico da cidade da Coruña e a súa área de influencia, estanse a dilatar no tempo sen que se coñezan avances no seu impulso e tramitación.

Algunhas infraestruturas, de feito, están a ser obxecto de continuas modificacións, tanto no que respecta ás peculiaridades do seu proxecto construtivo, como ao importe do orzamento consignado, ou mesmo aos prazos previstos para a súa realización.

A estación intermodal, a ampliación da avenida Alfonso Molina, a dragaxe da ría do Burgo, a conexión ferroviaria do porto exterior de Langosteira, o Vial 18, a ampliación da ponte da Pasaxe son algunhas das infraestruturas, reiteradamente demandadas e de gran relevancia para a cidadanía, que levan acumulados importantes retrasos na súa execución.

E é por iso que O Grupo Parlamentario Popular de Galicia presentamos esta proposición non de lei para o seu debate en Comisión:

“O Parlamento insta á Xunta de Galicia a esixir ao Goberno de España información pormenorizada sobre os prazos de execución e investimento das infraestruturas que ten pendentes de executar na Coruña facendo referencia con carácter prioritario:

á estación intermodal,

á ampliación da Ponte da Pasaxe,

á instalación da pasarela en Pedralonga,



á Cuarta Rolda.

á mellora do tren entre A Coruña e Ferrol e entre A Coruña e Lugo,

á ampliación da superficie da terminal e a instalación de dous novos fingers no aeroporto de Alvedro,

a ampliación da avenida Alfonso Molina,

a conexión ferroviaria do porto exterior de Langosteira,

a dragaxe da ría do Burgo e o Vial 18,

e que evalúe a posibilidade de solicitar financiación á Unión Europea para a súa financiación con fondos Next Generation”.

Santiago de Compostela, 27 de outubro de 2020.

**Asinado dixitalmente por:**

**Pedro Puy Fraga na data 27/10/2020 17:23:18**

Parlamento de Galicia. Rúa Hórreo, 63 | 15701 Santiago de Compostela | Tel. 981 551 519/20

[gp-pp@parlamentodegalicia.gal](mailto:gp-pp@parlamentodegalicia.gal)





**Martín Fernández Prado na data 27/10/2020 17:23:28**

**Diego Calvo Pouso na data 27/10/2020 17:23:42**

**Ovidio Rodeiro Tato na data 27/10/2020 17:24:12**

**Ramón Carballo Páez na data 27/10/2020 17:24:25**

**María Sol Díaz Mouteira na data 27/10/2020 17:24:43**

**José Manuel Balseiro Orol na data 27/10/2020 17:24:56**

**Jesús Vázquez Almuíña na data 27/10/2020 17:25:09**

**Daniel Vega Pérez na data 27/10/2020 17:25:35**

**Rubén Lorenzo Gómez na data 27/10/2020 17:26:04**

Parlamento de Galicia. Rúa Hórreo, 63 | 15701 Santiago de Compostela | Tel. 981 551 519/20

[gp-pp@parlamentodegalicia.gal](mailto:gp-pp@parlamentodegalicia.gal)

 [@gppgalicia](https://www.facebook.com/gppgalicia)

 [@GrupoPopularGal](https://twitter.com/GrupoPopularGal)



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada, Martín Seco García e Leticia Gallego Sanromán, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 6ª.

O presidente da Xunta de Galicia, Alberto Núñez Feijóo, nun foro con empresarios creado como escaparate publicitario, anunciaba os catro proxectos tractores e os tres plans transversais cos que o Goberno galego pretende optar ao fondo europeo de recuperación trala covid-19. Falábase nese anuncio do investimento de 3.200 millóns de euros e a creación de 18.000 postos de traballo.

Entre os catro proxectos tractores, enumeraba, a implantación dun centro para o impulso da economía circular, que incluía un centro de xeración de biogás e unha planta de fertilizantes, a creación dun centro de fabricación de fibras téxtiles sostibles a partir da madeira, a instalación dunha planta de produción de hidróxeno verde e a instalación de 1.000 MW de nova potencia eléctrica en renovables, para cubrir as necesidades enerxéticas dos tres proxectos anteriores.

Os tres plans transversais, anunciados para apuntalar o desenvolvemento dos proxectos principais eran, cadeas loxísticas sustentables para o transporte, un centro de innovación en tecnoloxías renovables de hidróxeno e un laboratorio dixital para profundar nos sistemas 4.0.

Estes proxectos tractores e plans transversais, foron comunicados aos medios de comunicación o 15 de outubro, cando a anunciada Comisión Interdepartamental para promover e planificar os proxectos cos que Galicia optará a ser beneficiario dos fondos europeos, botara a andar dous días antes. A dita comisión anunciouse que será a encargada de validar os proxectos e a xestión administrativa corresponderalle a unha nova unidade de proxectos tractores dentro do Igape, entidade que demostrou ata o momento unha falla de operatividade na xestión e pouco útil como instrumento válido para actuar fronte a crise industrial que padece Galicia dende hai anos.

O Parlamento de Galicia, non tivo, nin ten a día de hoxe información sobre as ditas iniciativas, nunha falla de respecto do Goberno da Xunta de Galicia á cidadanía galega, pero tampouco se trataron os ditos proxectos cos axentes sociais e sectores implicados neste desenrolo. Así que carecemos de máis



información que os titulares dados aos medios de comunicación e un suposto investimento e xeración de postos de traballo que non podemos valorar, sen coñecer os proxectos anunciados.

Galicia, despois de 12 anos do actual Goberno da Xunta de Galicia, incapaz para desenvolver o noso tecido industrial e cunha política económica marcada pola pasividade, que causou unha constante perda de peso do noso país no conxunto da economía estatal, un avellentamento da nosa sociedade e unha fuxida da nosa xuventude cualificada cara ao exterior, xógase moito con estes fondos europeos, que poderían supoñer un relanzamento ou un estancamento que non podemos permitirnos.

A inmensa oportunidade xerada pola consecución destes fondos europeos para a reconstrución, por parte do Goberno do Estado, debería de se tratar máis profundamente, entre os sectores afectados e a sociedade, tendo en conta que Galicia necesita dunha transformación da súa economía, despois do fracaso destes 12 anos de goberno, cunha política económica errática e sen un estudo e posta en valor das nosas capacidades, que xerou a perda dunha alta porcentaxe de fondos que podían chegar de Europa, derivada da falla de aplicación dos diferentes programas europeos.

Polo anteriormente exposto o Grupo Parlamentario Socialista presenta a seguinte proposición non de lei:

O Parlamento de Galicia insta o Goberno galego a constituír de inmediato unha mesa de traballo, cos axentes sociais, económicos, investigadores e universidades, na que se propoñan, estudien e trasladen ao Goberno do Estado, os proxectos que opten aos fondos de reconstrución da UE.

Pazo do Parlamento, 27 de outubro de 2020

**Asinado dixitalmente por:**

**Martín Seco García na data 27/10/2020 17:25:18**

**María Leticia Gallego Sanromán na data 27/10/2020 17:25:38**





**Gonzalo Caballero Míguez na data 27/10/2020 17:25:51**



## Á mesa do Parlamento

O Grupo Parlamentario Popular de Galicia a través do seu Portavoz e por iniciativa dos deputados e deputadas **Teresa Egerique Mosquera, Corina Porro Martinez, Martín Fernández Prado, Ramón Carballo Páez, Marisol Díaz Mouteira, Rubén Lorenzo Gómez, José Manuel Balseiro Orol, Daniel Vega Pérez e Jesús Vázquez Almuíña**, ao abeiro do disposto no artigo 160 e concordantes do Regulamento da Cámara, presenta ante esta Mesa a seguinte proposición non de lei para o seu debate **Comisión 2º Ordenación Territorial, Obras Públicas, Medio Ambiente e Servicios**.

## Exposición de motivos

Dende o Grupo Parlamentario Popular constatamos con preocupación como proxectos dependentes do Goberno do Estado, de gran relevancia para o crecemento e desenvolvemento económico da cidade de Vigo e a súa área de influencia estanse a dilatar no tempo sen que se coñezan avances no seu impulso e tramitación.

Algunhas infraestruturas, de feito, están a ser obxecto de continuas modificacións, tanto no que respecta ás peculiaridades do seu proxecto construtivo, como ao importe do orzamento consignado, ou mesmo aos prazos previstos para a súa realización.

A Saída Sur de Vigo e a conexión do porto de Bouzas; o AVE Vigo-Porto ou o Ave por Cerdedo, en materia ferroviaria; a reforma da Avenida de Madrid, a conversión en vía urbana do tramo da AP-9 que discorre pola cidade olívica, a nova autovía entre Vigo e O Porriño, en materia de infraestruturas viarias, e o establecemento de medidas compensatorias para os veciños da Chapela, en Redondela, polas obras de ampliación da AP-9, e a liberación da peaxe de Redondela; xunto co abastecemento de auga son algunhas destas actuacións pendentes.

E é por iso que presentamos esta proposición non de lei para o seu debate en comisión:

“O Parlamento insta á Xunta de Galicia a:

1.- Esixir do Goberno de España información pormenorizada sobre os prazos de execución, o impulso e o investimento previsto de infraestruturas de competencia estatal de gran relevancia para Vigo como:



-a Saída Sur, a conexión do porto de Bouzas, o AVE Vigo-Porto ou o AVE por Cerdedo, en materia ferroviaria.

-a reforma da Avenida de Madrid, a conversión en vía urbana do tramo da AP-9 que discorre pola cidade olívica, a autovía Vigo-O Porriño e o establecemento de medidas compensatorias para os veciños da Chapela, polas obras de ampliación da AP-9, así como a liberación da peaxe de Redondela, en canto a infraestruturas viarias.

-a solución para garantir o abastecemento de auga a Vigo e que esa actuación sexa declarada de Interese Xeral do Estado en Galicia.

2.- Reclamar do Goberno español o impulso destas infraestruturas estratéxicas para Vigo e a súa área de influencia con cargo ao Fondo de Reconstrución da Unión Europea Next Generation”.

Santiago de Compostela, 27 de outubro 2020.

**Asinado dixitalmente por:**

**Pedro Puy Fraga na data 27/10/2020 17:38:21**

Parlamento de Galicia. Rúa Hórreo, 63 | 15701 Santiago de Compostela | Tel. 981 551 519/20

[gp-pp@parlamentodegalicia.gal](mailto:gp-pp@parlamentodegalicia.gal)

@gppgalicia

@GrupoPopularGal



**Teresa Egerique Mosquera na data 27/10/2020 17:38:40**

**María Corina Porro Martínez na data 27/10/2020 17:38:48**

**Martín Fernández Prado na data 27/10/2020 17:38:58**

**Ramón Carballo Páez na data 27/10/2020 17:40:02**

**María Sol Díaz Mouteira na data 27/10/2020 17:41:02**

**Rubén Lorenzo Gómez na data 27/10/2020 17:41:19**

**José Manuel Balseiro Orol na data 27/10/2020 17:41:30**

**Daniel Vega Pérez na data 27/10/2020 17:41:43**

**Jesús Vázquez Almuíña na data 27/10/2020 17:42:10**



## Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **Carmen Rodríguez Dacosta, Noa Díaz Varela e Luís Manuel Álvarez Martínez**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 4.ª, Educación e Cultura**.

### Exposición de motivos

Sabido é por todas e todos que un simple signo ortográfico, sexa unha humilde coma ou ben un modesto acento poden modificar completamente o que queriamos expresar e levar á equivocación á quen vai dirixido.

Os pensamentos que materializamos tanto nun soporte físico coma de xeito oral están construídos con palabras. De aí que a novelista e membro da Real Academia Española Ana María Matute dixera que: *“A palabra é a arma dos humanos para aproximarse uns aos outros”*.

Mais coma en todas as actividades do ser humano sempre pode xurdir, producirse un problema voluntario ou involuntario. Unha letra omitida ou mal colocadas pode tirar por terra aquilo que queremos expor.

Isto é o que lle acontece á veciñanza dun concello de Ourense, que ve como o Nomenclátor de Galicia recolle incorrectamente “A Terrachá”, cando o Seminario de Onomástica da Real Academia Galega propón “A Terrachán” sobre o topónimo de Entrimo.

O Seminario de Onomástica da Real Academia, que na actualidade asume as funcións de ponencia de Estudos da Comisión de Toponimia, encargadas de ditaminar as formas correctas da toponimia galega, revisou xa no ano 2014 o topónimo e corrixiu o erro.

Este cambio foi trasladado xa hai tempo a Xunta de Galicia, que é a que ten a autoridade sobre a toponimia e que ten que aprobar as modificacións do Nomenclátor por decreto.





Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a que actualice o Nomenclátor oficial cos topónimos corrixidos pola ponencia de estudos para a Comisión da toponimia revisado no 2014 e que se habilite un espazo web que rexistre as correccións de erros detectados na nosa toponimia para coñecemento de toda a cidadanía.

Pazo do Parlamento, 27 de outubro do 2020

Asdo.: Carmen Rodríguez Dacosta  
Noa Díaz Varela  
Luís Manuel Álvarez Martínez  
Deputadas e deputado do G.P. dos Socialistas de Galicia

Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**María del Carmen Rodríguez Dacosta na data 27/10/2020 18:28:18**

**Noa Susana Díaz Varela na data 27/10/2020 18:28:26**

**Luis Manuel Álvarez Martínez na data 27/10/2020 18:28:35**

**Gonzalo Caballero Míguez na data 27/10/2020 18:28:51**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa dos deputados e deputada **Luis Bará Torres, Ramón Fernández Alfonso, Paulo Ríos Santomé e Alexandra Fernández Gómez**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 2ª**, sobre a situación do río Eume.

### EXPOSICIÓN DE MOTIVOS

O recente episodio de turbidez e contaminación do río Eume, que entre outras consecuencias provocou a interrupción do subministro de auga a Pontedeume, é tan só a punta do iceberg dun grave problema ambiental que sofre este río e a súa bacía debido principalmente á contaminación provocada pola actividade de ENDESA, unha situación que se foi agravando ao longo dos anos coa pasividade cando non convivencia da Xunta de Galiza.

Se ben o goberno galego agora semella reaccionar con rapidez e mesmo con unha aparente contundencia, anunciando tanto investimentos na mellora do abastecemento como á apertura dun expediente sancionador e un plan de seguimento sobre o estado do río, a realidade é que foi o goberno galego quen ao longo dos anos permitiu a degradación, a contaminación e o deterioro do río e do encoro da Capela, que explota a empresa Endesa baixo o réxime de concesión.

A grande acumulación de lodos no citado encoro e a enorme cantidade de depósitos de residuos ao longo do leito do río, co lixiviado de augas contaminadas, pon de relevo un problema ambiental de grande magnitude, que foi denunciado desde fai





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

tempo por organizacións ecoloxistas e que saíu á luz nas últimas semanas a raíz da forte baixada do nivel das augas do encoro.

Con respecto aos antecedentes deste grave problema ambiental compre salientar os seguintes:

- A Xunta de Galiza asinou senllos pactos ambientais coa empresa ENDESA, nos anos 2005 e 2012, que supostamente prevían actuacións de mellora ambiental no río.

- O convenio de 2012 prevía a modernización das infraestruturas hidroeléctricas para a “recuperación ambiental do río Eume”. Neste marco incluía unha actuación denominada “Proxecto de modernización dos desaugadoiros do fondo da presa do Eume”, coa retirada de 1.350 m<sup>3</sup> de lodos e sedimentos, actuación que tiña un orzamento previsto de 5.784.653 euros e que supostamente podería estar relacionada co último episodio de contaminación e turbidez. No seu día, a asociación ecoloxista ADEGA advertiu dos riscos desta actuación e da necesidade de caracterizar estes sedimentos polo seu potencial contaminante para a saúde e o medio.

- Tanto ADEGA como EMS-Ríos e o colectivo ecoloxista Terra advertiron ao longo da pasada década da grave situación ambiental do río e da necesidade de realizar análíticas e mostraxes suficientemente representativas ao longo de toda a canle do Eume e na ría, incluído a monitorización de bivalvos dos bancos marisqueiros.

- A Xunta de Galiza iniciou en novembro de 2012 a redacción do Plan Territorial Integrado da conca do Eume, co obxectivo de facer unha análise coordinada e transversal das políticas da Xunta na conca do Eume, con 55 km<sup>2</sup> de superficie. Os concellos incluídos dentro do ámbito do Plan Territorial Integrado eran Pontedeume, Cabanas, Vilarmador, A Capela, Monfero, Irixoa, Aranga, As Somozas e As Pontes na



provincia da Coruña; e Guitiriz, Xermade, Muras, Vilalba e Abadín na provincia de Lugo. O Plan debería ser formulado e impulsado pola Consellaría de Medio Ambiente, coa dirección conxunta do Instituto de Estudos do Territorio e do organismo autónomo Augas de Galicia, mais a realidade é que nunca foi realizado.

- Tampouco viu nunca a luz o Plan Reitor de Uso e Xestión do parque natural das Fragas do Eume, malia que súa elaboración e aprobación foi anunciada en varias ocasións ao longo da última década.

O pasado 19 de outubro o grupo parlamentar do BNG solicitou ao goberno galego, ao abeiro do artigo 9 do regulamento do parlamento, a documentación sobre as actuacións realizadas no marco do Pacto Ambiental, así como todos os contratos relacionados coa contaminación do Eume.

Asemade, diante da extrema gravidade da situación, nesa mesma data, o grupo parlamentar do BNG solicitou a comparecencia en Pleno das conselleiras de Medio Ambiente e de Infraestruturas, así como as comparecencias na comisión de medio ambiente da Directora Xeral de Conservación da Natureza, da Directora Xeral de Calidade Ambiental e da Directora de Augas de Galicia.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 2ª:

“O Parlamento galego insta a Xunta de Galiza a:

1. Realizar unha investigación e unha auditoría independente, coa colaboración do sistema universitario galego, sobre a contaminación do río Eume que inclúa:





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

- a análise e caracterización exhaustiva dos sedimentos depositados no leito do río que quedaron ao descuberto como consecuencia da forte baixada do nivel das augas do encoro da Capela;

- a análise e caracterización dos escoamentos e lixiviados nestas zonas de acumulación de depósitos;

- a análise e caracterización dos lodos e sedimentos acumulados no fondo da presa, e os seus riscos potenciais para o medio e a saúde;

- o desenvolvemento do “Proxecto de modernización dos desaugadoiros do fondo da presa”, así como todas as actuacións, estudos e análises relacionados con este proxecto, incluíndo a posíbel afección augas abaixo deste punto;

- o estudo e seguimento da posíbel afección aos bancos marisqueiros e aos recursos pesqueiros do río e da ría;

- outros impactos sobre o leito e a bacía do Eume, provocados por infraestruturas, obras, actividades industriais, verteduras, alteracións no terreo e na vexetación, etc.

2. Como consecuencia da anterior auditoría, desenvolver un Plan plurianual de mellora, descontaminación, recuperación ambiental, rexeneración e dinamización do río Eume e a súa bacía, contando tanto para a súa elaboración como para o desenvolvemento do mesmo coa participación da Deputación da Coruña e dos concellos, e esixindo á empresa ENDESA as compensacións económicas derivadas dos impactos negativos sobre o río da súa actividade industrial contaminante e da xestión da presa e da central hidroeléctrica.”





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Santiago de Compostela, 28 de outubro de 2020

Asdo.: **Ramón Fernández Alfonso**

**Alexandra Fernández Gómez**

**Paulo Ríos Santomé**

Deputada e deputado do G.P. do BNG

**Luis Bará Torres**

Viceportavoz do G.P. do BNG

**Asinado dixitalmente por:**

**Ramón Fernández Alfonso na data 28/10/2020 12:32:29**

**Alexandra Fernández Gómez na data 28/10/2020 12:32:42**

**Paulo Ríos Santomé na data 28/10/2020 12:32:51**

**Xosé Luis Bará Torres na data 28/10/2020 12:32:58**



## Á Mesa do Parlamento

O Grupo Parlamentario dos Socialistas de Galicia, por iniciativa da súa deputada e do seu deputado, **Marina Ortega Otero e Julio Torrado Quintela**, a través do seu portavoz, e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei en Comisión 5.<sup>a</sup>, Sanidade, Política Social e Emprego**.

### Exposición de motivos

No ano 2006 o Goberno socialista crea a *Lei de promoción da autonomía persoal e atención ás persoas en situación de dependencia*, máis coñecida coma “Lei de dependencia”. Trátase dunha lei que transforma unha realidade silenciada para dar solución aos coidados básicos da vida diaria en casos de persoas cunha dependencia. Tratouse dun dos piares máis importantes dos avances na igualdade de oportunidades e nas políticas sociais da historia recente do noso país.

Lamentablemente nos anos de Goberno do Partido Popular no Estado, así coma nos últimos 11 anos na Xunta de Galicia, fixeron que esta lei sufrira recortes que a mudarían por completo. Os prazos que a Lei establece son 3 meses para a resolución de grao e outros tres meses para a resolución do PIA, ou o que é o mesmo 180 días como máximo.

En Galicia estamos lonxe de cumprir os prazos que por lei se establecen, polo que moitas persoas permanecen en agarda a que cheguen as súas resolucións sen percibir a libranza ou servizo que precisan e ao cal teñen dereito. De feito Galicia, atópase entre as dez comunidades autónomas con maiores tempos de agarda de toda España.

Ademais Galicia é a segunda comunidade autónoma que menos inviste por habitante de toda España e a que máis porcentaxe percibe por parte do Estado en canto a dependencia.

A partir do 2012 a chamada Lei de dependencia sufriu recortes a través do Estado e a Xunta de Galicia cando en ambos gobernos coincidía o Partido Popular. A libranza de coidados na contorna familiar principal axuda da Lei de dependencia ata entón, foi recortada polo Goberno do PP tanto nas contías das que xa estaban resoltas, coma na posibilidade de acceso á mesma por parte de novos expedientes. O recorte nesta axuda afectou a aquelas persoas que máis



grao e dependencia tiñan, os graos III, coma enfermidades dexenerativas e outras nas que a forma de vida depende en exclusiva da figura do coidador/a.

Ademais atopámonos inmersos nun momento moi complexo no contexto da pandemia motivada pola Covid-19, que agravaba a situación moito máis se cabe. Persoas dependentes, das cales moitas continúan o confinamento nas súas casas, e outras moitas con graos II e III que xa o facían de xeito habitual debido as circunstancias, que non só precisan dun familiar como coidador, senón que o propio familiar que exerce como tal, limita a súa actividade laboral e posibilidades profesionais, o cal xa é complexo *per se*, e que neste contexto de crise socio-económica motivada pola pandemia agravará máis aínda a situación.

Por todo elo é urxente que dende Galicia se aporten respostas e solucións a unha realidade silenciada, con recursos para atallar a situación coa maior celeridade posible.

Polo exposto, o Grupo o Parlamentario dos Socialistas de Galicia, presenta a seguinte Proposición non de lei

“O Parlamento de Galicia insta a Xunta de Galicia a que axilice os trámites da dependencia mediante persoal nos EVD e que reforce e impulse a libranza por coidados na contorna familiar, fomentando a igualdade nos coidados e a profesionalización do servizo mediante a formación dos/as coidadores/as.”

Pazo do Parlamento, 27 de outubro de 2020

Asdo.: Marina Ortega Otero  
Julio Torrado Quintela  
Deputada e deputado do G.P. dos Socialistas de Galicia  
Asdo.: Gonzalo Caballero Miguez  
Portavoz do G.P. dos Socialistas de Galicia

**Asinado dixitalmente por:**

**Marina Ortega Otero na data 28/10/2020 12:08:55**

**Julio Torrado Quintela na data 28/10/2020 12:09:11**







PARLAMENTO DE GALICIA  
REXISTRO XERAL ENTRADA  
Data asento: 28/10/2020 13:34:16  
Nº Rexistro: 4334  
Data envío: 28/10/2020 13:34:16.396

**Gonzalo Caballero Míguez na data 28/10/2020 12:09:23**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

CSV: BOPGDSPGCa93PeqAb7  
Verificación:  
<https://sede.parlamentodegalicia.gal/tramites/csv/>



## Á Mesa do Parlamento

**O Grupo Parlamentario dos Socialistas de Galicia**, por iniciativa da súa deputadas e do seu deputado, **Marina Ortega Otero, Paloma Castro Rey e Julio Torrado Quintela**, a través do seu portavoz, e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei en Comisión 5.<sup>a</sup>, Sanidade, Política Social e Emprego.**

### Exposición de motivos

En Galicia, existen actualmente (27/10/20) 7.074 casos activos por Covid-19 e continúan empeorando todas as áreas sanitarias, situación preocupante tendo en conta que o número de probas PCR descenderon notablemente nos últimos días.

O total de falecementos dende que deu comezo a pandemia é de 880 persoas. O impacto da pandemia está tomando o eido da atención residencial coma diana con 587 contaxios por Covid-19 en residencias e 383 falecementos neste contexto.

Achegámonos á metade do total de falecementos por coronavirus desta pandemia no contexto residencial.

Nas últimas horas estamos a coñecer os peores datos da pandemia en Galicia ata o momento.

Os centros de atención residencial configuran o núcleo máis vulnerable neste contexto, polo que se precisan parámetros claros e obxectivos na forma de actuar.

Na segunda onda da pandemia xa son moitas as residencias están a sufrir contaxios masivos e de xeito abrupto, coma O Incio, Culleredo, Outeiro de Rei, a residencia de Pereiro, o de Val de Monterrei, e Nosa Señora do Viso en Lobeira, DomusVi Ribadumia, así coma o centro residencial é de xestión pública directa, dependente da Consellería de Política Social, na residencia Nosa Señora dos Miragres en Barbadás, entre outros.

Hoxe coñeceuse un novo centro residencial foco dun contaxio masivo, en concreto a Xunta de Galicia vén de intervir a residencia xeriátrica Salvaterra, radicada no municipio de Salvaterra de Miño. Segundo informou a Xunta, un equipo de profesionais sanitarios do Servizo Galego de Saúde está xa



desprazado no centro. A medida de intervir a residencia adóptase despois de contabilizar 110 positivos por coronavirus (84 residentes e 26 profesionais).

É urxente coñecer os antecedentes de actuación da consellería no propio centro antes de aparecer os contaxios. Coñecer se houbo medidas preventivas, e sobre todo, medidas concretas en canto ao incremento do persoal. A actuación da Consellería de Política Social está a fallar na forma de proceder neste contexto, polo que é urxente que se aporte toda a información en sede parlamentaria para dar conta a cidadanía. E como non, esa información debe ser pública e incluír os datos de contaxios por cada centro de atención residencial.

Polo exposto, o Grupo Parlamentario dos Socialistas de Galicia, presenta a seguinte Proposición non de lei:

“O Parlamento de Galicia insta a Xunta de Galicia a que aporte a información en canto aos protocolos adoptados e parámetros obxectivos para a toma de decisión de intervir un centro de atención residencial de maiores unha vez entra no centro o coronavirus Covi-19“.

Pazo do Parlamento, 27 de outubro de 2020

Asdo.: Marina Ortega Otero  
Paloma Castro Rey  
Julio Torrado Quintela  
Deputadas e deputado do G.P. dos Socialistas de Galicia  
Asdo.: Gonzalo Caballero Miguez  
Portavoz do G.P. dos Socialistas de Galicia

**Asinado dixitalmente por:**

**Marina Ortega Otero na data 28/10/2020 12:10:03**

**Paloma Castro Rey na data 28/10/2020 12:10:19**

**Julio Torrado Quintela na data 28/10/2020 12:10:28**





PARLAMENTO DE GALICIA  
REXISTRO XERAL ENTRADA  
Data asento: 28/10/2020 13:36:10  
**Nº Rexistro: 4340**  
Data envío: 28/10/2020 13:36:10.130

**Gonzalo Caballero Míguez na data 28/10/2020 12:10:39**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

CSV: BOPGDSPGCa93PeqAb7  
Verificación:  
<https://sede.parlamentodegalicia.gal/tramites/csv/>



## A Mesa do Parlamento

O **Grupo Parlamentario Popular de Galicia** a través do seu **Portavoz** e por iniciativa das deputadas e deputados, **Marta Nóvoa Iglesias, Miguel Tellado Filgueira, Borja Vereza Fraiz, José Antonio Armada Pérez, Ovidio Rodeiro Tato, Cristina Sanz Arias e Sandra Vázquez Domínguez**, ao abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **proposición non de lei para o seu debate na Comisión 6ª, Industria, Enerxía, Comercio e Turismo**.

### Exposición de motivos

Segundo informe de Rede Eléctrica de España, Galicia xerou en 2019 un total de 24.845 gigavatios por hora (Gwh), dos que o 65,2% son de orixe renovable, constituíndo un incremento de case o 10% con respecto a 2018 e un máximo histórico dende que existen rexistros. Así pois, a nosa comunidade a é líder dentro de España en produción de enerxía renovable, moi por riba da media española, situada nun 38%, .

Nese liderado en enerxía renovable na nosa comunidade, é imprescindible destacar a contribución do desenvolvemento do sector eólico, acelerado nos último ano grazas á Lei 5/2017, de 19 de outubro, de fomento da implantación de iniciativas empresariais en Galicia, impulsada por este Grupo Parlamentario, que axilizou os trámites para a implantación de parques eólicos e permitiu facer viables en tempo os proxectos galegos que tiveran éxito nas poxas de renovables convocadas en abril de 2017 polo Ministerio de Enerxía, Turismo e Axenda Dixital, sen perder as máximas garantías urbanísticas, técnicas e ambientais.

Como consecuencia disto Galicia incrementou a súa potencia eólica en 2019 en 415MW, tras a instalación de 18 novos parques eólicos, o que se traduciu nun investimento de 509 millóns de euros, creando durante a súa fase de construción preto de 2.400 empregos.

Así pois, os datos publicados recentemente por Rede Eléctrica sobre a xeración eléctrica renovable do primeiro semestre desta ano, evidencia que a eólica rexistra un incremento anual do 20,7%, situándose a súa achega ao mix de xeración se sitúa no 36,7%.



O certo é que, as últimas poxas de enerxía renovable foron convocadas polo Goberno do Partido Popular no ano 2017, e nin en 2018, nin 2019, e polo que vemos tampouco en 2020 son unha prioridade para o Goberno do Partido Socialista en Madrid, a pesar de que dende o Parlamento de Galicia solicitamos ao Goberno central, fai case un ano que convocase novas poxas.

O sector das enerxías renovables está chamado a erixirse nun actor clave na reconstrución económica post pandemia, porque tanto en Galicia e España, como no conxunto de Europa, estase a apostar por plans de transición que teña como un dos seus pilares fundamentas o fomento d enerxía verde.

Por todo o anterior, o Grupo Parlamentario Popular, presenta a seguinte proposición non de lei en Comisión:

“O Parlamento de Galicia insta á Xunta de Galicia a demandar do Goberno central a convocatoria de novas poxas de enerxías renovables para permitir aumentar a potencia eólica instalada en Galicia e, en consecuencia, a produción de enerxías renovables na nosa Comunidade”.

Santiago de Compostela, 28 de outubro de 2020



**Asinado dixitalmente por:**

**Pedro Puy Fraga na data 28/10/2020 13:45:59**

**Marta Nóvoa Iglesias na data 28/10/2020 13:46:15**

**Miguel Ángel Tellado Filgueira na data 28/10/2020 13:46:30**

**Borja Vereza Fraiz na data 28/10/2020 13:46:44**

**José Antonio Armada Pérez na data 28/10/2020 13:46:57**

**Ovidio Rodeiro Tato na data 28/10/2020 13:47:11**

**Cristina Sanz Arias na data 28/10/2020 13:47:25**

**Sandra Vázquez Domínguez na data 28/10/2020 13:47:42**

Parlamento de Galicia. Rúa Hórreo, 63 | 15701 Santiago de Compostela | Tel. 981 551 510

[gp-pp@parlamentodegalicia.gal](mailto:gp-pp@parlamentodegalicia.gal)

 [@gppgalicia](https://www.facebook.com/gppgalicia)

 [@GrupoPopularGal](https://twitter.com/GrupoPopularGal)





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Montserrat Prado Cores, Iria Carreira Pazos e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, relativa á situación de desabastecemento de doses de vacina da gripe

### EXPOSICIÓN DE MOTIVOS

O pasado 13 de outubro empezaba oficialmente a campaña de vacinación da gripe. Previa a esta data por parte da Xunta de Galiza realizouse unha intensa campaña facendo un chamamento á poboación a que se vacinara. Este chamamento foi realizado polos máis altos responsábeis da Consellaría de Sanidade e tamén polo propio Presidente da Xunta, e en consecuencia houbo unha alta resposta da cidadanía demandando ser vacinada.

O principal argumento para este chamamento foi a necesidade de mellorar a inmunidade fronte á gripe nun contexto de pandemia orixinada pola COVID-19 e así minimizar os contaxios e evitar o colapso do sistema sanitario

A Xunta publicitou tamén insistentemente que tiña mercado 617.500 doses ás que se ían engadir as 248.000 que por parte do Goberno español se poñían a disposición da Xunta, sumando en total 865.830 doses

Apenas transcurros uns días desde o inicio da campaña e xa foron múltiples os centros de saúde que se quedaron sen vacinas para atender ás persoas que se lles tiña







OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

dado cita. Diante desta situación é moito o malestar e a preocupación que se está xerando entre a poboación pola falta de previsión e a improvisación coa que está actuando o Sergas. Nun contexto como o actual, de listas de espera para acceder á atención presencial, dificultades para a atención telefónica... é inaceptábel que se sume unha nova incerteza.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento de Galiza insta o Goberno galego a:

1. Realizar todas as accións precisas para conseguir o número de doses precisas da vacina da gripe, para garantir a súa subministración, como mínimo, a todos os colectivos de risco.

2. Que presente no Parlamento, á maior brevidade, un informe da situación da campaña de vacinación da gripe: causas da falta de doses nos centros de saúde, despois de ter feito unha chamada masiva á poboación para que se vacinara, número de doses dispoñíbeis, cronograma real para a disposición de doses, previsión de colectivos e número de persoas aos que se lles vai poder subministrar

3. Levar a cabo unha campaña informativa na que se lle clarifique xs galegxs cales son os colectivos prioritarios para subministrarlles a vacina da gripe e así evitar falsas expectativas na poboación xeral.”

Santiago de Compostela, 28 de outubro de 2020





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Asdo.: Montserrat Prado Cores**

**Iria Carreira Pazos**

Deputadas do G.P. do BNG

**Olalla Rodil Fernández**

Viceportavoz do G.P. do BNG

**Asinado dixitalmente por:**

**María Montserrat Prado Cores na data 28/10/2020 13:53:30**

**Iria Carreira Pazos na data 28/10/2020 13:53:39**

**Olalla Rodil Fernández na data 28/10/2020 13:53:47**



## Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **Leticia Gallego Sanromán, Isaura Abelairas Rodríguez e Martín Seco García**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 6.ª, Industria, Enerxía, Comercio e Turismo**.

### Exposición de motivos

A crise económica xerada a consecuencia da expansión da covid-19 está a supor un forte impacto económico para un dos sectores máis afectado da nosa sociedade como son os recintos feirais.

Fundada en 1998, a Fundación Instituto Feiral de Vigo (Ifevi) ten unha superficie de 100.000 metros cadrados, estruturada en dúas áreas divididas nun Edificio de Servizos, onde se desenvolve a maior parte da actividade dos congresos, e en 30.000 metros cadrados de pavillóns destinados a desenvolverse as feiras e espectáculos. A gran actividade de feiras e congresos, fundamentalmente en sectores tan importantes como o naval e a pesca, é hoxe un xerador constante dun importante volume de negocio para Vigo e para Galicia.

No ano 2019 o Ifevi tivo 441.625 visitantes, 2.763 expositores, 29 eventos e os recursos económicos empregados polo Ifevi foron de 1.840.314 €.

Dende o inicio da crise provocada por covid-19, marzo de 2020, só foi posible celebrar no Ifevi un evento local. A partir desa data o Ifevi non tivo a capacidade de xerar ingresos para poder contribuír ao seu mantemento debido a que non se están a facer ningún tipo de evento. Este recinto dende a súa creación finánciase con recursos propios, recibindo só unha subvención para a promoción comercial.

Esta situación ten como consecuencia que o Ifevi non poden facer fronte aos gastos fixos polo que necesita de forma urxente axudas para salvar a súa liquidez.

A día de hoxe Ifevi non ten ningún tipo de información dende a Xunta de Galicia de canto tempo vai a permanecer pechado, si se está a traballar nalgún plan alternativo para que Ifevi poida abrir e si vai a recibir algún tipo de axudas para os gastos fixos que segue a ter. O Ifevi está nunha situación de total desinformación por parte do Goberno autonómico.



Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:

1. Garantir axudas ao Ifevi para que poida facer fronte aos gastos fixos que segue a ter, a pesar de estar pechado.
2. Redefinir a actividade do Ifevi mentres dure a crise sanitaria provocada pola covid-19.
3. Explicar canto tempo se vai manter pechado o Ifevi e que medidas se van tomar.

Pazo do Parlamento, 28 de outubro do 2020

Asdo.: Leticia Gallego Sanromán  
Isaura Abelairas Rodríguez  
Martín Seco García  
Deputadas e deputado do G.P. dos Socialistas de Galicia

Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**María Leticia Gallego Sanromán na data 28/10/2020 16:39:03**

**María Isaura Abelairas Rodríguez na data 28/10/2020 16:39:09**

**Martín Seco García na data 28/10/2020 16:39:17**

**Gonzalo Caballero Míguez na data 28/10/2020 16:39:29**



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada, Martín Seco García e Leticia Gallego Sanromán, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 6ª.

O Camiño dos Faros é unha ruta de sendeirismo ao borde do mar que discorre dende Malpica ata Fisterra, pasando por todos os faros ao longo dos 200 km nos que atravesamos ata 9 concellos das comarcas de Bergantiños e a Costa da Morte. Nesta ruta, os sendeiristas poden desfrutar de moitas paisaxes diferentes, sempre mirando cara ao mar e cara ao oeste, descubriendo praias, dunas, acantilados, estuarios con gran cantidade de aves, mares de granito, portos pesqueiros, miradoiros, ríos, aldeas, postas de sol e restos arqueolóxicos.

Esta ruta, que está composta de 8 etapas, cunha media de 9 horas por etapa, foi descuberta por catro amigos practicantes de sendeirismo que decidiron limpala e poñela a punto, para que preto duns 15.000 a 20.000 visitantes ao ano desfruten do seu percorrido.

Dende o ano 2012 e pese a non contar co recoñecemento oficial para ser obxecto de promoción por parte das administracións, logrou consolidarse en toda Europa, onde é comercializada por axencias de Inglaterra e Alemaña e aparece en máis de 50 folletos de *touropedores*, esta ruta foi de interese para revistas tan prestixiosas como *Forbes* ou o *Washington Post*, que lle dedicou unha portada, o que fala do éxito acadado pola Asociación sen case recursos, máis que o cariño pola súa afección e a posta en valor do patrimonio da súa terra.

Pese ao *Premio Galicia de Turismo Sostible outorgado polo* Clúster de Turismo de Galicia en colaboración coa Xunta de Galicia, dende a Administración galega foron incapaces de axudar e facilitarlle á Asociación Camiño dos Faros un futuro para a dita ruta.

O Camiño dos Faros, necesita a homologación como Ruta de Gran Recorrido GR para o seu funcionamento, sen homologación non pode existir xestión, nin protocolo de limpeza, nin sinalización, nin seguridade, nin control medioambiental, debe existir un único sendeiro ben sinalizado para protexer o entorno e poñer en valor a Rede Natura.



A Asociación conta co apoio decidido dos 9 concellos polos que transcorre a ruta e axuda no mantemento e limpeza do camiño e foi apoiada pola Deputación da Coruña para financiar o proxecto para a súa homologación, pero atópase nun camiño sen saída por non chegar a dito fin. En maio de 2016 a Xunta de Galicia solicitoulle á Asociación Camiño dos Faros un estudo de impacto ambiental para poder avanzar na homologación, e dende a Asociación contrataron o dito informe a unha empresa, despois de 3 anos de traballo, foi presentado en maio de 2019 e dende aquela, pese a que a lei esixe a contestación en 3 meses, levaban máis de 17 meses esperando a que a Consellería de Medioambiente emita informe ao respecto.

A sensación é que a Xunta de Galicia non facilita a consecución da dita homologación, esencial para o futuro da ruta e hai poucas datas que recibimos a noticia de que a Asociación Camiño dos Faros se desvinculaba da figura de promotor e desistía da homologación, despois dos atrancos atopados.

A veciñanza de Bergantiños e a Costa da Morte, e os concellos que percorre a dita ruta, saben da importancia da ruta e da necesidade de potenciala como un destino turístico e, polo tanto, como unha boa fonte de ingresos para os cidadáns dunha zona abandonada polo Goberno galego.

Por todo o exposto, o Grupo Parlamentario dos Socialistas de Galicia presenta a seguinte proposición non de lei.

O Parlamento de Galicia insta o Goberno galego a constituír unha mesa de traballo coa Deputación da Coruña, os alcaldes dos 9 concellos polos que transcorre o Camiño dos Faros e a CMAT, co obxectivo de conseguir a homologación do camiño como ruta de gran recorrido GR e planificar o futuro dunha actividade de vital importancia para Bergantiños e a Costa da Morte.

Pazo do Parlamento, 28 de outubro de 2020

**Asinado dixitalmente por:**

**Martín Seco García na data 28/10/2020 11:38:56**





**María Leticia Gallego Sanromán na data 28/10/2020 11:39:13**

**Gonzalo Caballero Míguez na data 28/10/2020 11:39:25**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada e deputados **Mercedes Queixas Zas, Manuel Lourenzo Sobral e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, relativa á demanda de información a respecto da posta en marcha do Plan de fomento da Lectura.

### EXPOSICIÓN DE MOTIVOS

A Lei 17/2006, do 27 de decembro, do libro e da lectura de Galiza supuxo un punto de inflexión na posta na cadea de valor do libro e da lectura como instrumentos fundamentais para a difusión do saber, fonte de formación e lecer, garante dunha sociedade libre e democrática.

Un marco legislativo innovador naquela altura que, ademais, atendía o libro e a lectura como instrumentos indispensábeis para a transmisión da cultura e o desenvolvemento da identidade de noso, ao tempo que valoraba a súa importancia no proceso de normalización dos usos sociais e públicos da nosa lingua propia.

Por unha banda, o libro como ben cultural e económico apoiado publicamente consonte a súa condición de dereito cultural de todos os galegos e galegas.

Pola outra, a defensa e a promoción da lectura como ferramentas básicas para o enriquecemento persoal da cidadanía e para o fortalecemento dunha sociedade libre.

A disposición adicional primeira da devandita lei regulaba que a Xunta de Galiza presentaría perante o Parlamento galego *un Plan de fomento da lectura, no que,*







OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

*ademais de se recolleren obxectivos e medidas, se determine unha periodización e o orzamento necesario para o seu desenvolvemento.*

Transcorridos catorce anos da aprobación desta lei, e tras algúns titulares informativos anunciando a próxima presentación dun Plan específico de dinamización da lectura, este segue sen se facer público co que isto implica no apoio real ao conxunto do sector do libro, así como no fomento do hábito lector entre a cidadanía, desde unha perspectiva estratéxica e global.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a dar conta do estado actual do proceso de elaboración e desenvolvemento do Plan de fomento da lectura conforme o disposto na Lei do libro e da lectura.

Asemade, insta a aprobar e formalizar a súa aplicación con carácter de urxencia á vista da excesiva demora no cumprimento do marco legal.”

Santiago de Compostela, 29 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Viceportavoz do G.P. do BNG

**Asinado dixitalmente por:**

**Mercedes Queixas Zas na data 29/10/2020 10:17:05**

**Daniel Castro García na data 29/10/2020 10:17:16**

**Manuel Antonio Lourenzo Sobral na data 29/10/2020 10:17:28**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Montserrat Prado Cores, Iria Carreira Pazos e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, relativa ás accións a realizar para a reactivación presencial e a apertura dos centros de Atención Primaria pechados con motivo da COVID 19.

### EXPOSICIÓN DE MOTIVOS

A pandemia ocasionada polo COVID-19 puxo ao límite o noso sistema sanitario. Puxo en evidencia o preciso que é investir en saúde e as repercusión que ten someter ao sistema sanitario a uns tremendos recortes tanto en termos de recursos económicos como de persoal.

A pandemia orixinada pola Covid-19 colleu á sanidade pública con moitas patoloxías previas, chegou tras anos de recortes e precariedade. Unha folla de ruta letal, de anos de escaseza de investimentos, de medidas destinadas ao seu adelgazamento e deterioro, isto levouna a problemas estruturais de gran envergadura.

Puxo de relevo que a Atención Primaria é chave para garantir a atención sanitaria, a saúde dxs galegx.

Atención Primaria que chega á Pandemia con menos orzamento, 2020 con 142 millóns de euros menos que hai 11 anos, menos profesionais, sen capacidade de decisión...





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Diante da pandemia a Xunta tomou a decisión de reducir drasticamente a asistencia presencial, o peche de algúns centros de saúde e PACs e practicamente a totalidade dos consultorios.

A decisión que tomou o Sergas foi que a atención se centraran case exclusivamente en consulta telefónica, para evitar contaxios tanto dxs profesionais como da poboación.

Isto ocasionou moi graves problemas na prestación da asistencia sanitaria por parte das e dos profesionais e no acceso da poboación á mesma

A Atención Primaria baixo mínimos a pesares de que todas as persoas expertas coinciden en que na loita contra a Covid-19 a Atención Primaria é fundamental. A detección precoz, detectar positivos, identificalxs, illalos, facer rastrexo de contactos... é unha carreira contra o tempo. Unha Atención Primaria baixo mínimos para atender ás persoas contaxiadas por Covid e ao resto das patoloxía, a xente segue enfermado e segue precisando atención sanitaria.

Meses despois do inicio da pandemia é preciso saber cal é a situación, saber cales son os centros que permanecen pechados, cales non teñen reactivado a atención presencial... por estas razóns o Grupo Parlamentar do Bloque Nacionalista Galego presenta a seguinte

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento de Galiza insta o Goberno galego a:





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

1. Presentar un informe coa situación actual dos centros sanitarios de Atención Primaria: número dos que permanecen pechados, volume da atención presencial e da telefónica, reforzos de persoal, cobertura de ausencias dxs profesionais

2. Proceder á activación inmediata da atención presencial nos centros de Atención Primaria, que non se estea realizando, e á apertura dos que permanezan pechados.”

Santiago de Compostela, 29 de outubro de 2020

Asdo.: **Montserrat Prado Cores**

**Iria Carreira Pazos**

Deputadas do G.P. do BNG

**Olalla Rodil Fernández**

Viceportavoz do G.P. do BNG

**Asinado dixitalmente por:**

**María Montserrat Prado Cores na data 29/10/2020 11:02:47**

**Iria Carreira Pazos na data 29/10/2020 11:02:56**





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Olalla Rodil Fernández na data 29/10/2020 11:03:05**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Iria Carreira Pazos, Montserrat Prado Cores e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, sobre a situación das **Urxencias Pediátricas do Complexo Hospitalario Universitario de Santiago de Compostela**.

### EXPOSICIÓN DE MOTIVOS

A actual situación sanitaria obriga tanto individualmente coma de xeito colectivo a asumir todas as medidas precisas para evitar a transmisión do virus SARS-CoV-2 e frear a expansión da pandemia.

Mais fronte a isto, as circunstancias nas que se atopan actualmente as **Urxencias de Pediatría no Complexo Hospitalario Universitario de Santiago de Compostela** non son garante da inexistencia desta transmisión da infección.

A adecuación inicial do espazo para a creación de dous circuítos diferenciados nos que atender ás pacientes dependendo de se presentaban sintomatoloxía sospeitosa de COVID19 ou non, mantense aínda 8 meses máis tarde. Unha división que aínda que poida ser comprensible no primeiro momento de resposta á pandemia, resulta intolerable a estas alturas. Esta compartimentación supón que a “zona sucia” se atope coa inexistencia de medicación dispoñible, dunha sala de observación axeitada e incluso do equipamento para a atención a pacientes críticas. Todos estes procedementos deben levarse a cabo na “zona limpa”, rompendo por tanto o illamento dos circuítos. E do





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

mesmo xeito, a “zona limpa” atópase cun posto de triaxe situado no medio dun corredor e cunha sala de espera noutro corredor diferente.

Asemade, ao longo destes meses tampouco se desenvolveron protocolos de traballo e directrices claras que permitan uns criterios unificados e obxectivos na práctica asistencial, deixando demasiados aspectos á decisión facultativa e podendo chegar a resultar contraditorios entre diferentes profesionais.

Esta situación vén sumarse a unhas circunstancias previas do servizo xa extremadamente precarias. A falta de material ou a súa obsolescencia, así como a falta de persoal agrávanse nesta situación de excepción.

Son varias as denuncias feitas neste aspecto por parte do persoal do servizo, sen recibir en ningún momento unha resposta satisfactoria por parte da Xefatura de servizo nin da Xerencia do Complexo.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento de Galiza insta a Xunta de Galiza a:

1º Realizar as reformas necesarias para adecuar o servizo de Urgencias Pediátricas do CHUS á situación sanitaria da pandemia, garantindo a non comunicación de circuitos e unha asistencia de calidade.

2º Crear protocolos claros, tanto para a atención sanitaria a pacientes con sospeita de infección por SARS-CoV-2 coma para o fluxo de pacientes e profesionais.







OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

3º Dotar ao servizo do material preciso para unha atención de calidade, así como a renovar todo o material obsoleto e desfasado aínda en uso.”

Santiago de Compostela, 29 de outubro de 2020

**Asdo.: Iria Carreira Pazos**  
**Montserrat Prado Cores**  
Deputadas do G.P. do BNG  
**Olalla Rodil Fernández**  
Viceportavoz do G.P. do BNG

**Asinado dixitalmente por:**

**Iria Carreira Pazos na data 29/10/2020 11:35:44**

**María Montserrat Prado Cores na data 29/10/2020 11:35:52**

**Olalla Rodil Fernández na data 29/10/2020 11:36:00**



## Á Mesa do Parlamento

O **Grupo Parlamentario Popular de Galicia**, a través do seu **Portavoz**, e por iniciativa das deputadas e deputados **Encarna Amigo Díaz, Marta Rodríguez-Vispo Rodríguez, Alberto Pazos Couñago, Noelia Pérez López, Elena Suárez Sarmiento, Corina Porro Martínez e Miguel Tellado Filgueira** ao abeiro do disposto no artigo 160 e concordantes do Regulamento da Cámara, presenta ante esa Mesa a seguinte **proposición non de lei para o seu debate na Comisión 5ª, Sanidade, Política Social e Emprego**.

### Exposición de motivos:

A dixitalización foi un dos piares fundamentais da mellora da asistencia sanitaria que ten experimentado Galicia nos últimos anos. A extensión do sistema IANUS de historia clínica electrónica e do sistema de receita electrónica foi un paso de xigante tanto na sistematización da información por parte dos profesionais como na comodidade para o paciente. En 2009, só 3 de cada 1000 receitas se expedían de xeito electrónico. Hoxe practicamente o 100%.

Asemade, impulsouse a e-interconsulta, que permite un diálogo permanente entre a Atención Primaria e Especializada e os distintos servizos hospitalarios, implantáronse no 100% dos centros de saúde solucións de telemedicina e dixitalizouse a imaxe médica xerada no SERGAS, facilitando o acceso de probas como as radiografías desde calquera centro sanitario.

Por outra banda creouse TELEA, unha plataforma de xestión da cronicidade que contribúe a unha atención primaria máis proactiva. En 2019 a porcentaxe de centros que teñen instalado TELEA chegara xa ao 100%, o que sería de vital importancia cando a comezos de 2020 irrompeu a pandemia da covid-19.

Paralelamente, en 2015 púxose en marcha o maior investimento do SERGAS en tecnoloxía: 78,5 M€ a través do Socio Tecnolóxico para a renovación de equipamento. Unha importante aposta técnica ao establecer o maior nivel tecnolóxico posible dentro dos estándares de dotación definidos polo Sergas, mantelo no tempo e adecualo ás necesidades das diferentes tipoloxías de centros sanitarios.

Na anterior lexislatura, os hospitais da Coruña e Vigo estrearon os primeiros quirófanos híbridos. Na actual, os centros hospitalarios precisan de novas melloras para incorporar a tecnoloxía máis punteira e por iso o Partido Popular de Galicia incluíu no seu programa electoral para as eleccións autonómicas de 2020 iniciativas como a incorporación da cirurxía robotizada ou de melloras nas ferramentas de imaxe diagnóstica.

Parlamento de Galicia. Rúa Hórreo, 63 | 15701 Santiago de Compostela | Tel. 981 551 510

gp-pp@parlamentodegalicia.gal

 @gppgalicia

 @GrupoPopularGal



En anteriores ocasións, tanto en debates específicos sobre o tema como nas súas emendas na tramitación das leis de orzamentos, os grupos da oposición sempre expresaron reticencias e desconfianza ao respecto dos fondos que a Xunta e o SERGAS destinaban á modernización tecnolóxica do sistema de saúde galego.

Por iso, e na perspectiva das posibles candidaturas á obtención de fondos estatais e europeos para este punto, o Grupo Parlamentario Popular cre oportuno acadar un acordo parlamentario que dea un mandato á Xunta para priorizar este investimento.

Por todo o exposto, desde este Grupo Parlamentario, presentamos a seguinte proposición non de lei en Comisión:

“O Parlamento de Galicia insta á Xunta de Galicia a desenvolver un procedemento integral de mellora tecnolóxica dos equipos de diagnóstico e dos bloques cirúrxicos destinado á adquisición de tecnoloxía punteira de diagnóstico por imaxe e ecografía así como á instalación de quirófanos intelixentes e robots cirúrxicos que faciliten a realización de técnicas cirúrxicas menos invasivas e de maior precisión”.

Santiago de Compostela, 29 de outubro de 2020



**Asinado dixitalmente por:**

**Pedro Puy Fraga na data 29/10/2020 13:03:01**

**María Encarnación Amigo Díaz na data 29/10/2020 13:03:18**

**Marta Rodríguez Vispo Rodríguez na data 29/10/2020 13:03:38**

**José Alberto Pazos Couñago na data 29/10/2020 13:03:46**

**Noelia Pérez López na data 29/10/2020 13:03:57**

**María Elena Suárez Sarmiento na data 29/10/2020 13:04:12**

**María Corina Porro Martínez na data 29/10/2020 13:04:29**

**Miguel Ángel Tellado Filgueira na data 29/10/2020 13:04:42**

Parlamento de Galicia. Rúa Hórreo, 63 | 15701 Santiago de Compostela | Tel. 981 551 510

[gp-pp@parlamentodegalicia.gal](mailto:gp-pp@parlamentodegalicia.gal)

[@gppgalicia](https://www.facebook.com/gppgalicia)

[@GrupoPopularGal](https://twitter.com/GrupoPopularGal)





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa da deputada e deputados **Mercedes Queixas Zas, Manuel Lourenzo Sobral e Daniel Castro García**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 4ª**, relativa á demanda de actuacións de axuda ao sector cultural galego.

### EXPOSICIÓN DE MOTIVOS

O pasado mes de xullo o Consello da Cultura Galega publicaba o *Barómetro da cultura galega I*, unha radiografía do estado das empresas culturais galegas dende que empezou a crise do coronavirus.

As conclusións deste estudo son argumentos sólidos que reclaman da nosa atención urxente, porque a cultura tamén representa cifras que debemos colocar no punto de mira das gravosas consecuencias da pandemia, ao mesmo nivel doutros sectores produtivos, económicos e de emprego:

1. A pandemia provocou que un 53,8% de empresas estean inactivas.
2. No sector das artes escénicas, que inclúe as actividades de teatro e música, as salas de espectáculos e actividades auxiliares, o 82,4% mantense inactivo.
3. O 38,6% das empresas da cultura solicitaron un ERTE,





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

4. O 60,7% das empresas culturais de Galicia sufriu a raíz da COVID-19 unha redución de máis do 50% da facturación nos primeiros meses do ano. Para o 37,6% esta redución foi mesmo superior ao 75%.

5. Os problemas que deben afrontar os sectores culturais son múltiples: o cesamento ou caída da actividade dos clientes e o conseguinte descenso na demanda (81,5%); o problema de tesouraría (53,1%); a dificultade para pagar impostos e seguros sociais (39,3%); os problemas cos provedores e de distribución (28,7%) e os de financiamento (25,1%). Pechan a listaxe, os derivados das limitacións de cabida (21,8%), a inseguridade xurídica (19,8%) e as dificultades para cubrir os requisitos das medidas de seguridade e hixiene (13,5%).

Consecuentemente, por unha banda, comprobamos que a crise da COVID19 repercutiu con grande impacto no noso ecosistema cultural ao partir dunha situación de enorme febleza e precariedade.

E pola outra, verificamos que as estruturas profesionais da cultura galega - autónomos, micro-pemes e cooperativas sociais na súa gran maioría – están a afrontar un contexto xa non de perda de recursos e ingresos, senón de loita pola propia supervivencia.

Unha realidade que volve verificar agora o Consello da Cultura Galega nun novo informe actualizado e presentado baixo o título *Conxuntura estatística do ámbito cultural. Outubro de 2020*.

As conclusións deste informe recollen que a previsión da evolución do sector cultural nos vindeiros meses para o conxunto do sistema produtivo da cultura é que este sufrirá un impacto máis severo que o conxunto da economía.





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Por todo o exposto, o Grupo Parlamentar do BNG presenta a seguinte proposición non de lei para debate na Comisión 4ª:

“O Parlamento galego insta a Xunta de Galiza a actuar de forma urxente e responsábel presentando un plan de rescate e reactivación do sector cultural galego, coordinado cos sectores e axentes culturais, que axude a facer fronte ao severo impacto da crise económica provocada pola pandemia.”

Santiago de Compostela, 29 de outubro de 2020

Asdo.: **Mercedes Queixas Zas**

**Daniel Castro García**

Deputada e deputado do G.P. do BNG

**Manuel Lourenzo Sobral**

Viceportavoz do G.P. do BNG

**Asinado dixitalmente por:**

**Mercedes Queixas Zas na data 29/10/2020 09:29:28**

**Daniel Castro García na data 29/10/2020 09:29:39**





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

**Manuel Antonio Lourenzo Sobral na data 29/10/2020 09:29:47**





## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado e da súa deputada **Julio Torrado Quintela e Marina Ortega Otero**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 5.ª, Sanidade, Política Social e Emprego**.

### Exposición de motivos

A redución da Atención Primaria a unha asistencia telefónica case na súa totalidade, con escasísimo ou nulo incremento de persoal, está provocando graves problemas de asistencia polas saturacións e sobrecarga asistencial dos profesionais.

Isto está provocando que existan respostas insuficientes, como na campaña da gripe ou na capacidade de atención a crónicos e seguimento de pacientes. Tamén no caso de persoas que necesitan accións tan cotiás como a prolongación da receita dos medicamentos prescritos, e que comprobamos como o sistema informático non ofrece ningunha posibilidade de cita telefónica para renovar a súa prescrición pero que vai terminando as súas doses.

Mentres tanto, non parece existir ningunha conciencia sobre esta dificultade no discurso público da xestión sanitaria, aínda que os profesionais están advertindo dos problemas graves que isto pode causar no desorde que se provocará na atención a pacientes non-covid.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a:

1. Contratar de maneira extraordinaria, dadas as circunstancias, a todos os profesionais de medicina de familia e comunitaria que teña acceso a contactar o Sergas para poder axilizar as labores de asistencia en atención primaria.
2. Retomar, garantindo a seguridade e os circuítos covid – non covid, a atención primaria presencial no sistema público de saúde para poder facilitar o seguimento a pacientes crónicos.



3. Axilizar o sistema de renovación de receitas para medicamentos a pacientes crónicos que os necesitan, e valorar a posibilidade de ampliar os actuais períodos de renovación para evitar novas saturacións nos seguintes ciclos.

Pazo do Parlamento, 29 de outubro do 2020

Asdo.: Julio Torrado Quintela

Marina Ortega Otero

Deputado e deputada do G.P. dos Socialistas de Galicia

Asdo.: Gonzalo Caballero Míguez

Portavoz do G.P. dos Socialistas de Galicia

**Asinado dixitalmente por:**

**Julio Torrado Quintela na data 29/10/2020 16:35:08**

**Marina Ortega Otero na data 29/10/2020 16:35:15**

**Gonzalo Caballero Míguez na data 29/10/2020 16:35:24**



## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado e da súa deputada **Julio Torrado Quintela e Marina Ortega Otero**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei en Comisión 5.ª, Sanidade, Política Social e Emprego**.

### Exposición de motivos

As incertezas e o exceso incontrolado de información redundante e contraditoria que moitas veces circula sobre a pandemia, e os protocolos de actuación que deben seguir as persoas en función dos diferentes casos (positivos, contactos con positivos, etc) está contribuíndo pouco a actuar conforme as recomendacións sanitarias estritas.

Existen numerosas informacións confusas por parte da Xunta de Galicia sobre o que se deben facer ante a aparición de contaxiados por covid-19 en diferentes eidos, como as escolas, o traballo, os contactos familiares ou convivintes. A isto súmase que a xestión da realización e notificación de PCR está sendo errática, con casos de notificacións a persoas que non fixeron a proba pero non información a algunhas que si a fixeron.

A esta confusión contribúen notoriamente as decisións distintas en cada área sanitaria sobre a realización de PCR ou non en función de cada escenario, e a tardía notificación das medidas a tomar. Indiscutiblemente, a falta de claridade sobre o número de rastrexadores existentes en Galicia, que necesitou da axuda do exército para realizar esta labor, e a falta de claridade do Goberno galego sobre as decisións en torno a este perfil despois das contradicións entre Presidencia e Consellería de Sanidade, non son aspectos que axuden a determinar o funcionamento óptimo da xestión do sistema.

Un dos problemas ante a variabilidade de medidas que se toman, e a ausencia de información nítida e unificada sobre as decisións a tomar polos positivos e os contactos, está na falta de certezas na poboación. Esta fai que existe unha menor implicación coas medidas, unha falta de cumprimento por non estar clarexadas e incluso a comisión de erros por parte de poboación que quere seguir as recomendacións pero que non atopa no Sergas unha política informativa clara.



Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Comisión:

O Parlamento galego insta a Xunta de Galicia a

1. Iniciar unha campaña informativa clara, directa e áxil para permitir clarexar á poboación a información sobre os protocolos a seguir nos casos de positivos e contactos con positivos, para facilitar a comprensión do que se debe facer en cada unha das situacións habituais.
2. Unificar os criterios de acción e decisión das áreas sanitarias, para axudar a difundir as necesidades no comportamento poboacional ante positivos e contactos con positivos, de cara a que a cidadanía teña claridade sobre o que facer en cada situación.

Pazo do Parlamento, 29 de outubro do 2020

Asdo.: Julio Torrado Quintela  
Marina Ortega Otero  
Deputado e deputada do G.P. dos Socialistas de Galicia

Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**Julio Torrado Quintela na data 29/10/2020 16:38:29**

**Marina Ortega Otero na data 29/10/2020 16:38:36**

**Gonzalo Caballero Míguez na data 29/10/2020 16:39:36**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa das deputadas **Montserrat Prado Cores, Iria Carreira Pazos e Olalla Rodil Fernández**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, relativa as demandas dun convenio colectivo digno para as/os investigadores/as das Fundacións biosanitarias de Galiza.

### EXPOSICIÓN DE MOTIVOS

As Fundacións biosanitarias de Galiza son estruturas organizativas de promoción e desenvolvemento da investigación sanitaria. Constitúense como espazos multidisciplinares, co obxectivo de promover a investigación translacional e a innovación, para así garantir a aplicación efectiva dos resultados para beneficio das/os cidadáns.

O valor do seu traballo, a través da aplicación clínica, aporta importantes beneficios sobre a saúde das persoas.

As Fundacións Sanitarias teñen encomendado pola Consellaría de Sanidade da Xunta de Galiza a xestión integral da investigación e innovación que desenvolven xs profesionais sanitarios galegxs. Teñen como misión impulsar a investigación, a docencia, a innovación e o desenvolvemento científico-tecnolóxico no ámbito sanitario galego.





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Representantes da Plataforma Galega de Traballadorxs de Investigación Sanitaria de Galiza (PLAGTIS) conformada polos comités de empresa das Fundacións Biomédicas de investigación sanitaria de Galiza: Fundación Biomédica Galicia Sur(FBGS), Fundación Prof. Novoa Santos(FPNS) e da Fundacións Instituto de Investigación Sanitaria de Santiago de Compostela (FIDIS) reuníronse co BNG para expoñernos a situación laboral que padece o persoal e en demanda de apoio para que a consellaría de Sanidade acepte desbloquear as negociación de cara a acadar un convenio colectivo digno.

Trasládannos que este convenio atinxe a máis de 500 traballadores/as que a día de hoxe non teñen unha norma propia que regule nin as súas condicións laborais, nin as súas obrigas profesionais, están reguladxs polo Estatuto dxs Traballadorxs. Non teñen táboas salariais mínimas, nin estabilidade laboral. Esta situación impide un correcto desenvolvemento da carreira investigadora en Galiza e dignificar as condicións laborais actuais e pon en perigo a captación do talento que non se retén pola falta de interese da consellaría de Sanidade.

Á realidade que viven e de tal precariedade que hai investigadorxs que levan traballando máis de 20 anos con contratos temporais

As negociacións iniciadas en maio de 2029 están paralizadas, quedaron suspendidas neste verán, debido ás vacación e coincidir ademais coa conformación dun novo Goberno da Xunta tras as eleccións ao Parlamento Galego do 12 de xullo.

Os Comités de empresa están desde xuño agardando que se convoque a mesa de negociación. Nas negociacións realizadas até o de agora deron pechado cinco capítulos completos, mais quedan pendentes temas de máxima relevancia como son a estabilidade





OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

laboral, réxime retributivo e que o ámbito de aplicación sexa aberto á totalidade das persoas contratadas a través das fundacións.

Mentres a Consellaría de Sanidade se gaba do alto valor da investigación científica en Galiza e dos beneficios que isto reporta para os avances da medicina e a súa aplicación clínica para a saúde da poboación, condena xs profesionais altamente cualificadas/os e especializadas/os a unhas condicións de inestabilidade e precariedade.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento de Galiza insta o Goberno galego a:

1. Convocar de inmediato a mesa de negociación para acadar un convenio colectivo das Fundacións Biomédicas de investigación sanitaria de Galiza: Fundación Biomédica Galicia Sur(FBGS), Fundación Prof. Novoa Santos ( FPNS) e Fundación Instituto de Investigación Sanitaria Santiago de Compostela (FIDIS).

2. Implicarse dun xeito claro para conseguir que antes de rematar o actual ano 2020 se teñan pechado os termos do tan necesitado Convenio, no que deben contemplarse categorías profesionais ben establecidas, carreira investigadora, condicións laborais dignas, estabilidade e estabilización e condicións retributivas que parta como mínimo da proposta que realizan os Comités

3. Designar representante para esta negociación que teña capacidade de decisión e forme parte da Consellaría de Sanidade.”





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

Santiago de Compostela, 29 de outubro de 2020

Asdo.: **Montserrat Prado Cores**

**Iria Carreira Pazos**

Deputadas do G.P. do BNG

**Olalla Rodil Fernández**

Viceportavoz do G.P. do BNG

**Asinado dixitalmente por:**

**María Montserrat Prado Cores na data 29/10/2020 16:59:12**

**Iria Carreira Pazos na data 29/10/2020 16:59:21**

**Olalla Rodil Fernández na data 29/10/2020 16:59:30**







OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a iniciativa do deputado **Ramón Fernández Alfonzo** e **Daniel Pérez López** e da deputada **Carme González Iglesias**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 6ª**, sobre a situación da Central Térmica das Pontes.

### EXPOSICIÓN DE MOTIVOS

O anunciado peche da central térmica das Pontes despois de esgotar os recursos mineiros da localidade, de transformar radicalmente o territorio, mesmo afectando ecosistemas tan sensibles como o Río Eume ou a propia Ría de Ferrol, e de provocar tamén unha grande transformación sociolóxica en toda a contorna, supón un repto económico en diferentes sentidos de enormes dimensións.

Neste sentido, o Concello das Pontes ven de presentar un informe provisional no procedemento de impacto ambiental do proxecto de desmantelamento da central, elaborado coa participación dunha consultora e un bufete especializados en temas mineiros e industriais, no que se manifesta o seguinte:

"En cálculos globais, conforme a declaracións do ano 2016 da propia Endesa (Jefatura de Servicios Económicos de la UPT), a contribución da central, entre salarios, tributos e compras a provedores ascendía 38.000.000 €/ano".





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

O informe abunda tamén na perda de postos de traballo, en termos directos e máis de prexuízo circular ou de arrastre, estimando que a perda estaría nun intervalo de 1.000 a 1.400 postos de traballo.

Estas magnitudes son, ao noso xuízo, apenas unha mostra da grave crise desencadeada na localidade das Pontes e na comarca de Ferrol provocada polo peche da Central.

Mais hai que ter en conta tamén que o necesario cambio de paradigma enerxético non pode supoñer para Galiza retrocesos en termos de produción, dispoñibilidade, e prezos da electricidade, dado o carácter de servizo esencial que ten para os consumidores particulares, e do mesmo xeito, deben os gobernos preocuparse porque o impulso industrial que o noso país tanto precisa poida contar con un subministro seguro e a prezos competitivos que o faga posíbel.

Desde que se anunciara o peche téñense posto en marcha diferentes iniciativas sociais, sindicais e políticas, protagonizando grandes mobilizacións e mesmo folgas, na demanda de medidas urxentes que poidan neutralizar o impacto económico sobre os diferentes sectores afectados na comarca, e froito destas téñense concretado algúns foros de encontro ou negociación, como por exemplo a coñecida como “Mesa das Pontes” no ámbito do MITECO.

No que atinxe á Xunta de Galiza descoñecemos se ten algún proxecto para a localidade das Pontes, ou se ten previsto elaboralo, encamiñado a manter o nivel de emprego, e que supoña participación ou promoción nesta tan manida transición enerxética, e que aproveite tanto o punto de evacuación de REE, como a presenza, polo menos durante algún tempo máis, da empresa ENDESA operando os ciclos de gas.





OFICINA PARLAMENTAR  
**Parlamento de Galiza**  
Rúa do Hórreo, 63. Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

A falta de concreción do anuncio dos 108 proxectos cos que a Xunta vai optar aos fondos europeos de recuperación, nos que unicamente menciona que 33 deles estarán destinados á mobilidade sustentábel e á transición ecolóxica por un total de 2.700 millóns de euros, non pode tranquilizar a ninguén, sobre todo tendo en conta o avanzado do proceso de peche da central por parte de ENDESA, tanto no que a trámites administrativos se refire como, o que é máis sintomático, aos procedementos de prexubilación e traslados do seu persoal na central.

Estes feitos contrastan cos resultados das probas que están a realizarse para alimentar a central con lodos, e que desde o entorno da propia central dan por satisfactorios a falta de continuar as probas variando proporcións e incorporando o gas como substituto do carbón.

En todo caso parece que o éxito de estas probas, ademais de manter a actividade e o emprego, tería o valor engadido da xeración de electricidade a partir de fontes renovábeis, ademais de facilitar unha solución para o tratamento duns lodos que de outro xeito terían unha xestión moi problemática.

Por todo o anteriormente exposto, o Grupo Parlamentar do BNG presenta a seguinte proposición non de lei para o seu debate na Comisión 6ª:

“O Parlamento galego insta a Xunta de Galiza a elaborar un proxecto destinado a manter o nivel de emprego na localidade das Pontes e na Comarca de Ferrol coas seguintes características:

1. Estará vinculado coa produción enerxética, e contará tamén co obxectivo declarado de promover na propia localidade un tecido industrial complementario relacionado coa eficiencia e a transición enerxética.





OFICINA PARLAMENTAR  
**Parlamento de Galiza**  
Rúa do Hórreo, 63, Tel. 0034 981 551 545  
gp-bng@parlamentodegalicia.gal  
15702 Santiago de Compostela  
Galiza

2. Contará para na súa elaboración coa participación dos axentes actualmente representados na antedita “Mesa das Pontes” do MITECO.”

Santiago de Compostela, 29 de outubro de 2020

Asdo.: **Ramón Fernández Alfonzo**

**Daniel Pérez López**

**Carme González Iglesias**

Deputados e deputada do G.P. do B.N.G.

**Ana Pontón Mondelo**

Portavoz do G.P. do BNG

**Asinado dixitalmente por:**

**Ramón Fernández Alfonzo na data 29/10/2020 17:31:17**

**Daniel Pérez López na data 29/10/2020 17:31:27**

**María do Carme González Iglesias na data 29/10/2020 17:31:36**

**Ana Pontón Mondelo na data 29/10/2020 17:31:45**



## Á Mesa do Parlamento

O Grupo Parlamentario dos Socialistas de Galicia, por iniciativa dos seus deputados e da súa deputada, Pablo Arangüena Fernández, Julio Torrado Quintela e Marina Ortega Otero, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 5ª.

A área sanitaria da Coruña-Cee, que abrangue 37 concellos, é unha das máis importantes de Galicia e ten como hospital de referencia o CHUAC, desbordado nas súas capacidades e pendente de ampliación dende hai moitos anos.

O Sr. Feijóo comprometeu en outubro de 2018 a ampliación e renovación do CHUAC sinalando que “Antes de que remate a lexislatura, presentaremos o novo Hospital Público da Coruña, totalmente renovado nas instalacións actuais e cunha ampliación do 50 por cento da superficie actual”.

Dous anos despois, non fai falta dicir que foi outra de tantas promesas incumpridas por parte do líder do PP de Galicia.

En datas recentes a Xunta de Galicia remitiu ao concello da Coruña un borrador de convenio no cal, ademais de solicitar das arcas municipais 22,2 millóns de euros e a cesión dunha parcela, pídelle que renuncie ao cobro de impostos e taxas.

Pola contra, o borrador enviado non concreta as obrigas económicas da Xunta nin os prazos de execución das infraestruturas, é dicir, o borrador establece obrigas para unha das partes pero non di a que se obriga á outra.

Hai que lembrar –unha vez máis– que a sanidade é unha competencia exclusiva da Xunta de Galicia e que os concellos galegos, entre eles o da Coruña, tiveron que asumir e financiar nesta pandemia abundantes obrigas impropias, engadidas ás que normalmente asumen e financian, obrigas que son estritamente competencia da Administración autonómica.

Por iso, o Grupo Parlamentario dos Socialistas de Galicia, presenta a seguinte proposición non de lei:



O Parlamento de Galicia insta o Goberno galego a asumir con carácter inmediato a ampliación e renovación integral do CHUAC da Coruña, infraestrutura comprometida polo presidente da Xunta e que ten unha importancia máxima como hospital de referencia da área sanitaria Coruña-Cee, máxime en tempos nos que a sanidade pública cobra un papel fundamental.

Pazo do Parlamento, 29 de outubro de 2020

**Asinado dixitalmente por:**

**Pablo Arangüena Fernández na data 29/10/2020 16:36:59**

**Julio Torrado Quintela na data 29/10/2020 16:37:17**

**Marina Ortega Otero na data 29/10/2020 16:37:28**

**Gonzalo Caballero Míguez na data 29/10/2020 16:37:44**



## Á Mesa do Parlamento

O Grupo Parlamentario dos Socialistas de Galicia, por iniciativa dos seus deputados e da súa deputada, Pablo Arangüena Fernández, Julio Torrado Quintela e Patricia Otero Rodríguez, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 8ª.

O pasado 22 de setembro publicábase no BOE o proxecto definitivo de rexeneración da Ría do Burgo, unha actuación longamente reclamada dende a comarca coruñesa que vai ser satisfeita por fin como reflicte a inclusión dunha partida de 20 millóns de euros no proxecto de orzamentos do estado para 2021, complementada pola previsión de 28,5 millóns máis no ano 2022, para un proxecto que ten un importe total de 48,5 millóns de euros e un prazo de execución de 26 meses.

Trátase dunha obra de grande importancia e interese xeral, dado que a ría da Coruña leva moitos anos nunha situación moi difícil para a practica do marisqueo, que levou a que na actualidade soamente practiquen esta actividade unhas 80 persoas, cando hai escasas décadas chegaron a mariscar nela aproximadamente 2.000.

O saneamento da ría do Burgo é unha actuación que mostra o compromiso da Administración estatal co medio ambiente e tamén co emprego e coa xeración de riqueza. Grazas ao saneamento da ría vai ser posible aumentar a produción, que leva severamente diminuída dende hai lustros, e xerar riqueza e economía sostible ao mesmo tempo que se rehabilita medioambientalmente un ecosistema moi importante e moi frecuentado pola cidadanía da comarca.

A Xunta de Galicia non puxo nin vai poñer un céntimo de euro para sanear a ría do Burgo cando todas as competencias sobre a ría (como marisqueo e acuicultura) son súas excepto a de loita contra contaminación, que é compartida co estado. Os fondos van proceder integramente do Estado e da UE, con nula aportación con cargo os orzamentos da Xunta, a pesar de ter recibido inxentes importes dos fondos comunitarios para loitar contra a contaminación nas últimas décadas, e a pesar de levar en aplicación a directiva marco de augas dende o ano 2000.



Hai que lembrar que nos orzamentos do Estado de 2018, últimos do Goberno de Rajoy e que foron prorrogados ata hoxe, unicamente figuraba unha partida simbólica dun millón para a rexeneración, mentres que no proxecto de orzamentos de 2019, que foi rexeitado grazas aos votos en contra, entre outros, dos deputados do PPdeG, figuraban xa 8 millóns para o saneamento no 2019 e 15 para o 2020, dado que se trata dun proxecto de 2 anos de execución e que sempre se reclamou que a Xunta aportase o 50 % por ter compartida a competencia de loita contra a contaminación, cousa que, como vemos, non vai chegar a producirse, noutra mostra de escapismo por parte do Goberno autonómico.

As obras van durar 26 meses, período durante o cal, por motivos evidentes, non vai poder mariscarse na ría, o cal implicará a perda de ingresos por parte dos aproximadamente 80 mariscadores que viven da ría. Sendo a competencia exclusiva en materia de marisqueo da Xunta, e sendo a situación totalmente allea aos mariscadores, debe ser esta a que se faga cargo de establecer compensacións económicas que permitan subsistir a este colectivo profesional durante o tempo que duren as obras, con independencia de que os mariscadores teñen manifestado publicamente e tamén ao deputado que subscribe que están completamente dispostos a traballar ben nos labores de rexeneración ou de vixilancia ou de calquera tipo, é dicir, que non queren cobrar por non facer nada.

Por iso o Grupo Parlamentario dos Socialistas de Galicia presenta a seguinte proposición non de lei;

O Parlamento de Galicia insta a Xunta de Galicia, como titular en exclusiva da competencia de marisqueo, a establecer mecanismos de compensación económica que permitan a subsistencia dos mariscadores e mariscadoras da ría da Coruña afectados pola imposibilidade de practicar a súa actividade durante o tempo de duración das obras.

Pazo do Parlamento, 29 de outubro de 2020

**Asinado dixitalmente por:**

**Pablo Arangüena Fernández na data 29/10/2020 17:49:27**

**Julio Torrado Quintela na data 29/10/2020 17:49:43**







**Patricia Otero Rodríguez na data 29/10/2020 17:49:54**

**Gonzalo Caballero Míguez na data 29/10/2020 17:50:12**



## Á Mesa do Parlamento

**O Grupo Parlamentario dos Socialistas de Galicia**, por iniciativa da súa deputada e deputado, **Marina Ortega Otero e Julio Torrado Quintela**, a través do seu portavoz, e ao abeiro do disposto no artigo 160 do Regulamento da Cámara, presentan ante esa Mesa a seguinte **Proposición non de lei para o seu debate Comisión 5.<sup>a</sup>, Sanidade, Política Social e Emprego**.

### Exposición de motivos

A ELA (Esclerose Lateral Amiotrófica) é unha enfermidade altamente discapacitante e dexenerativa que ten unha esperanza media de vida media de entre dous e cinco anos. A medida que a enfermidade avanza paraliza todo tipo de movementos excepto os oculares, así coma a fala, permanecendo intactas as capacidades cognitivas da persoa doente.

Polo que estamos a falar dunha gran dependencia que fai que a persoa que padece esta enfermidade, ao non poder falar nin facer ningún movemento teña unha imposibilidade absoluta para comunicarse, o que supón un agravio maior para o doente e o seu contorno.

Afortunadamente a tecnoloxía avanza rápido, e existen dispositivos específicos, lectores oculares que conectados a un dispositivo concreto, transformen a dirección da mirada en palabras. Está é a única fórmula de comunicación posible, xa que na actualidade non existe tratamento para frear ou acabar con esta enfermidade.

O pasado 2019 o Goberno Central a través do Ministerio de Sanidade, Consumo e Benestar Social anunciou a Orde SCB/480/2019, do 26 de abril, pola que se modifican os anexos I, III y VI del Real Decreto 1030/2006, do 15 de setembro, polo que se establece a carteira de servizos comúns do Sistema Nacional de Saúde e o procedemento para a súa actualización. No mesmo se detalla a actualización da carteira de servizos común do SNS. Como solicitudes de actualización da carteira común, relativas ao cribado poboacional de cancro de cérvix, ao lector ocular, á micropigmentación da aréola mamaria e do mamilo como parte da reconstrución mamaria e a ampliación da idade de financiación dos audífonos. A Comisión de prestacións, aseguramento e financiación creou un grupo de traballo que elaborou un protocolo de indicación dos lectores oculares e outros sistemas de comunicación para estes pacientes e propuxo a súa



inclusión dentro da atención especializada en consultas, para pacientes con trastornos neuromotores graves, como son os pacientes con ELA e outros, que pola afectación severa dos membros superiores e imposibilidade de comunicación oral ou escrita que padecen, non poden comunicarse. Dita orde de modificación do Real Decreto 1030/2006 entrou en vigor o día 1 de xullo de 2019 e as Comunidades Autónomas, disporían dun prazo de seis meses a contar dende a entrada en vigor da orde para adaptar as súas respectivas carteras de servicios ao disposto en dita orde. Polo que o próximo xaneiro de 2021 de seguir sen actualizarse en Galicia, levaría un ano e medio dende a vixencia de dita orde. Non podemos permitirnollos retrasos con este tipo de pacientes, xa que non poder falar nin moverse é unha necesidade vital urxente.

Polo exposto, o Grupo Parlamentario dos Socialistas de Galicia presenta a seguinte Proposición non de lei:

O Parlamento de Galicia insta a Xunta de Galicia a:

- 1.<sup>a</sup>) Axilizar o procedemento de actualización da carteira de servizos do Sergas para a inclusión do dispositivo ou tablet e brazo articulado máis o lector ocular para pacientes con ELA ou usuarios deste servizo.
- 2.<sup>a</sup>) Habilitar, mentres non se resolva, unha partida orzamentaria por parte da Consellería de Política Social para a adquisición directa destes dispositivos para este tipo de pacientes sen recursos e que teñan impedida a súa capacidade de comunicación.
- 3.<sup>a</sup>) Que se proceda á formación por parte da empresa encargada de aportar ditos dispositivos, a familiares, cuidadores/as e usuarios/as.
- 4.<sup>a</sup>) Axilizar dende a presentación do PAI da ELA o máximo a súa tramitación pola vía rápida.
- 5.<sup>a</sup>) Proceder á revisión de grao de oficio coa maior brevidade e resolución, para evitar as numerosas solicitudes a instancia dos usuarios/as.



6.<sup>a</sup>) Que se implementen nas áreas sanitarias que non funcionen, entre outros, a consulta de acto único, a persoa responsable da coordinación das Unidades de ELA, seguimento cada 3 meses, psicoloxía clínica en todas as fases, acceso a rehabilitación en todo o proceso, prescrición de cadeira de rodas a tempo, así coma a importancia do seguimento de usuarios con traqueostomía e gastrostomía.

Pazo do Parlamento, 29 de outubro de 2020

Asdo.: Marina Ortega Otero  
Julio Torrado Quintela Marina Ortega Otero  
Deputada e deputado do G.P. dos Socialistas de Galicia  
Asdo.: Gonzalo Caballero Míguez  
Portavoz do G.P. dos Socialistas de Galicia

**Asinado dixitalmente por:**

**Marina Ortega Otero na data 29/10/2020 17:29:17**

**Julio Torrado Quintela na data 29/10/2020 17:29:30**

**Gonzalo Caballero Míguez na data 29/10/2020 17:29:40**



## Á Mesa do Parlamento

O Grupo Parlamentario dos Socialistas de Galicia, por iniciativa do seu deputado e da súa deputada, Pablo Arangüena Fernández e Paloma Castro Rey, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate na Comisión 1ª.

O Goberno do Estado aprobou hai 4 días o Real decreto 926/2020, de 25 de outubro, polo que se declara o estado de alarma para conter a propagación da covid19.

Trátase dunha medida prevista no artigo 116 da Constitución, que remite a súa regulación a correspondente lei orgánica, a Lei orgánica 4/1981 reguladora dos estados de alarma, excepción e sitio, que establece no seu artigo 4 que “El Gobierno, en uso de las facultades que le otorga el art. 116, 2, de la Constitución, podrá declarar el estado de alarma, en todo o parte del territorio nacional, cuando se produzca alguna de las siguientes alteraciones graves de la normalidad: b) b) Crisis sanitarias, tales como epidemias y situaciones de contaminación graves”. Pola súa banda, no seu artigo 5 di que “Cuando los supuestos a que se refiere el artículo anterior afecten exclusivamente a todo o parte del ámbito territorial de una Comunidad Autónoma, el Presidente de la misma podrá solicitar del Gobierno la declaración de estado de alarma”. E o artigo 7 sinala que “A los efectos del estado de alarma la Autoridad competente será el Gobierno o, por delegación de éste, el Presidente de la Comunidad Autónoma cuando la declaración afecte exclusivamente a todo o parte del territorio de una Comunidad”.

A situación sanitaria da península, dende que se levantou o anterior estado de alarma, non parou de empeorar, exactamente igual que en Galicia, onde estes días se están a bater récords de contaxios, mortes e positividade na segunda ola.

Non menos preocupante é a situación en Europa, onde Francia declarou de novo o confinamento da poboación e Alemaña medidas máis restritivas ca España, igual que moitos outros países.

Dende o punto de vista xurídico hai que lembrar que outros países declararon estados similares ao noso estado de alarma, como Portugal o estado de calamidade, Italia o estado de emerxencia ou Francia o estado de alarma.



Ante unha situación tan difícil, un estado como o español, que se caracteriza por presentar un elevado grao de descentralización con respecto, por exemplo, os tres anteriormente citados e en todo caso con respecto a maioría dos países do mundo, non ten máis remedio que adaptar a súa resposta a ese carácter descentralizado.

A maioría das CC.AA pediron ao Goberno a declaración do estado de alarma, incluíndo o País Vasco e Cataluña. O estado de alarma decretado delega nas CC.AA a adopción de medidas pero establece mecanismos de coordinación e posibilita a declaración de medidas máis drásticas se fora necesario, así como a propia posibilidade de levantar o estado de alarma decretado en caso de melloría, como é lóxico.

Se o funcionamento ordinario do estado das autonomías require un certo grao de cooperación e de lealdade constitucional, a situación de crisis inusitada e pandemia sanitaria na que nos atopamos precisa da aplicación dun plus nesa cooperación e nesa lealdade, xusto o contrario do que está a facer a Xunta de Galicia a través do seu presidente, que declarou inmediatamente que considera «demoledor» un estado de alarma que «se carga o consumo en Nadal» e que prexudica o turismo. Tamén sinalou que «hemos pronunciado la necesidad de modificar la ley orgánica de salud pública. Yo mismo lo he reiterado varias veces. Hemos enviado una propuesta en octubre. Pero volvemos a incidir en el error de usar el estado de alarma. Es un error político, económico y social» «no podemos proyectar que somos un país que vamos a tener un estado de alarma de seis meses. Ese estado alarma de forma innecesaria a los ciudadanos».

Tamén declarou que as mesmas medidas poderían tomarse modificando a lexislación sanitaria, o cal parece ser a súa obsesión, de xeito incomprendible, dado que se pretende tomar as mesmas medidas hai que deducir que o único que lle preocupa é o nome que se lle asigne á situación, o cal oscila entre o ridículo e o delirio. É absolutamente alucinante que o Sr. Feijóo se permita dicir que o que alarma é o estado de alarma e non a pandemia cando en Portugal teñen declarado un estado de calamidade.

En suma, ante a aplicación do mecanismo previsto con claridade no noso ordenamento para unha situación como esta na que nos atopamos, o Sr. Feijóo non pode evitar proferir ocorrencias indignas dun representante público que xeran un clima de desconfianza e discordia na cidadanía e prexudican a imaxe de Galicia e do país dentro e fóra das nosas fronteiras.



Por iso o Grupo Parlamentario dos Socialistas de Galicia presenta a seguinte proposición non de lei:

O Parlamento de Galicia insta o Goberno galego a que deixe de comportarse de xeito desleal emitindo a través do seu presidente consideracións que, ademáis de disparatadas, xeran desalento e discordia na sociedade e prexudican a necesaria colaboración e lealdade que é tan necesaria para o normal funcionamento dun estado composto como o español.

Pazo do Parlamento, 29 de outubro de 2020

**Asinado dixitalmente por:**

**Pablo Arangüena Fernández na data 29/10/2020 18:24:07**

**Paloma Castro Rey na data 29/10/2020 18:24:20**

**Gonzalo Caballero Míguez na data 29/10/2020 18:24:38**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas **Olalla Rodil Fernández, Montserrat Prado Cores e Iria Carreira Pazos**, ao abeiro do disposto no Regulamento da Cámara, presenta a seguinte **Proposición non de lei para o seu debate na Comisión 5ª**, sobre as condicións laborais do persoal da Consellaría de Política Social e as medidas que debe adoptar a Xunta de Galiza ao respecto.

### EXPOSICIÓN DE MOTIVOS

Hai oito anos aprobouse en Galiza a Lei 1/2012 de medidas temporais en determinadas materias do emprego público que incluía no seu articulado a suspensión dalgúns artigos do V Convenio colectivo único para o persoal laboral da Xunta.

*Artigo 6. Suspensión da aplicación de determinados artigos do convenio colectivo.*

*Un. Suspéndese a aplicación do artigo 19, agás a alínea 1, do V Convenio colectivo único para o persoal laboral da Xunta de Galicia.*

*Dous. Suspéndese a aplicación do artigo 29, Dereito a comedor, do V Convenio colectivo único para o persoal laboral da Xunta de Galicia, agás para o persoal laboral de educación e o dereito do persoal que traballe en quenda de noite a recibir bebidas frías e quentes recoñecido no inciso final do primeiro parágrafo.*

*Tres. Suspéndese a aplicación do artigo 34.2 do V Convenio colectivo único para o persoal laboral da Xunta de Galicia.*





*Catro. Suspéndese a aplicación da disposición adicional terceira do V Convenio colectivo único para o persoal laboral da Xunta de Galicia.*

Malia que a propia lei prevía no seu título o carácter temporal desta suspensión de dereitos, o certo é que o Goberno galego continúa aplicándoa, oito anos despois, a través da súa prórroga a través da Lei de acompañamento dos orzamentos.

Especificamente a suspensión da aplicación do artigo 19 do devandito Convenio referido ao descanso e festivos do persoal público.

Esta situación supón un roubo de dereitos para as traballadoras e traballadores públicos véndose de maneira máis prexudicada o persoal da Consellaría de Política Social que vén reclamando desde hai anos a súa restitución.

A negativa da Xunta de Galiza, de maneira reiterada, a devolver os seus dereitos ás traballadoras e traballadores engádesa a precariedade que soportan e as dificultades de conciliación da vida persoal e laboral.

Resulta inadmisíbel que a consellaría da Xunta de Galiza responsábel dos servizos de conciliación e de coidados das persoas máis vulnerábeis non só non sexa exemplo na garantía escrupulosa dos dereitos das súas traballadoras e traballadores, senón que se converta nun axente precarizador e vulnerador de dereitos.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 5ª:

“O Parlamento galego insta a Xunta de Galiza a restituír os dereitos das traballadoras e traballadores públicos suspendidos en 2012 a través da reactivación do





BLOQUE  
NACIONALISTA  
GALLEGO

OFICINA PARLAMENTAR

**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

artigo 19 do V Convenio na súa integridade así como coa derogación da Lei 1/2012 do 29 de febreiro, de medidas temporais en determinadas materias do emprego público da Comunidade Autónoma de Galicia.”

Santiago de Compostela, 29 de outubro de 2020

Asdo.: **Montserrat Prado Cores**

**Iria Carreira Pazos**

Deputadas do G.P. do BNG

**Olalla Rodil Fernández**

Viceportavoz do G.P. do BNG

**Asinado dixitalmente por:**

**Iria Carreira Pazos na data 29/10/2020 18:26:11**

**Olalla Rodil Fernández na data 29/10/2020 18:26:15**

**María Montserrat Prado Cores na data 29/10/2020 18:26:22**



## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado e da súa deputada **Julio Torrado Quintela e Patricia Otero Rodríguez**, a través do seu portavoz solicitan a esa Mesa a seguinte corrección de erros no documento con número de rexistro **3886**, advertido un erro en dito documento.

Corrección de erros:

No encabezado da proposición non de lei:

Onde di: “...a seguinte **proposición non de lei en Comisión 5.<sup>a</sup>, Sanidade, Política Social e Emprego.**”; debe dicir: “...a seguinte proposición non de lei en **Comisión 8.<sup>a</sup>, Pesca e Marisqueo.**”

Pazo do Parlamento, 2 de novembro do 2020

Asdo.: Julio Torrado Quintela  
Patricia Otero Rodríguez  
Deputado e deputada do G.P. dos Socialistas de Galicia

Asdo.: Gonzalo Caballero Miguez  
Portavoz do G.P. dos Socialistas de Galicia


**Asinado dixitalmente por:**

**Julio Torrado Quintela na data 02/11/2020 14:28:55**

**Patricia Otero Rodríguez na data 02/11/2020 14:29:01**

**Gonzalo Caballero Míguez na data 02/11/2020 14:29:11**





PARLAMENTO  
DE GALICIA

BOLETÍN OFICIAL DO  
**PARLAMENTO DE GALICIA**

---

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

